

O LE EKALESIA A IESU KERISO O LE AU PAIA O ASO E GATA AI • AOKUSO 2014

O Le Liahona



**O Le Aisea O La Tatou
Galuega Faafafeautalai, i. 28**

Nai lo le Faavauvau Matou te Olioli, i. 14

Paionia i le Pasefika, i. 22

O Le Gata Feai i Lau Ato Faafafa, i. 48



*"E fananau mai tagata
uma ma le Malama-
lama o Keriso, o se
taiala faatosina lea
e faataga ai tagata
taitasi ia iloa le sa'o
mai le sese. O le mea
tatou te faia i lena
malamalama ma le
auala tatou te tali atu
ai i na uunaiga ia ola
amiontonu o se vaega
lea o le suega o le
olaga faaletino"*

Peresitene Boyd K. Packer,
Peresitene o le Korama a
Aposetolo e Toasefululu,
"O Nei Mea Ua Ou Iloa,"
Liahona, Me 2013, 6.

O Le Liahona, Aokuso 2014



O SAVALI

- 4 Savali a le Au Peresitene Sili:
Seleselega a le Atua
Saunia e Peresitene Dieter F. Uchtdorf

- 7 Savali a Faiaoga Asiasi:
**O Le Misiona Paia a Iesu
Keriso: Mesia**

TALA FAAALIA

- 18 **Ia Malolosi ma Lototetele**
Saunia e Elder Yoon Hwan Choi
Pe o le a faasalaina o'u uso-a-leleo pe afai ou te le inuina le ava malosi na ofoina mai e lo matou taitaiau ia i matou?

- 22 **O Paionia i Atunuuma:
Toga—o se Lauelele ua
Faapaiaina i le Atua**
Saunia e Harvalene K. Sekona
*Na faapaiaina e Tupu George
Tupou I Toga i le Atua i le 175 tau-saga ua mavae. O loo faapaiaina pea le Au Paia i Toga i le taimi nei.*

- 28 **Aisea Tatou Te Faasoatatu
ai le Talalelei**
Saunia e Elder D. Todd Christofferson
O le faasoaina atu o le talalelei e le o se polokalama; o se galuega—o le galuega a le Tama, le Alo, ma le Agaga Paia.

- 34 **O Le Feagaiga e Tumau Faavau a le Atua**

Aoao pe faapefea ona faagalue le feagaiga Faaaperaamo i o tatou taimi ma le Meleniuma.

I LE FAAVAA

Luma: Ata na pueina e Leslie Nilsson.
I totomu o le faavaa pito i luma: Ata na pueina e Jason Lindsey.

MATAGALUEGA

- 8 **Tusigāmanatu Konafesi
Aperila 2014**

- 11 **O Perofeta o le Feagaiga Tuai:
Iopu**

- 12 **Tatou te Talanoa ia Keriso:
O Le Folafolaga o Lo Matou
Lumanai Faatasi**
Saunia e Jarolyn Ballard Stout

- 14 **O Tatou Aiga, O Tatou Auaiga:
Matou Te Iloa Le Mea O Loo I
Ai O Ila**
Saunia e Hernando Basto

- 16 **Tala Fou o le Ekalesia**

- 38 **O Leo o le Au Paia o Aso
e Gata Ai**

- 80 **Seia Tatou Toe Feiloai:
Suia Lou Fefe i le Faatuatua**
Saunia e Katherine Nelson



42

42 Faatino i luga o Lenei Lauleelele mo ni Tausaga

Saunia e Dennis C. Gaunt

E le o taimi uma o le a faamalieina ai oe i tulaga o lou olaga. E mafai lava ona e fiafia.

46 Na tali mai le Tama Faalelagi Leai—ma loe

Saunia e Angelica Hagman

Ina ua tali mai le Atua “leai” i la’u tatalo, o le mea moni lava sa Ia fai mai “e le’o le taimi lenei.”



72

65 Molimau Faapitoa: Pe ua lava mo le taimi nei pe afai na o lo’u talitonu e moni le Ekalesia?

Saunia e Elder Jeffrey R. Holland

66 Manatu Lelei

67 Sa ou Lagonaina le Agaga Paia

Saunia e Yichen

Sa lavea lo’u uso. O le a se mea e mafai ona ou faia?

68 Faamanuiaga o Isa

Saunia e Mackenzie Van Engelenhoven

O le tama o Isa e le o se tagata o le Ekalesia. Sa ia moomoo maimau pe ana i ai sina eseeseaga o le tulaga o i ai.

70 O Se Leona Amio Mamoe

Saunia e Elder Kazuhiko Yamashita
Sa manatu Lambert o ia o se mamoe pe ana le sau se luko.

71 O La Tatou Itulau

72 O Uo mai le salafa o le Lalolagi: O Au o Kaloni mai Toga

Saunia e Amie Jane Leavitt

74 Aumaia O Le Peraimeri I Le Fale: O Gaoioiga Anoa E Faamalosia Ai Lo’u Aiga

Saunia e Jennifer Maddy

76 Mo Tamaiti Laiti: Uo mo Eli

Saunia e Jane Nickerson

60

O Le Lomiga Faamaonia Faa-Samoa a le Ekalesia a Iesu Keriso o le Au Paia o Aso e Gata Ai

Susuga a le Au Peresitene Sili: Thomas S. Monson, Henry B. Eyring, Dieter F. Uchtdorf

O Le Korama a Aposteto e Toasefululuua:

Boyd K. Packer, L. Tom Perry, Russell M. Nelson, Dallin H. Oaks, M. Russell Ballard, Richard G. Scott, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen

Faatonu: Craig A. Cardon

Fautua: Jose L. Alonso, Mervyn B. Arnold, Shayne M. Bowen, Stanley G. Ellis, Christoffel Golden

Pule Faatonusili: David T. Warner

Faatonusili o le Lagolago mo Aiga ma Tagata o le Ekalesia: Vincent A. Vaughn

Faatonusili o Mekasini a le Ekalesia: Allan R. Loyborg

Pule o Mea Tau Pisini: Garff Cannon

Pule Faatonutonu: R. Val Johnson

Pule Faatonutonu Lagolago: Ryan Carr

Au Tusitusi ma Faatonutonu: Brittany Beattie, David Dickson, David A. Edwards, Jennifer Grace Fallon, Matthew D. Flitton, Mindy Raye Friedman, Lori Fuller, Garrett H. Garff, LaRene Porter Gaunt, Michael R. Morris, Sally Johnson Odekirk, Joshua J. Perkey, Jan Pinborough, Richard M. Romney, Paul VanDenBerghe, Marissa Widdison

Pule Faatonusili Tusiata: J. Scott Knudsen

Faatonusili Tusiata: Tadd R. Peterson

Au Mamanu: Jeanette Andrews, Fay P. Andrus, Mandie M. Bentley, C. Kimball Bott, Tom Child, Nate Gines, Colleen Hinckley, Eric P. Johnsen, Susan Lofgren, Scott M. Mooy, Mark W. Robison, Brad Teare, K. Nicole Walkenhorst

Faatonu o le Puletaofia ma Fatufatuga:

Collette Nebeker Aune

Pule i le Gaosiga: Jane Ann Peters

Au Gaosiga: Kevin C. Banks, Connie Bowthorpe Bridge, Julie Burdett, Bryan W. Gygi, Denise Kirby, Ginny J.

Tailolomi: Jeff L. Martin

Faatonusili Lolumoga: Craig K. Sedgwick

Faatonusili o le Tufatufaga: Stephen R. Christiansen

Mo le okaina o mekasini, alu i le store.lds.org po o le Faletusi Tutotonu i Pesogea, Telefoni 64127. Totogi o le Mekasini: \$0.55 (Samoa) i le kopu. Totogi mo le Tausaga Atua \$6.60 (Samoa).

Auina atu tusitusiga ma faafesili i luga o le initoneti

i le liahona.lds.org: po meli mai i le Liahona, Rm. 2420, 50 E. North Temple, Salt Lake City, UT 84150-0024, USA; po o le i-meli: liahona@ldschurch.org.

O Le Liahona (o lona uiga i le Tusi a Mamona o le "tapasa" po o se "faatonu") e lomia i le faa-Alepania, Aminia (Sasae), Pisilama, Palekeria, Kemupotia, Sepuanu, Saina, Kalaotia, Siekisolvakia, Tenimaka, Take, Igilisi, Esitonua, Fiti, Finelani, Farani, Siamani, Eleni, Hanikeri, Initu, Iselani, Initoniesia, Italia, Iapani, Kiripati, Korea, Latvia, Litunia, Malakasa, Masela, Monokolia, Nouei, Polani, Potukale, Romania, Rusia, Samoa, Saina (ua faafagofineia), Silovenia, Sipaniolu, Suetena, Swahili Tagaloka, Tahiti, Tal, Toga, Lukureini, Uruta, ma Viatename. (E eseese lava gagana.)

© 2014 Puletaofia e le Intellectual Reserve, Inc. Ua taofia aia tatau uma. Lomia i le lunate Setete o Amerika.

E mafai ona kopu tala ma ata o le Liahona mo le toe faaaogaina i lotu po o le aiga ae ia le faia ai ni pisini. E le tatau ona kopu ni tala po o ni ata pe afai o faasa mai i le laina o loo ta'ua ai le e ona lea faatufugaga. Auina atu fesili e uiga i le puletaofia i le Intellectual Property Office, 50 East North Temple Street, Salt Lake City, UT 84150, USA; i-meli: cor-intellectualproperty@ldschurch.org.

For Readers in the United States and Canada:

August 2014 Vol. 38 No. 8. O LE LIAHONA (USPS 311) Samoa (ISSN 1045-0947) is published monthly by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send all UAA to CFS (see DMM 707.4.12.5). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

Manatu Mo Afiafi Faaleaiga

O lenei lomiga o loo i ai tusiga ma gaoioiga e mafai ona faaaoga mo afiafi faaleaiga.
O manatu nei e lua.



"O Faifeautalai Falaoa Fa'i, itulau 54:

Mafaufau e fai se falaoa fai faatasi ma lou aiga (po o se isi meaai suamalie e fiafia i ai lou aiga) ma auina atu i tagata ua lagona e lou aiga ua uunaia e faasoatua i ai le talalelei. E mafai ona e faasoatua le savali lava lea e tasi e fai e faifeautalai falaoa fa'i, tuu atu se valaaulia i se gaoioiga a le Ekalesia, pe faapipii i ai se kata fepasiasi.

"O Gaoioiga Anoa E Faamalosia Ai

Lo'u Aiga, itulau 74: Mafaufau i le faia o ni afiafi faaleaiga "e filifili e tamaiti" i le masina lenei. E mafai ona filifili e le fanau gaoioiga, lesona, ma autu e sili ona latou fiafia i ai ma auauai e taitaia. Uunaia tamaiti taitasi e mafaufau i manaoga o isi tagata o le aiga pe a filifilia gaoioiga ma lesona.

I LAU GAGANA

O loo maua le Liahona ma isi tusi a le Ekalesia i le tele o gagana i languages.lds.org.

AUTU I LENEI LOMIGA

E ta'u mai e numera le itulau muamua o le tusiga.

Agaga Paia, 56, 60, 67

Aiga, 12, 14, 38, 53, 58, 62, 68, 74

Faafiafiaga, 74

Faaipoipoga, 12, 46, 62

**Faamanuiaga
faapeteriaka,** 12

Faamoemoe, 12, 14

Faatuatua, 12, 14, 18, 60, 65, 80

Faitalia, 42

Feagaiga, 34

Galuega, 4

Galuega faafaifeautalai, 22, 28, 41, 53, 54, 56

Iesu Keriso, 7, 48

Liua, 14, 22, 28, 40

Natura paia, 70

Onosai, 4, 11

Paionia, 22

Perisitua, 34, 39, 68

Ponokalafi, 48

Salamo, 48

Tatalo, 46, 67

Tofotofoga, 11, 12, 14

Togiola, 48

Uo, 52, 76

Upu o le Poto, 18

Usiusitai, 18



Saunia e Peresitene
Dieter F. Uchtdorf

Fesoasoani Lua i le
Au Peresitene Sili

SELESELEGA a le Atua

Sa galue se tamaitai e igoa ia Christa mo se taimi i se kamupani fatu laititi. Sa fiafia o ia i lana galuega. O se punavai ofoofogia tele ona o nei tamai fatu taitasi ninii sa ia faatauina atu sa i ai le mana e liua ai o ia lava i se mea e matuai faavavega lava—se karoti, se kapisi, e oo lava i se laau maoae o le aruna.

E fiafia Christa e nofo i lana komepiuta ma faia oka ma taliina fesili. Ae i se tasi aso na ia maua ai se faitioga na le mautonu ai o ia.

“E le lelei fatu,” o le tala lea a le tagata faatau. “Sa ou faatauina i le lua masina talu ai ae e leai lava se mea o tupu.”

“Na e totoina i se eleele lelei ma tuu atu i ai ia lava le vai ma le susulu o le la?” O le fesili lea a Christa.

“Leai, ae na ou faia la’u vaega,” na tali atu ai le tagata faatau. “Sa ou faatauina fatu. Ae maise lava, ua *faamaonia* e ola.”

“Ae e te le’i totoina?”

“E leai. O lona uiga o le a palapala ai o’u lima.”

Na mafaufau Christa i lenei mea ma filifili ai ina ia tusia ni taiala o le totoina. Sa ia filifili po o le a le uluai taiala o le a i ai: “E tatau ona e mulimuli i faatonuga o le totoina ina ia totogo ae fatu. E le mafai ona e faatulagaina i luga o le fata ma faamoemoe e feola.”

E lei umi ae le mautonu o ia i se isi faaseā.

“E le o feola lelei fatu,” na fai mai ai se tagata faatau.

“Pe sa e totoina i se eleele lelei?” Na tali atu ai Christa. “Pe na e tuuina atu i ai le aofaiga talafeagai o le vai ma le susulu o le la?”

“Oi, ioe,” sa fai mai ai le tagata faatau. “Sa ou faia uma lava—e pei lava ona fai mai i luga o le pepa. Ae lei aoga.”

“Pe na i ai lava sina mea na tupu? Pe na totogo ae?”

“E leai se mea na tupu,” o le tala lea a le tagata faatau.

“Sa ou totoina e pei lava ona faatonuina. Sa ou faamoemoe ia i ai ni tamato mo le taumafataga o le afiafi. O lenei ua ou matua le fiafia lava.”

“Faatali,” o le tali lea a Christa. “O lau tala na e totoina ia fatu ananei?”

“Aua le faavalevalea,” o le tali lea a le tagata faatau. “Sa ou totoina i se vaiaso talu ai. Sa ou lē faamoemoe e vaai i ni tamato i le aso muamua; sa ou onosai. Sei ou faamatala atu ia te oe, sa matuai tele lava le fuiina ma le faatalitali i lena va ma le taimi nei.”

Na iloa e Christa e tatau ona ia faaopoopo i ai se isi tai-ala: “O nei fatu e mulimilitai i tulafono o le natura. Afai e te totoina fatu i le taeao ma faamoemoe e ai tamato mulimuli ane i lena vaiaso, o le a e le fiafia. E tatau ona e onosai ma faatali mo le galuega o le natura e matale mai i ou luma.”

Sa lelei mea uma seja maua e Christa se isi faasea.

“Ou te matua le fiafia lava i au fatu,” le amata a le tagata faatau. “Sa ou totoina e pei lava ona fautuaina mai e le pepa. Sa ou tuuina atu i ai le vai, sa faamautinoa ua maua le susulu o le la, ma faatalitali seiia oo ina iu lava ina latou maua mai so latou seleselega.”

“E foliga mai sa e faia mea uma lava i le ala sao,” o le tala lea a Christa.

“O mea uma lava ua lelei,” o le tali lea a le tagata faatau. “Ae o le mea sa ou mauaina o le sukin!”

“O loo faaali mai e au faamaumauga o fatu na sa e okaina,” na fai mai ai Christa.



“Ae ou te le manao i ni sukini; ou te manao i ni maukeni!”

“Ou te le o malamalama.”

“Sa ou totoina fatu i la’u toga maukeni—le eleele lava e tasi na maua mai ai maukeni i le tausaga ua mavae. Ou te viia lava au laau i aso uma, ma ta’u atu ia te i latou o le a avea lava i latou ma ni maukeni matagofie. Ae nai lo o ni maukeni tetele, lapotopoto, lanu moli, sa ou maua ni sukini uumi, lanu meamata. Matuai tele naua sukini!”

Sa iloa ai e Christa o taiala o le a le lava ma sa tatau ai ona ta’u atu se mataupu faavae: “O fatu e te totoina ma le taimi o le totoina e iloa ai le seleselega.”

O Le Tulafono o le Seleselega

Na aoao mai le Aposetolo o Paulo e uiga i le seleselega a le Atua:

“Aua nei faaseseina outou; e le ulagia le Atua: aua o le mea e luluina e le tagata, o le mea lava lea e seleseleina mai ai e ia.

“O se lulu i la lona tino, e selesele mai ai e ia i la le tino le mea e pala; a o se lulu i la le Agaga, e selesele mai ai e ia i la le Agaga le ola faavavau.

“Aua nei tatou faapalapala i le amio lelei: aua o ona po e tatau ai tatou te seleselae mai ai, pe afai tatou te le faavaivai” (Kalatia 6:7–9).

I taimi ua tuanai, na tuuina mai ai e le Alii ia i tatou le poto faaopoopo ma se vaaiga manino i lenei tulafono le masuia:

AOAO ATU MAI LENEI SAVALI

Ita talanoaina faatasi ma i latou e te asia le auala e faaaoga ai le tulafono o le seleselega a le Atua i sootaga, liua ma le molimau, po o le galuega ma sini faaleaoaoga. E mafai ona e faiatou ma mafaufau i mau e faatatau i lenei tulafono, e pei o le Faataoto 11:18; 2 Korinto 9:6; ma Alema 32. la uunaia i latou e toe iloilo sini sa i ai muamua, ma faatutu ni sini fou e ausia ai taunuuga amiotonu. Fesoasoani ia i latou e atiina ae se fuafuaga e galulue ai pea lava pea ina ia mafai ona oo atu i lo latou faamoemoega mo se taimi umi.

“E i ai se tulafono, na folafola le maaveesea i le lagi i luma atu o le faavaega o le lalolagi lenei ua faavae ai i luga faamanuiaga uma—

“Ma a tatou maua se faamanuiaga mai le Atua, e maua i le usiusitai i lena tulafono ua faavae ai i luga” (MF&F 130:20–21).

O le mea tatou te luluina, tatou te seleseleina.

O le seleselega a le Atua e faigata ona malamalamia i ai i le mamalu. Ia i latou o e e faamamaluina o Ia, o le anoanoai o Ana faamanuiaga e oo mai i le “fua lelei, e lolomi ma luluina, e tumu ma solo i tua. . . . Aua o le fua tou te fuaina atu ai, e fuaina mai ai ia te outou” (Luka 6:38).

E pei lava o fatu faalelalolagi e manao-mia ai taumafaiga ma le onosai, e faapea foi le tele o faamanuiaga o le lagi. E le mafai ona tatou tuuina la tatou tapuaiga i se fata ma faamoemoe e selesele faamanuiaga faaleagaga. Ae afai tatou te totolina ma faafailele tulaga faatonuina o le talalelei i le olaga i aso taitasi o lo tatou aiga, o loo i ai se avanoa maualuga o le a feola ae a tatou fanau ma fua mai ni fua faaleagaga e sili lona taua ia i latou ma augatupulaga i le lumanai.

O tali a le Atua i a tatou tatalo e le masani ona vave oo mai—o nisi taimi e foliga mai e le oo mai lava—ae e silafia e le Atua le mea e sili ona lelei mo Lana fanau. E mautinoa lava, e i ai se aso tatou te vaai manino atili ai; ma i lena aso o le a tatou iloa ai le agalelei ma le agaalofa o le lagi.

I le taimi nei, o la tatou sini ma le olioli tele o le savavali lea i tulaga aao o lo tatou Matai ma le Faaola ma ola i ni olaga lelei ma mama ina ia mafai ona avea ma tatou le seleselega folafolaina ma le taua o faamanuiaga le mafaatauina a le Atua.

O le mea tatou te luluina, tatou te seleseleina.

O le tulafono lena o le lagi.

O le tulafono lena o le seleselega a le Atua. ■

Fuafua Lau Seleselega

O le tulafono a le Atua o le seleselega e faapea, afai tatou te mananao i se mea i se taimi o mulimuli mai, e tatau ona tatou galulue i ai i le taimi nei. Afai tatou te mananao e toto se togalaau, e tatau ona tatou toto fatu, fui i latou, ma puipuia mai vao. Afai tatou te le faia lenei mea, tatou te le maua se seleselega mulimuli ane!

O lenei faatoaga e faaalia ai ni “fua” lelei atonu e te manao i ai i lou olaga. I laina o loo i lalo, tusi ai ni mea e mafai ona e faia i lenei masina e fesoasoani ia te oe ia maua ai nei faamanuiaga.



Ia suesue ma le agaga tatalo lenei savali ma saili ia iloa mea e faasoa atu. O le a mafai faapefesa e le malamalama i le soifuaga ma le matafaioi a le Faaola ona faateleina lou faatuatua ia te Ia ma faamanuiaina ai i latou o loo e tausia e ala i le faiaoga asiasi? Mo nisi faamatalaga, alu i le reliefsoociety.lds.org.

O Le Misiona Paia a lesu Keriso: Mesia

O se vaega lenei o se faasologa o Savali a Faiaoga Asiasi e faauatu i vaega o le misiona a le Faaola.

Ua aoao mai tusitusiga paia faapea e mafai ona tatou nonofo i le afioaga o le Atua “e ala mai i galuega, ma le alofa mutimutivale, ma le alofa tunoa o le Mesia Paia” (2 Nifae2:8). O le Mesia “o se upu Faa-Aramaika ma Faa-Eperu o lona uiga ‘o lē na faauuina.’ . . . I le Feagaiga Fou ua ta’ua Iesu o le Keriso, o le upu i le Faa-Eleni e tutusa ma le upu Mesia. O lona uiga o le Perofeta faauuina, o le Faitaulaga, o le Tupu, ma le Laveai.”¹

Na molimau mai Elder Jeffrey R. Holland o le Korama a Apostolo e Toasefululuua: “Ou te iloa ua na o [Iesu Keriso] o Le Paia e Toatasi o Israelu, o le Mesia o le a toe afio mai i se aso i le mamalu mulimuli, e nofotupu i le lalolagi e avea ma Alii o alii ma Tupu o tupu. Ou te iloa e leai lava se isi igoa ua tuuina mai i le lalolagi e mafai ona faaolaina ai tagata.”²

“O [Iesu Keriso] o le Faaola ma le Togiola o le lalolagi,” o le saunoaga



lea a Peresitene Dieter F. Uchtdorf, Fesoasoani Lua i le Au Peresitene Sili. “O Ia o le Mesia na folafolaina mai. Sa Ia soifua i se soifuaga atoatoa ma, na togolaina mo a tatou agasala. O le a Ia tauina a tatou taua. O Ia o lo tatou faamoemoe; o Ia o lo tatou faaolataga; o Ia o le ala.”³

Mau Faaopoopo

Ioane 1:38–41; 4:25–26, 40–42;
2 Nifae 6:13; 25:16–17

Mafaufau i le Mea Lenei

Aisea e taua ai le malamalama i le matafaioi a le Faaola o le Mesia?

Faatuatua, Aiga,
Toomaga



Mai Tusitusiga Paia

O soo tamaitai o Keriso na avea ma molimau o Lana matafaioi o le Mesia. O Maria Le Makatala o se soo o lesu Keriso. O ia o le tagata muamua na vaai i “le maa ua aveeseina i le tuugamau” i le taeao o le Toetu o Keriso. Sa ia “tu i fafo e lata ane i le tuugamau ua tagi ai” ina ua ia iloaina ua le o toe i ai Lona tino i le tuugamau.

Ona “faliu lea o ia i tua, ua iloa atu lesu ua tu mai, ae lei iloa e ia o lesu lava lea.

“Ua fetalai atu lesu ia te ia, Funia e, se a le mea e te tagi ai? O ai ea e te sailia? A o le fafine, fa te ia o le leoleo ia o le fanua, ua fai mai ia te ia, Le Alii e, afai ua e ave ese ia te ia, ta’u mai ia ia te au po o fea le mea ua e tuuina ai o ia, ona ou aveeseina lea o ia.

“Ua fetalai atu lesu ia te ia, Maria e. Ona faliu lea o ia, ua fai mai ia te ia, Raponi e; o lona uiga, Le A’oa’o e.” Na iloa e Maria e le o la o le faitogalau ae o lesu Keriso, le Mesia. (Tagai Ioane 20:1–17.)

FAAMATALAGA

- Taiala i Tusitusiga Paia, “Mesia”, scriptures.lds.org.
- Jeffrey R. Holland, “O Le Atua Moni e Toatasi Atoa Ma Le Na Ia Auina Mai o Iesu Keriso Lea,” *Liahona*, Nov. 2007, 42.
- Dieter F. Uchtdorf, “O Le Ala o le Soo,” *Liahona*, Me 2009, 78.

TUSIGĀMANATU KONAFESI APERILA 2014

“O le mea ua fai atu ai A’u o le Alii, ua ‘Ou fai atu ai; . . . pe i lo’u lava leo po o i le leo o a’u auauna, ua tutusa lava” (MF&F 1:38).

A o e iloiloina le konafesi aoao ia Aperila 2014, e mafai ona e faaaogaina itulau nei (ma Tusigāmanatu o le Konafesi i lomiga i le lumanaí) e fesoasoani ai ia te oe e suesue ma faaaoga aoaoga talu ai nei a perofeta soifua ma apostolo ma isi taitai o le Ekalesia.

MEA NA FAAMAMAFIA I AOAOGA FAAVAE



Faamuamua le Tulafono a le Atua

“O le upu *talitonuga faalelotu* o lona uiga moni ‘ia toe fusia’ . . . i le Atua. O le fesili e tatau ona fesiliglia ai i tatou lava o le, o i ai sa tatou *talitonuga* malosi i le Atua ina ia faaalia ai lo tatou faatuatua, pe ua noatia moni i tatou i se isi mea? . . . E toatele tagata ua faamuamua ina isi mea i lo le Atua. . . . E tatau lava ona avea tulafono a le Atua ma a tatou tulaga faatonuina. Pe a feagai ai ma mataupu feteenai, e tatau ona

tatou saili muamua i le taitaiga a le Atua. . . .

“O le faaososoga ia lauiloa e mafai ona faamuamua ai manatu lautele i lo le afioga a le Atua. . . . E tusa lava pe o ‘faia e tagata uma,’ o le sese e le mafai lava ona sao. . . . Ou te tatalo ia outou fusia ma le saogalemu i le Atua, o Ana upumoni e faavavau o le a tamau i o outou loto e faavavau.”

Elder Russell M. Nelson o le Korama a Apostolo e Toasefululu, “*Ia Faaali Atu Lou Faatuatua*,” *Liahona*, Me 2014, 29, 30, 31.

Ia maua ni manatu mo le iloiloina o au mea e faamuamua i lds.org/go/priorities814.

FOLAFOLAGA FAAPEROFETA



Faamoemoe

“Ou te fautua atu ia vaai lata mai ma vaai mamao a o e taumafai e tuu atu le tofi o le faamoemoe i lou aiga. . . . E i ai mea e mafai ona e vave faia, pe afai e talavou i latou e te alofa i ai. Manatua e faigofie atu ma sili atu ona aoga ia tatalo faaleaiga i aso uma, sue-sueina o tusitusiga paia faaleaiga, ma le fefaaasoaiiina o a tatou molimau i sauniga faamanatuga pe afai e laiti le fanau. . . . A uma ona tatou faia o mea uma i le faatuatua, o le a faamaoniaina e le Alii o tatou faamoemoe mo faamanuiaga sili atu mo o tatou aiga i lo mea e mafai ona tatou mafaufauina.”

Peresitene Henry B. Eyring, *Fesoasoani Muamua i le Au Peresitene Sili, “O Se Tofi o le Faamoemoe e Le Mafaatauina,” Liahona*, Me 2014, 25.

Saili ni auala e tuua ai se talatuu mo lou aiga i le lds.org/go/legacy814.



ALU MA FAI

Na talosaga mai Peresitene Thomas. S. Monson ia i tatou e "faaaluina le taimi e toe faitau ai i savali o le konafesi pe a . . . lolomina i lomiga o le a sosoo ai o meka-sini o le *Ensign* ma le *Liahona*, aua e onomea i ai lo tatou toe iloiloina ma toe suesueina ma le totoa."

Mai le "Seia Tatou Toe Feiloai," *Liahona*, Me 2014, 115.



FAATUMU LE AVANOA

1. "Faatasi ai ma le tatalo, _____ tauaveina le mana e puipua ai aiga." Tagai i le [lds.org/go/reeves814](https://www.lds.org/go/reeves814) po o Linda. S. Reeves, "Puipuiga Mai Ponokalafi — O Se Aiga e Taulai Atu la Keriso," 17.
2. "O le malamalama . . . e na o le _____ patino ma le _____ e oo mai ai." Tagai i le [lds.org/go/packer814](https://www.lds.org/go/packer814) po o Peresitene Boyd K. Packer, "OLE Molimau," 94.
3. "O le talalelei 'e le o se avega mamafa; ae e _____. O loo tauaveina i tatou." Tagai i le [lds.org/go/stevens814](https://www.lds.org/go/stevens814) po o Jean. A. Stevens, "Aua Le Fefe; Ou Te la Te Oe," 83.
4. "O le usiusitai . . . o se filifiliga i le va _____ ma le poto ma le silisiliise le faatapulaaina o le Atua." Saili i le [lds.org/go/perry814](https://www.lds.org/go/perry814) po o le tagai Elder L. Tom Perry, "Usiusitai E Ala i lo Tatou Faatuatua," 103.

Taili: 1. o le Tu'i a Mamoni; 2. tatalo, manu faatapulaia
4. a tatou lava malamalama ma le mafafau loloti; 3. apaan;

TUSIAINA O MEA E TUTUSA



Alofa

Onisi o autu sili ona taua, na laugaina i le sili atu nai lo le toatasi o failauga o le konafesi aoao. O mea nei sa saunoa i ai ni failauga se toatolu e uiga i le alofa:

- I le autalavou: "Ia maua le alofa. O le alofa mama faaKeriso e tafe mai le amiontonu moni e mafai ai ona suia le lalolagi." —Elder Jeffrey R. Holland, "O Le Tau—ma Faamanuiaga—o le Avea ma Soo," 8.
- I tamaitai: "A o tatou tagai i tala atu o o tatou eseesege i tausaga, aganuu, ma tulaga . . . , o le a faatumulia i tatou i le alofa le pona o Keriso." —Bonnie L. Oscarson, "Le Usoga: Oka, So Tatou Manaomiaina o le Tasi ma le Isi," 121.
- I alii: "O i tatou . . . ua tuuto atu e avea ma se nuu e alolofa i le Atua ma ona tuaoi ma o loo loto e faaali atu lena alofa e ala i upu ma galuega. O le ute lena o ituaiga o tagata e i ai i tatou o ni soo o Iesu Keriso." —Peresitene Dieter F. Uchtdorf, "O E Moe i Lenei Taimi o le Toefuataiga?" 61.

Aoao e uiga i le mea na saunoa i ai Peresitene Monson ma isi e uiga i le faaalia o le alofa i tagata uma i le [lds.org/go/love814](https://www.lds.org/go/love814).



O Le Perisitua

“E faamanuiaina e le mana o le Perisitua i tatou uma,” na saunoa ai Elder Dallin H. Oaks o le Korama a Apostolo e Toasefululua i lana saunoaga, “O Ki ma le Pule o le Perisitua.” “E taitaia e ki o le perisitua tamaitai faapea foi ma alii, ma o sauniga o le perisitua ma le pule o le perisitua e faatatau

foi i tamaitai e pei foi o alii.” Talu ai e manaomia ona tatou malamalama atili i le perisitua, na faamanino mai e Elder Oaks ia mataupu faavae autu i lana saunoaga i le konafesi e faatatau i le mana, ki, ma le pule o le perisitua. E mafai ona fesoasoani fesili nei e sue-sue ai i lana savali.

Fesili e manatunatu ai:

- O a ki o le perisitua, ma aisea e manaomia ai?
- O le a le sootaga o ki o le perisitua ma le pule o le perisitua?
- Pe o faatapulaa ia faamanuiaga o le perisitua e ala i itupa?

O le uiga ia te au o lenei mea:

- O le a le pule e faamatuu mai ia te au pe a ou mauaina tofiga po o ni valaauga mai se tasi o loo umia ki o le perisitua?

- O a tiutetauave ua ou mauaina i lo'u tofiga i le taimi nei po o se valaauga e tatau ona ou faataunuina?
- O le a se mea e mafai ona ou aoao e uiga i le alofa o le Atua mo a'u mai lenei lauga, ma pe faapefea ona ou faasoa atu i se tasi o loo i ai ni fesili?

E mafai ona e suesue i lenei lauga i le [lds.org/go/oaks814](https://www.lds.org/go/oaks814).

O TALI MO OE

O konafesi taitasi, e tuuina mai ai e perofeta ma aposetolo ni tali musuia i fesili atonu o i ai a tagata o le Ekalesia. Faaaoga lau lomiga o Me 2014 pe asiiasi i le conference.lds.org e sue ai tali i fesili nei:

- E faapefea ona tali e le Toetu ia fesili e uiga i le faasinomaga moni o lesu Keriso le Nasareta? Saili i le lds.org/go/dtc814 po o le tagai ia D. Todd Christofferson, “O Le Toetu o lesu Keriso,” 111.
- O le a le sootaga o le usiusitai ma le faitalia? Saili i le lds.org/go/hales814 po o le tagai ia Robert. D. Hales, “Afai Tou te Alofa Mai ia te Au, la Outou Tausi Mai i A’u Poloaiga,” 35.
- O a ni faamanuiaga tatou te maua ao tatou osia ma tausia feagaiga paia? Saili i le lds.org/go/wixom814 po o le tagai ia Rosemary. M. Wixom, “O Le Tausiga o Feagaiga e Puipuia ai i Tatou, Saunia ai i Tatou, ma Faamalosia ai i Tatou,” 116.

IOPU

"Ou te le iloa se isi mea e sili atu ona manaomia e tagata o le Ekalesia nai lo le manaomia o le talitonuga ma le finafinai sa ia lopu."¹ —Elder Joseph B. Wirthlin (1917–2008) o le Korama a Aposetolo e Toasefululu

Sa lauiloa au o se tagata e matau i le Atua ma aloese mai mea leaga.² Sa faamanuaina au e le Alii i atalii e toafitū ma afafine e toatolu, ma na la toina mai ia te au le tele o oa faalealolagi, e aofia ai o “mamoe e fitu afe, ma kamela e tolu afe, ma povi e tasi le afe, ma [asini] fafine e lima selau, atoa ma auauna e toatele lava.”³

Sa talitonu Satani o le a ou le toe amiontonu ma o le a ou fetuuina le Alii pe afai ou te le toe manua faaletino. Na faatagaina e le Alii Satani e tofotofoina au ae o le a le faatagaina o ia e faaleagaina au faaletino. Na faia e Satani la'u lafumanu ina ia gaoia po o le faata-maiaina ma auina mai se matagi malosi e faapau ai i lalo lo'u fale, ma fasiotia ai la'u fanau e toasefulu i totonu. Nai lo le fetuuina o le Alii, na ou “saei [lo'u] ofu, ma tafi [lo'u] ulu, ma faapau foi i le eleele, ma ifo” i le Alii.⁴

Ina ua vaai mai Satani o le a ou le fetuuina le Atua, sa ia manao ina ia suesueina au i tofotofoga faaletino. Sa faatagaina e le Alii Satani e faia o lea ae o le a le faatagaina o ia e aveese lo'u ola. Sa faapuapuagatia au e Satani i “mai papala leaga e gata ae i [lo'u] alofivae] e gata ifo i [lo'u] tumuai.”⁵ Peitai sa faatumauina pea la'u amio sa'o, i le musu e fetuuina le Alii. Sa matou faanoanoa faatasi ma au uo.

Sa fai mai a'u uo ia te au o o'u puapuaga na mafua mai lo'u lava amioleaga ma e tatau ona ou salamo, ae na ou iloaina o a'u o se tagata amiontonu.⁶ Na poloaiina mulimuli ane e le Alii au uo ina ia salamo. Sa faatonuina i latou e faia se taulaga mu ma tuu mai ia te au ou te tatalo mo i latou.⁷

Ina ua vaaia lo'u faamaoni, na faaumaina e le Alii lo'u

puapuaga tele, ma sa Ia faamanuia mai ia te au i le “lua mea i mea uma na muai ia te [au].”⁸ Ua i ai nei ia te au “o mamoe e sefulu afe ma afe e fa, ma kamela e ono afe, ma povi e lua afe, ma [asini] fafine e tasi le afe,” e faapea foi ma isi atalii e toafitū ma isi afafine e toatolu.⁹ Na tauia moni lava au e le Alii mo lo'u faatuatua ma le onosai.

Ua ou vaaia le aao o le Alii i lo'u olaga, i o'u puapuaga faapea foi i lo'u manua. Ou te molimau atu ma le lototoa: “Ua ou iloa o loo soifua le na te togolaina au, o aso amuli foi e tulai mai ai o ia i luga o le eleele: e ui foi ina faaumatia lenei tino pe a mavae atu lo'u pau, ae ou te iloa atu le Atua i lou tino.”¹⁰ ■

E ui o Iopu e le o se profeta, o lona olaga, molimau, ma le tumau e oo i le taimi o tofotofoga e mafai ona avea ma se faamalosiauga ia i tatou.

FAAMATALAGA

1. Joseph B. Wirthlin, “Aua Le Fiu,” *Liahona*, Jan. 1988, 6.
2. Tagai Iopu 1:1.
3. Tagai Iopu 1:2–3.
4. Tagai Iopu 1:7–22.
5. Iopu 2:7.
6. Tagai Iopu 22:27.
7. Tagai Iopu 42:7–9.
8. Iopu 42:10.
9. Tagai Iopu 42:12–13.
10. Iopu 19:25–26.



O LE FOLAFOLAGA O LO MATOU LUMANAI FAATASI

Saunia e Jarolyn Ballard Stout

Ina ua maua lou toalua i le kanesa, sa ou lagona e pei ua solofa i lalo lo matou lalolagi.

Faatasi ai ma se fanau e toavalu e tausi, o le a faapefea ona ou faia na o au?

O se taeao puaoa o le Aso Sa a o ou tu ai i le paipa o le umukuka ma faamaea le fufuluina o ipu o le ti. Sa matamata la'u fanau laiti e toalua i se vitio o tusitusiga paia i le potu o le aiga i tafatafa o le umukuka. Sa lofituina au i mafaufauga, ma sa susu uma o'u alafau i loimata. Sa le mafai ona ou aveese mai i lou mafaufau le kanesa lea ua osofaia lo matou aiga. Sa tauivi lo'u toalua ma lenei kanesa mo ni nai tausaga, ae o lea ua sosolo. Sa foliga mai ua faavaivaia lo'u faatuatua. Sa tumu lou mafaufau i fesili "ae faapefea pe afai?" mafaufauga.

Sa faafuasei ona faalavelave mai le vitio o tusitusiga paia i ou mafaufauga i upu mai se leo mālū: "Faalologo ia, ina malū ia. . . .

"Se a le mea tou te fefefe ai faapea? Se a le mea tou te le faatuatua mai ai?" (Mareko 4:39–40).

Sa ou faapalasi i lalo le soloipu ma faliu atu e vaai i le TV. O le vitio sa faatatau i le Faaola i le vaoia o le matagi. Sa foliga mai e peiseai sa fetalai mai e le Faaola lava Ia ia upu ia te au. Sa faatumulia au i se lagona o le mafanafana ma le filemu. O se faamanatu o le pipimai i le faatuatua lea sa tele ina ou aoaoina i le tele o tausaga o le kanesa. O se faatuatua o loo lagolagoina e upu o lou faamanuiaga faapeteriaka.

Sa ou mauaina lou faamanuiaga

faapeteriaka ina ua 15 ou tausaga. O le fuaiupu e tasi lea sa foliga mai i lena taimi na faamatalaina se vaega o la'u faaipoipoga i le malumalu ua taofimauina nei se folafolaga sili mo au. Sa talanoa e uiga i se tagata amiotonu e umiaina le perisitua o le a ou faaipoipo i ai ma faapea mai o le a ia "fesoasoani ia te oe, taiala oe ma lagolagoina oe, e le gata i lou talavou ae e manino lava i ou tausaga mulimuli ane."

A o ou fatauina ma saga fatauina lou faamanuiaga faapeteriaka i tausaga o tauiviga ma le kanesa, sa aumai e lena fuaiupu ia te au se faamoemoe sili. O taimi taitasi, sa ou maua ai se faatuatua faafouina i le folafolaga o lo matou lumanai faatasi. Ou te manatuina le mafanafana sili na tuu mai e le Agaga ia te au ina ua faatoa aafia lou toalua i le kanesa. Sa ou taulotoina

lena vaega o lou faamanuiaga faapeteriaka, ma ina ua maua mai taunuuga o suesuega o le kanesa sa faaletonu, sa ou manatuina lena folafolaga.

Sa ou aoao e tuu atu i le Faaola e tauave i matou, sa ou aoao e tatau ona ou tausia lou faatuatua ia mausali, ma sa ou aoao ia faatoilaloina le faatupulaia o le fefe i le faatuatua. Sa faamanatu mai ia te au e le vitio i lena taeao ia ou faalagolago i le Alii.

O le i ai o le faatuatua ou te maua ai le tomai e tuu atu ai ia Iesu Keriso e tauave au avega. E pei lava o le nuu o Alema o e sa faapologaina sa lei lagonaina le avega i o latou tua (tagai Mosaea 24:14), e faapena foi la i lo matou aiga o loo tauivi ma le kanesa. Ua mafai e lo matou aiga ona feagai ma le kanesa e aunoa ma le lagonaina o avega na te mafai ona aumaia.



AOAOINA MAI LESONA TIGA

"E oo mai faigata i o tatou olaga, o faafitali tatou te le faamoemoeina ma o le a tatou le filifilia lava. E leai se tasi o i tatou e le oo i ai. O le faamoemoega o le olaga nei, o le aoao ma ola ai ina ia avea atili e faapei o lo tatou Tama, ma e masani lava o taimi faigata tatou te aoaoina ai ni lesona aupito sili ona tiga."

Peresitene Thomas S. Monson, "la Mafuta le Atua ma Outou Seia Tatou Toe Feiloi," *Liahona*, Nov. 2012, 111.



O loo faia pea ni suesuega i lou toalaua e tuliloa ai matauaola o le kanesa pe sue ia maua ni tuma o loo mafua ai. O loo i ai pea a matou pili o le falemai [e totogil] ma aafiaga tumau o togaftiga. Ma o loo ou tatalo pea i aso uma ina ia le toe maua lou toalaua i le kanesa. Ou te tatalo pea ia ma tau fai ola uma ia matutua. O loo ou faapea atu foi i le Tama Faalelagi, "Ia faia Lou finagalo."

Ou te leiloa po o afea e oo mai ai ia "tausaga mulimuli ane" ia o loo taua i lou faamanuiaga. Ou te faamoemoe o upu o i lou faamanuiaga o loo faatatau lea i se taimi o le a mafai ai ona ma o ma lou toalaua i se misiona pe a matutua le ma fanau. Ou te faamoemoe o

loo faatatau lea i se taimi o le a taitai ai e lou toalaua le matou solofanua a o tietie ai le fanau a le ma fanau ma i se taimi o le a tuupuna solo ai le fanau a le ma fanau i luga o ona tulivae. Ae ou te iloa po o le a lava le taimi e aveese atu ai e le Atua o ia mai lenei lalolagi, o le a faia i Lana lava taimi.

Ou te le o toe popole lava la po o afea e oo mai ai na "tausaga mulimuli ane." E le afaina lea. Ou te talitonu o le a faamamaluina e le Alii lena folafolaga na faia ia te au i lou faamanuiaga faapeteriaka. Sa ia tausia i matou i le aluga o nei tausaga, ma o le a Ia tausia i matou i le lumana. ■

E alala le tusitala i Iuta, ISA.

Afai e te lei mauaina lou faamanuiaga faapeteriaka, fuafua nei e talanoa i lou epikopo po o le peresitene o le paranesi e uiga i le mauaina o se faamanuiaga. Afai ua i ai sou faamanuiaga faapeteriaka, pe o e faitauina soo ma mafaufa loloto i ai? Pe o i ai sou faatuatau i folafolaga a le Alii?

TATOU TE ILOA LE MEA O LOO I AI O IA

Saunia e Hernando Basto

*O le tatou tulimatai atu i le avea ai ma se aiga e faavavau
o le a faatotonugalemuina i le Atua.*

Ina ua faaali mai foliga o ni alii talavou se toalua i le vaega pito i luga o le fai-totoa o lo matou fale i Kolomupia, sa matou manatu o loo tutu i laua i luga o se mea ina ia mafai ona vaai mai i le faitotoa. E leai; sa matuai uumi lava i laua! O le ma atalii e tolu tausaga, o Pablo Ezequiel, na tilotilo atu i luga ia i laua ma le ofo. I totonus o ni nai aso, sa avea i laua ma ana uo sili.

O lo matou aiga—o Ludy, o lo'u toalua; Erika; Yesica; ma Ezequiel laitiiti—sa saili mo le Alii. Ua leva lava ona matou ola i nisi o mataupu faavae: sa matou tatalo i taimi o tau-mafataga; sa matou tatalo o se aiga, ma sa matou faia gaoioiga faaleaiga. Sa faavae o matou olaga i la matou faatasiga faaleaiga. O le faaali mai o na “agelu lapopoa” e toalua, e pei ona valaau ai faifeatalai e Ezequiel, na faamauina ai a matou faiga masani o le faamalosia o le aiga ma le taulai atu i le Atua.

I le faaaogaina o tusitusiga paia e avea ma lo la taiala, na aoaoina ai i matou e Elder Fa ma Fields i le ala. Sa matou tuufesili atu i le Alii po o fea e tatau ona matou tapuai ai. Ua tuuina mai e le Tusi a Mamona ma le talalei toefuataiina tali i fesili taitasi sa ia i matou i le tele o tausaga i a matou talanoaga faaleaiga. E fetoui lelei tali, ma sa vave ona avea i matou ma tagata o le Eklesia. E tasi le tausaga mulimuli ane, ae matou osia ni feagaiga ma sa

faamauina faatasi o se aiga e faavavau i le Malumalu o Bogotá Kolomupia.

Sa ma lagonaina se olioli tele i le iloaina sa ma amataina le ma fanau i le ala o le talalelei. Sa faatasi mai le Agaga i o matou olaga ma le aiga, ma o Ezequiel, lea sa fa tausaga, sa ofoina atu se tatalo o le a matou le faagaloina lava. Sa ia fai mai, “Tama Faalelagi Pele e, matou te faafetai atu ia te Oe mo lenei tamaitiiti aulelei o au, amene.” Sa matou tali uma atu amene ma feopoai i le lotolotoi o foliga ataata. O lena tamaitiiti laitiiti na te aumaia le olioli ia i matou.

I tausaga na sosoo ai, sa matou faia o se masani le o soo i le malumalu ma sa mafai ona matou o faalua pe faatolu i tausaga taitasi. Matou te nonofo i le 420 km (260 maila) mai le malumalu, ae e lei foliga mamao lava ia i matou. O le sauni e o i le malumalu sa avea o se mea fiafia i taimi uma mo i tatou. O le galuega o le talafaasolopito o aiga o se mea e faamuamua mo le ma fanau, ma sa latou fiafia e fai papatisoga mo e ua maliliu. Sa i ai pea lava le sauniumiga o le migao ona sosoo ai lea ma se aa-fiafia faaselesitila i le maota o le Alii.

Sa tuputupu ae Ezequiel i le agaga ma i le faatuatua. Sa avea lona tina ma lana oa e sili ona taua. E i ai pea lava pea ia te ia se faamalo faapitoa mo ia. I se tasi aso na ia ta'u atu i lona tina, “Mama, ou te alofa ia te oe e sili atu nai lo ivi o le tainasoa!” Sa matou talie



uma lava ona o lana gaoioiga e fiafia i ai o le vaavaai lea mo ivi o tainasoa.

O lo ma atalii faapelepele o Ezequiel na faasoa mai le 14 tausaga o lona olaga faatasi ma i matou i le talalelei lea e tuufaatasia i matou. Sa masani ona vave usitai o ia. Sa faasusulu mai lona alofa i lo matou aiga. O ona tuafafine ma le Au Paia i



tusitusiga paia o ana faataitaiga sili ia. Sa tumu o ia i le malosi ma gaoioiga. Sa lei misia lava e ia sana vasega seminare. Sa ia faatumulia lo matou aiga i le fiafia. Sa migao o ia pe a ia tufaina le faamanatuga. Ae na suia lo matou olaga faatasi ina ua valaauna Ezequiel e toe foi atu i lo tatou Tama Faalelagi. Sa matou matuai misia lava o ia e sili

atu nai lo le mea e mafai ona matou faamatalaina.

Na aveeseina mai o ia ia i matou e se siama e tulaga ese. E ui lava i le tiga matautia o lona alu ese atu, ua matou mautinoa o le a matou toe faatasi ma ia. O loo ia i matou le folafolaga na faia i la matou faamauga i le malumalu. Ua faatumuina le lagona o le gaogao lea

na tuua e lona maliu i le malamalama na valaauna o ia e le Alii e auaua atu i se misiona i se isi nofoaga. Sa matuai faapitoa lava le falelauasiga o Ezequiel lea na toatele ai tagata na uunaia e sailili i le Ekalesia. Sa ou faamoemoe lava o le a ia auaua atu i se misiona, ma o lenei ua ia faia. Ona o le ata o le faaolataga, ua matou iloa ai le mea o loo i ai Ezequiel ma po o ai o faatasi ma ia.

O loo matou taulai atu pea i lo matou aiga ma i le Atua. O la matou molimau e faapea o loo soifua le Atua ma e i ai Sana fuafuaga mo o tatou olaga. E tatau ona tatou faaauau pea i le faatuatua. O le toesea o se pele e faamanatu mai ai ia i tatou le fuafuaga paia.

O nisi o upu e sili ona faamafanafana loto ua tatou maua e mai le Perofeta o Iosefa Samita. I o matou loto ua matou iloa ai lo latou moni a'ia'i: "E aveeseina e le Alii le toatele e oo lava i le fanau iti, ina ia latou o ese ai mai le losilosivale o tagata, ma faanoanoaga ma leaga o lenei lalolagi; e mama tele i latou, matagofie tele, e soifua ae i le lalolagi; o le mea lea, afai e manatunatu i ai ma le sa'o, o le a leai se faavauvau ae o le a i ai le mafuaaga e fiafia ai ona o le a aveeseina mai i latou mai le leaga, ma o le a le toe umi ona tatou toe faatasi lea ma i latou" (*Aoaoga a Peresitene o le Ekalesia: Iosefa Samita* [2007], 187).

O le faamoemoe o le a toe vaai ia Ezequiel i le taeao o le Toetu na aumaia le lototele i o matou agaga ma fesoasoani ia i matou e onosaia aso pogisa. ■

E alala le tusitala i Kolomupia.

Ina ia matamata i se vitio faagaeetia e uiga i aafiaga o le Togiola ma le Toetu o le Faaola i o tatou olaga, asiisi i le easter.mormon.org

TALA FOU O LE EKALESIA

Asiasi ane i le news.lds.org mo se faaopoopoga o tala fou ma mea e tutupu i le Ekalesia.

Ua Tofia Taitai Fou o Eria

Ua faasilasila mai e le Au Peresitene Sili ia suiga nei i tofiga faaleautaitai i eria, e amata atu i le aso 1 o Aokuso, 2014. O uso uma o Au Peresitene o Eria o ni uso o le Korama Muamua po o le Korama Lua a Fitugafulu.

Ua valaauiina Fitugafulu e ala i faa-aliga, i lalo o le taitaiga a le Au Peresitene Sili, e fesoasoani ai i le Korama a Apostolo e Toasefululu i la latou auaunaga i le lalolagi atoa.

“O le talafaa-solopito o Fitugafulu e toe foi lava i le Feagaiga Tuai,” o le saunoaga lea a Peresitene Boyd K. Packer o le Korama a Apostolo e Toasefululu.¹ O le faasinoga muamua

i Fitugafulu o loo maua i le Esoto 24:1, ma o loo faasino mulimuli ane i ai i le Numera 11:16–17, 25, ina ua faapotopotoina mai i latou e fesoasoani ia Mose.

I le taimi o le misiona faaletino a Keriso, sa Ia valaaulia ia Fitugafulu, faatonu i latou i se auala e tutusa lava ma le au Apostolo e Toasefululu, ma auina atu ia te i latou “ai ona luma,” faamatala atu o le a faalogo foi i latou o e faalogo i o latou leo i Lona siufogaga (tagai i le Mataio 10:1, 16–17; Luka 10).

“Matou te talitonu i le faatulagaga lava lea e tasi sa i ai i le Ekalesia

anamua,” na saunoa ai Peresitene Packer. “Ma na aofia ai ia Fitugafulu.” (Tagai i le Mataupu Faavae o le Faatuatua 1:6.) I le vave faatupulaia o le Ekalesia i lenei vaitaimi, o loo i ai se matafaoi taua o loo faia e Fitugafulu e fesoasoani ai i le Toasefululu. “E mafai e Fitugafulu e ala i le faamatuu atu ona faia soo se mea e ta’u atu ia i latou e le Toasefululu,” o le saunoaga lea a Peresitene Packer.² ■

FAAMATALAGA

1. Boyd K. Packer, i “O Le Toasefululu ma Fitugafulu, Vaega Tasi: Faaaliga ma le Matafaoi o Fitugafulu” (vitio), LDS.org.
2. Boyd K. Packer, i “O Le Toasefululu ma Fitugafulu.”

Au Peresitene o Fitugafulu



Ronald A.
Rasband
**E lagolago i
eria uma**



L. Whitney
Clayton
**Iuta i Matu
Iuta Aai o
Sate Leki
Iuta i Saute**



Donald L.
Hallstrom
**Amerika
i Matu
Matusasae**



Richard J.
Maynes
**Amerika
i Matu
Matusisifo
Amerika i
Matu Sisifo**



Craig C.
Christensen
**Idaho
Amerika
i Matu
Tutotonu**



Ulisses
Soares
**Amerika
i Matu
Sautesasae**



Lynn G.
Robbins
**Amerika
i Matu
Sautesisifo**

Aferika i Sautesasae



Stanley G.
Ellis
**Fesoasoani
Muamua**



Carl B.
Cook
Peresitene



Kevin S.
Hamilton
**Fesoasoani
Lua**

Aferika i Sisifo



Terence M.
Vinson
**Fesoasoani
Muamua**



LeGrand R.
Curtis Jr.
Peresitene



Edward
Dube
**Fesoasoani
Lua**

Asia



Randy D.
Funk
**Fesoasoani
Muamua**



Gerrit W.
Gong
Peresitene



Chi Hong
(Sam)
Wong
**Fesoasoani
Lua**

<p>Asia i Matu</p>    <p>Koichi Aoyagi Fesoasoani Muamua</p> <p>Michael T. Ringwood Peresitene</p> <p>Scott D. Whiting Fesoasoani Lua</p>	<p>Pasila</p>    <p>Jairo Mazzagardi Fesoasoani Muamua</p> <p>Claudio R. M. Costa Peresitene</p> <p>Marcos A. Aidukaitis Fesoasoani Lua</p>	<p>Keripiane</p>    <p>Claudio D. Zivc Fesoasoani Muamua</p> <p>J. Devn Cornish Peresitene</p> <p>Hugo E. Martinez Fesoasoani Lua</p>
<p>Amerika Tutotonu</p>    <p>Adrián Ochoa Fesoasoani Muamua</p> <p>Kevin R. Duncan Peresitene</p> <p>Jose L. Alonso Fesoasoani Lua</p>	<p>Europa</p>    <p>Patrick Kearon Fesoasoani Muamua</p> <p>José A. Teixeira Peresitene</p> <p>Timothy J. Dyches Fesoasoani Lua</p>	<p>Europa i Sasae</p>    <p>Randall K. Bennett Fesoasoani Muamua</p> <p>Bruce D. Porter Peresitene</p> <p>Jörg Klebingat Fesoasoani Lua</p>
<p>Mekisiko</p>    <p>Paul B. Pieper Fesoasoani Muamua</p> <p>Benjamín De Hoyos Peresitene</p> <p>Arnulfo Valenzuela Fesoasoani Lua</p>	<p>Sasae Tutotonu/Aferika i Matu</p>   <p>Bruce A. Carlson Faatautaia mai le laumua o le Eklesia</p> <p>Larry S. Kacher</p>	<p>Pasefika</p>    <p>O. Vincent Haleck Fesoasoani Muamua</p> <p>Kevin W. Pearson Peresitene</p> <p>S. Gifford Nielsen Fesoasoani Lua</p>
<p>Filipaina</p>    <p>Shayne M. Bowen Fesoasoani Muamua</p> <p>Ian S. Ardern Peresitene</p> <p>Larry J. Echo Hawk Fesoasoani Lua</p>	<p>Amerika i Saute Matusisifo</p>    <p>W. Christopher Waddell Fesoasoani Muamua</p> <p>Juan A. Uceda Peresitene</p> <p>C. Scott Grow Fesoasoani Lua</p>	<p>Amerika i Saute Saute</p>    <p>Jorge F. Zeballos Fesoasoani Muamua</p> <p>Walter F. González Peresitene</p> <p>Francisco J. Viñas Fesoasoani Lua</p>



**Saunia e Elder
Yoon Hwan Choi**
O Le Fitugafulu

La Malolosi L^{MA} Lototetele

“**U**a faasilasila mai e le ulu o leoleo a le peresitene o le a faia se tatou pati tele ona na matuai maoae lava a tatou faafiafiaga!” na alaga atu ai se tasi o leoleo.

Sa tatau ona ou fiafia, ae o le taimi lava na ou faalogo ai i le tala, sa amata ona ou tatalo. Sa ou iloaina o la matou faafiafiaga o le a avea ma se pati pia. Sa lava lou malosi faaleagaga e le inu ai, ae ou te lei manao i o’u uso-a-leoleo e puapuagatia ona o au.

O tiute faamiliteli e faamalosia ai uma alii talavou o Korea i Saute, o lea na ou auai loa i le autau i le taimi lava na uma ai la’u misiona talai. Sa tofia au i le au leoleo a le peresitene. Na iloa e o’u uso-a-leoleo o le a ou le inuina lava soo se meainu malosi ona o au o se tagata o Le Ekalesia a Iesu Keriso o le Au Paia o Aso e Gata Ai. Ina ua fofogaina mai le pati, na amata ona popole i latou ona o le a latou pagatia pe afai ou te le inu pe a tuu mai e lo matou taitai le faatonuga e faia lena mea i le pati.

Sa i ai se tu masani faapea, i faafiafiaga o le a tulai le taitaiau i luma o leoleo taitasi, e auauai, ma faatumu le ipu malamalama a le leoleo i le ava malosi. Ona uu lea i luga e le leoleo o le ipu malamalama ma faapea atu, “Faafetai lava, lau susuga!” ma inu loa lava le ava malosi i le taimi lea.

I le olaga faamiliteli, o le le usitaia o soo se faatonuga mai se ofisa sinia o le tetee lea ma e mafai ona oo ai i se tulaga matua e le gata mo le tagata le usitai, ae faapea foi mo tagata o lana vaega. I le tulaga sili ona leaga, o le tetee e mafai ona oo lava i le auina atu i le falepuipui, ma o le mea lea na faapopoleina ai o’u uso-a-leoleo.

Ua oo mai le aso o le pati, ma o i matou o leoleo e toa 10 sa saofafai faataamilo i le laulau. Sa tofu ma se ipu malamalama avanoa i ona luma. Sa ou nofo i le nofoa lona tolu. Na taunuu mai lo matou taitaiau ma faatumu le ipu malamalama muamua.



Na sii i luga e le leoleo lana ipu ma faapea atu, "Faafetai lava, lau susuga!" Ona ia inu ai lea.

Na agai atu lo matou taitaiau i le leoleo lona lua ma toe faia faapea. Ona oo lea i lo'u taimi. Sa ou sauni e tausia le Upu o le Poto, ma sa ou tatalo peia i lo'u loto mo o'u uso-a-leoleo. Ina ua faatumulua e lo matou taitaiau la'u ipu malamalama, ma le leo tele sa ou fai atu, "Faafetai lava, lau susuga!" Sa faapea ou te fai atu ou te faatoese atu ae le mafai ona ou inu.

O le taimi lena, na ulu mai ai lana failautusi ma faapea atu, "Lau Susuga, o loo i ai se valaau mo oe." Na faliu atu lo matou taitaiau ia te ia ma fai atu, "O loo ou pisi."

Sa ou uuina pea le ipu malamalama ae faaopoopo mai le failautusi, "Lau Susuga, o le peresitene." Sa tali atu lo matou taitaiau, "Oi, ua lelei," ona ia vave aluese lea.

Na faafusei lava ona fesuiae le leoleo lona lua lana ipu malamalama avanoa ma la'u ipu ma vave inu le ava malosi. E lei umi ae toe foi mai le taitaiau, na vaai i la'u ipu malamalama avanoa, ma fai mai, "Oi, ua uma ona e inu!" Ona ia agai atu lea i le leoleo lona fa. Sa manavanava loloa tagata uma ona to'a lea.


I le tolu sefulu-lima tausaga mulimuli ane, ua leva se taimi talu ona uma lo'u tiute i le militeli, na ou maua ai se telefoni mai se peresitene o le paranesi o le Ekalesia i Korea i Saute. Sa ia fesili mai pe o ou manatua se Mr. Park mai la'u auaunaga faamiliteli.

"Ioe ou te manatua," sa ou tali atu ai. Sa ou auauna faatasi ma Mr. Park, ma sa ia faaaloalogia o'u talitonuga ma sa masani ona ia puipuia au i taimi faigata.

Na tuuina mai e le peresitene o le paranesi ia te au le numera o le telefoni a Mr. Park, ma na ou valaau ia te ia i le taimi lava lena. A o ou talanoa atu ia te ia, na tau mai e Mr. Park ia te au faapea i lo matou taimi faatasi o ni leoleo o le peresitene, na ia vaai i se malamalama o susulu mai ia te au, ma sa ia lagonaina e tatau ona fesoasoani ia te au. Mulimuli ane, soo se taimi lava e oo ai ia te ia se mea faigata, sa ia fai mai sa ia mafaufau ia te au.

Sa fai mai Mr. Park ia te au e i ai ni ona atalii se toalua e manao o ia ia avea faapei o au. Na ia ave foi ona atalii i le lotu i se falelotu o le Au Paia o Aso e Gata Ai. O se tasi o i laua ua papatisoina, e ui ina e lei papatiso Mr. Park. Peitai, o lena atalii e leo toe toaga. Sa manaomia e Mr. Park la'u fesoasoani ma le fautuaga.

Sa ou alu e vaai Mr. Park i se vaiaso mulimuli ane. Na manaia le ma talanoaga, ma e lei umi ae amata ona ou



I le tolu sefulu-lima tausaga talu ona vaai Mr Park. o ou faatinoina lo'u faatuatua a o ma auauna faatasi i le militeli, sa ou papatisoina o ia o se tagata o le Ekalesia.

feiloai ma lona atalii ma faamalosiau ia te ia e toe foi mai i le Ekalesia. Sa ia taliaina la'u fautuaga ma le lotomaualalo, toe toaga, ma auauna atu i se misiona. Na ala mai i ana tusi i lona aiga a o auauna atu i se misiona, sa ia uunaia lona tama ma na fesoasoani e saunia o ia mo le papatisoga. I se aso o le taumafanafana i le tausaga na sosoo ai ma le ma asiasiga muamua, sa ou papatisoina Mr. Park o se tagata o le Ekalesia.

Oka o se vavega maoae! Sa suia o latou olaga ona o le faatuatua na faatinoina e se alii talavou i le 35 tausaga ua mavae.

Aloese mai Mailei ma Matasele

I le Feagaiga Tuai, na aoaoina e Iosua le fanauga a Israelu e uiga i mailei ma matasele o le a latou feagai a o nofo ai i se lalolagi amioleaga:

"Ia outou matua iloa e le toe tulia e Ieova lo outou Atua se isi o ia nuu i o outou luma; a e fai i latou ma mailei, ma matasele ia te outou, ma sasa i o outou itu, ma mea matuitui i o outou mata, seja faaumatia outou ai lenei nuu lelei ua foaiina atu e Ieova lo outou Atua ia te outou" (Iosua 23:13).

Ia te au, i le faalavelave semanu ou te faaoo i ou uso-a-leoleo o se mailei semanu e faaososooina ai au e inu le ava malosi. Ae peitai, sa ou filifilia le mea sa'o ma sa sauni e usitaia le Upu o le Poto e tusa lava po o a taunuuga.

Sa ou aoaoina mai ou aafiaga i le militeli o le a faamauiaina ma puipuia e le Alii Lana fanau pe afai tatou te

LOTOTELE E TU ATU AI MO MATAUPU FAAVAE



"O le a tatou fetaiai uma ma le fefe, lagonaina o le tauemuina, ma taia foi i faasagatau mai. E tatau ia i tatou—ia i tatou uma—ona maua le lototele e faafetaiai ai manatu lautele, le

lototele e tu atu ai mo mataupu faavae. O le lototele, e le fetuunaia, e aumaia ai faamanuiaga o le faamaoniga a le Atua. E avea le lototele ma se amio mama e ola ma faatosina pe a manatu i ai ua le na o se naunautaiga e oti ma le mamalu ae o se naunautaiga foi ia ola mama."

Peresitene Thomas S. Monson, "Ia Faamalosi ma Loto Tele," *Liahona*, Me 2014, 69.

"faamalosi ma loto tele" (Iosua 1:6). Mo se faataitaiga, sa ia puipua le aiga o Israelu ina ua latou sopoia le Vaitafe o Ioritana. Ae muamua, o fataulaga o e na tauaveina le atolaau o le feagaiga sa faaalia lo latou faatuatua ma le lototele e ala i le laa atu i totolu o le vaitafe o loo pa. Ona faatoa "vavaeeseina . . . le vai" e le Alii ma faia le vaitafe e "tu foi le vai e pei o se mea maupuepue" (tagai Iosua 3:13–17).

Ina ia "faamalosi ma loto tele," e tatau ona tatou "pipii atu ia Ieova" (Iosua 1:6; 23:8). Tatou te pipii atu i le Alii a o tatou faia suesuega i tusitusiga paia a le tagata lava ia ma faaleaiga, tatalo faaletagata lava ia ma faaleaiga, ma afiafi faaleaiga. Tatou te pipii atu foi ia te Ia a o tatou fetagofii atu i le faamanatuga, faalautele o tatou valaauga, tapuai soi i le malumalu, usitai i poloaiga, ma salamo pe a tatou sese. O nei faatinoga e faatagaina ai le Agaga Paia ia mafuta ma i tatou ma fesoasoani ia i tatou ia iloa ma aloese mai mailei ma matasele.

"E amata a o tatou laiti lava, o e nafa ma le tausiga o i tatou e faavaeina taiala ma tulafono e faamautinoia ai lo tatou saogalemu," na saunoa ai Peresitene Thomas S. Monson. "O le a faigofie atu le olaga mo i tatou uma pe afai tatou te usitaia atoatoa na tulafono. . . .

O le usiusitai o se uiga tupito lea o perofeta; ua latou maua ai le malosi ma le malamalamai i le talafaasolopito atoia. E taua mo i tatou le iloaina tatou te agavaa foi i lenei puna o le malosi ma le malamalamai. E faigofie ona avanoa ia i tatou taitoatasai i le asō pe a tatou usiusitai i poloaiga a le Atua."¹

Agai i Luma i le Faatuatua

E lei leva ona valaauna Peresitene Boyd K. Packer, Peresitene o le Korama a Aposetolo e Toasefululua, o se Pulega Aoao, sa ia alu atu ia Elder Harold B. Lee (1899–1973) mo se fautuaga. Na manatua e Peresitene Packer:

"Sa ia faalogo ma le totoa i lo'u faafitalui ma fautua mai ia ou alu e vaai Peresitene Tavita O. Makei [1873–1970]. Sa fautuaina au e Peresitene Makei i le itu e tatau ona ou alu ai. Sa ou matuai naunau lava e usiusitai ae sa leai se auala e mafai ai ona ou faia e pei ona sa ia fautuaina au e fai.

"Sa ou toe foi atu ia Elder Lee ma tau atu ia te ia ou te le o vaiai se ala e agai ai i le itu sa fautuaina ai au ou te alu i ai. Sa ia fai mai, 'O le faalavelave o oe, o lena e te manao ia e iloa atu le taunuuga mai le amataga.' Sa ou tali

atu ou te fia iloa tau lava o se laasaga se tasi pe lua i luma atu. Ona oo mai lea o le lesona o le olaga atoia: 'E tatau ona e aoao ia savali atu i le tausiusuga o le malamalamai, ona sosoo ai lea ma ni nai laa i le pogisa; ona mafai lea ona susulu mai le malamalamai ma faaali mai le ala i ou luma atu.'²

I le avea ai ma fanau a lo tatou Tama Faalelagi, o nisi taimi tatou te mananao e malamalamai ai i faamatalaga auiliili o mea e tatau ona tatou taliaina, ma faatauuina i le faatuatua. Ae peitai, tatou le manaomia ona malamalamai i mea uma. Pau lava le mea tatou te faia o le laa i luma e pei ona fetalai mai ai le Alii ia i tatou e fai e pei o fataulaga o le aiga o Israuelu i le ulu atu i totolu o le Vaitafe o Ioritana o loo pa. E ui lava e le mafai ona tatou vaai pe malamalamai i mea uma, o le a fesoasoani le Alii ia i tatou e savavali i le laueelele matutu, pe afai tatou te "malolosi ma lototetele."

O le a tatou maua le mana e tutu malosi ai a o tatou ola i Ana upu—saili ma mulimuli i Lana taitaiga i tusitusiga paia ma mai Ana auauna. Ioe, o loo tatou ola "i le teritori a le fili,³ ae e le mafai ona manumalo le fili i le Alii, lo tatou Faaola, o le na auina mai e fesoasoani ia i tatou ma laveainia i tatou.

Ou te iloa e mafai ona avea i tatou ma soo moni o Iesu Keriso e "tutu malolosi ma usiusitai i aoaoga faavae a lo tatou Atua."⁴ A o tatou faatinoina le lototele e faia lena mea, ua tatou tutu i nofoaga paia, e tusa lava po o fea o tatou i ai. ■

FAAMATALAGA

1. Thomas S. Monson, "O Le Usiusitai e Aumaia Ai Faamanuiaga," *Liahona*, Me 2013, 89, 90.
2. Boyd K. Packer, "The Edge of the Light," *BYU i le taimi Nei*, Mati. 1991, 22–23; tagai foi *Feagaiga Tuai: Tusi Lesona a le Faiaoga o le Aooga o le Talalelei* (1996), 84.
3. Boyd K. Packer, "Fautuaga i le Autalavou," *Liahona*, Nov. 2011, 18.
4. Robert D. Hales, "Tutu Malolosi i Nofoaga Paia," *Liahona*, Me 2013, 51.



Toga

O SE LAUELEELUA FAAPAIAINA I LE ATUA

Saunia e Harvalene K. Sekona

Puleaoga o le Aoga Tulagalua o le Liahona, Toga

Elei atoa se sefulu tausaga talu ona faatulagaina Le Eklesia a Iesu Keriso o le Au Paia o Aso e Gata Ai i Niu Ioka, ISA, ae liliu atu se motu o le malo e faitau afe maila le mamao i le Vasa Pasefika laolao i le faa-Kerisiano. I le 1839 na tuuto atu ai e Tupu George Tupou I o Toga lona atunu, ona tagata, ma ana fanau i le puipuiga a le Atua. O le folafolaga a le tupu “O le Atua ma Toga o lo’u tofi” na avea ma mautauave a Toga. O aoaoga faalelotu o loo faia se matafaioi tele i Toga ona o lenei talatuu; e oo mai i lenei aso, o tagata Toga taitasi uma e faapaiaina le Sapati o se aso tapuai.


O Faifeatalai Muamua

A o auauna ai i le Misiona a Samoa, na tofia Elder Polika Smoot ma Alva Butler e aveina atu le talalelei toefuataiina i atumotu o Toga. Ina ua la taunu atu i le 1891, na la faia se feiloaiga ma Tupu George Tupou 1 lea na tuuina atu ia i laua le faatagaga e talai atu ai le talalelei a Iesu Keriso. Faatasi ai ma ni vaaiga manua o le lumana, na valaaulia nisi faifeatalai i le atumotu ma sa galulue ma le naunautai i le talaiina o le talalelei. Ae paga lea, o le tuputupu ae o le Eklesia sa le tutusa le faamanuaina i Toga e pei o isi atumotu Polenia o Tahiti, Hawaii, Niu Sila, ma Samoa. I le 1897 sa faatonuina ai faifeatalai e toe foi i Samoa, ma tuua ai tagata liliu mai i Toga e aunoa ma le taitaiga a le Eklesia mo se vaitaimi.



I le 1891, na fono ai Elder Polika Smoot ma Alva Butler ma Tupu George Tupou ma mauaina ai se faatagaga e talai ai le talalelei i totonu o lona nuu.

► 1839:
Tupu George
Tupou I ua
tuuto atu
Toga i le faa-
Kerisiano.



1891: Ua auina
atu uluai faife-
autalai a le Au
Paia o Aso e Gata
Ai i Toga.

1892: Ua auina
tagata liliu
mai, Alipate,
ua papati-
soina ma
faamauina.

1897: Ua tapunia
le misiona ma toe
foi atu faifeauta-
lai i Samoa.



► 1907: Toe faa-
auau le galuega
faafeautalai;
ua tatala e le
Ekalesia se aoga
i Neiafu.

O Ni Tagata na Manatuaina

*"Tou te le iloa ea o a'u, o le Alii lo outou Atua, . . . mana-
tua i latou o e o i motu o le sami?" (2 Nifae 29: 7).*

Sa le'i faagaloina e le Alii le Au Paia i le motu o le malo o Toga. I le 1907, na taunuui ai Elder Heber J. Makei ma W. O. Facer i Neiafu, Vava'u, lea na la amata ai se paranesi ma se aoga laititi. E lei umi ae amata ona manuia le galuega faafeautalai, ma na faatutuina ni nai paranesi ma aoga a le Ekalesia i le motu atoa i le aluga o nai tau-saga na sosoo ai.

E pei foi o isi vaega o le lalolagi, sa i ai foi le vaega a Toga i le itu faafeagai, ae o le taimi lenei ua iinei le talalelei ina ia tumau. A o faamanuaina le galuega faafeautalai, na valaaulia taitai o le Ekalesia mai tagata o le lotofale o Toga aua pe a aveesea tagata mai fafo, i le taimi o le Taua Lona II a le Lalolagi, o le a faaauau pea ona ola le Ekalesia.

Fausiaina o se Malo Kerisiano

A o salalau atu le talalelei i le salafa o atumotu, sa faatu-tuina ni aoga eseese a le Ekalesia. I le 1947 na lisiiina ai e

le Ekalesia se fasi laueelele tele ma amata ona fausia ai se aoga fou, le Kolisi o le Liahona, lea ua iloa nei o le Aoga Maualuga a Liahona.

Na faapaiaina i le 1953 e Elder LeGrand Richards (1886–1983) o le Korama a Aposetolo e Toasefululua, o le a avea ma se "sulu taiala" ia i latou uma o e o le a ulufale i ai, ma o le a saunia ai tagata talavou e avea ma taitai ma uunaia ai isi mo le lelei. Sa faatasi ai foi i le faapaiaaga ia Masiofo Salote Tupou III, lea na faamaonia mai le aoga o se meafaigaluega mo le fausiaina o se "malo Kerisiano" e tuufaatasia ai soo se ituaiga tagata o le olaga. Talu mai le faatuina o le aoga, e faitau afe tagata faau'u o le Aoga Maualuga a Liahona

na auauna atu faafeautalai, taitai o le Ekalesia, ma taitai aloaia o le alalafaga.

I le taimi nei o loo i ai ni aoga maualuluga se lua a le Ekalesia i Toga: Aoga Maualuga a Liahona, i le motu autu o Togatapu, ma le Aoga Maualuga o Saineha, i le motu o Vava'u. O loo i ai foi ni aoga tulagalua a le Ekalesia: tolu i Togatapu, tasi i Eua, ma le tasi i Ha'apai.

O Se Valoaga ua Faataunuina

Ina ua asiasi atu Peresitene Tavita O. Makei (1873–1970) ma lona faletua, o Emma Ray, i Toga i le 1955, sa tausia i latou e le Au Paia e pei o le aiga tupu. O le asiasiga muamua lenei a se Peresitene o le Ekalesia i le atumotu. I le taimi o le la asiasiga puupuu i Togatapu ma Vava'u, sa la faia ni sauniga ma tagata ma lagonaina lo latou alolofa ma le tuuto atu a o faatinoina e tagata Toga musika ma siva ma tuuina atu ni lauga ma taumafataga. I le taimi o le asiasiga a Peresitene Makei i le Au Paia i Vava'u, sa musuia o ia e faaali atu na ia vaai i se faaaliga "o se malumalu i se tasi o nei motu, lea o le a malaga i ai tagata o le Ekalesia

ma maua ai faamanuiaga o le malumalu o le Atua.” Na tusia e se tasi tagata le tali a tagata Toga: “Na amata ona fetagisi le faapotopotoga atoa.”¹

Toeitiiti 30 tausaga mulimuli ane, i a Aokuso 1983, na faapaia ai le Malumalu o Nuku’alofa Toga e Peresitene Gordon B. Hinckley (1910–2008), a o avea ma se fesoasoani i le Au Peresitene Sili. Ou te manatua i le avea ai ma se teine talavou le taufai gasolo mai o le Au Paia o Aso e Gata Ai mai motu i tua ma tagata Toga mai atunu mamao mo le sauniga maoae. Na faamanuaina au e auai i se tasi o sauniga o le faapaiaga ma avea ma se vaega o le aufaipese. Ou te manatua le lagona mafanafana sa ou lagonaina ina ua ou faalogo i a

faafiafiaga o le a faasalalaunia ma tuusao atu i televise i motu i tua faapea ma siteki a Toga i le lalolagi atoa, o le mea lea sa avea ai o se galuega e tele naua.

Na faaautuina le faafiafiaga “O Le Oa e Tumau Pea.” Na fai ai siva faaaganuu mai Toga, Hawaii, Tahiti, Niu Sila, Fiti, ma Samoa. O le tala e faatatau i se ulugalii o e, na maliu se la tamaitiiti, na saili i atumotu e tele o le atu Polenia mo se oa e faamalieina ai lo la mafatia. E ui lava ina la maua mealofo i motu taitasi, e leai se mea na faamalolo ai lo la tiga. Ina ua la toe foi atu i Toga, sa faailoa atu ia i laua le talalelei e faifeatalai ma aoao ai e uiga i “le oa e tumau pea”—aiga e faavavau ma le faamanuaina o le


1916: *Ua faatulagaina le Misiona a Toga.*

1922: *O se tulafono taofia na faasaina ai faifeautalai mai fafo ona ulufale i Toga.*



◀ **1924:** *Ua faaleaoga-inia le tulafono taofia ona o taumafaiga mai tagata o le ekalesia i le lotoifale ma peresitene M. Vernon Coombs o le misiona .*

1926: *Ua tatalaina e le Ekalesia se aoga na faaigoaina O Le Makeke, o lona uiga e “tulai ma ala mai.”*



1946: *Ua lolomiina le Tusi a Mamona i le gagana Toga.*

Peresitene Hinckley o saunoa, ma na ou iloa ai iina na valaunia o ia e le Atua. Ina ua matou pepese “Viiga Osana,” sa ou malamalamai ai i le tele o le alofa o le Alii i Ana fanau.

E manatua pea e le Faaola tagata i motu o le sami, ma i lena aso na faataunuina ai le valoaga a Peresitene Makei.

Toe faapaiaina o le Maota o le Alii

Ona o le faatupulaia o le aofai o le Ekalesia i Toga, sa tapunia ai le malumalu pe tusa o le lua tausaga mo le faafouga. Faatasi ai ma isi galuega, sa faateteleina potu, na faaopoopo se isi potu o faamauga, ma sa faaopoopo ni mamanu Polenia i puipui ma fa’alo.

I le amataga o le 2007, na valaunuina i maua ma lo’u toalua e saunia se faafiafiaga faaleaganuu mo le toe faapaiaina o le malumalu. O le a faia le faafiafiaga i le aso 3 o Novema, o le aso a o lei amataina sauniga o le toe faapaiaina.

O lo matou faamoemoega ia aofia ai le toatele o le autalavou e mafai ona maua mai siteki i Togatapu ma ia avea o se faafiafiaga o le a saunia faaleagaga ai le Au Paia mo le faapaiaga o le malumalu i le aso e sosoo ai. O le



A o avea ma se Aposetolo talavou, sa asiasi atu ai Peresitene Thomas S. Monson (ogatotonu) i Toga i le 1965. Sa faatasi ma ia le peresitene o le misiona, o Patrick Dalton, ma lona faletua, o Lela.



► 1953: Ua faapaiaina e Elder LeGrand Richards le Aoga Maualuga a Liahona; ua avea o se tasi o aoga e aupito tele ma sili atu ona faamanuiaina i Toga.

a i ai se aso e toe faatasia ai ma le la tamaititi na maliu.

I le faagasologa o le vaiaso o le toe faapaiga, sa mamafa lava timuga. I la matou faataitaiga mulimuli, i le aso 2 o Novema sa faamalumalu mai le lagi. Sa ou fai atu i le autalavou e toe foi atu i o latou fale ma tatalomo se tau lelei ina ia mafai ona latou faafafia mo Toga ma i latou o e o le a matamata i le satelite, ae maise lava le perofeta. O lena po sa matua malosi timuga, ma o le taeao na sosoo ai sa foliga leaga pea le tau.



► 1955: Ua asiasi atu Peresitene Tavita O. Makei i Toga.



I le afiafi o le Aso Toonai, na faapotopoto ai tagata talavou e 3,000 i le Malae Taalo o Teufaiva e faologa ia Elder Russell M. Nelson o le Korama a Aposetolo e Toasefululua, o le na auina atu e toe faapaia le malumalu ona o le faaletonu o le soifua maloloina o Peresitene Hinckley. O le a le galo lava ia te au le faafiafiaga. Sa solelelei mea uma. Sa matagofie le tau, o le masini faaleotele leo sa faaletonu i le amataga na silisili ona lelei, ma o na alii ma tamaitai talavou sa sisiva ma o latou loto atoa.

Sa matou molimauina se vavega. Na faafogaina e Tama Faalelagi tatalo a Lana fanau ma taofia le timu. I le taimi lava lena, sa mafai ona matou fesoasoani ia maua le agaga mo le faapaiaga o le malumalu i le aso e sosoo ai, ma faamanatu atu i tagata o aiga faavavau o le oa lea e tumau pea, ma ua fausia malumalu e aumai ai na faamanuiaga.

O Ni Tagata ua Faapaiaina i le Alii

I le taimi nei o loo faaauau pea ona faatupulaia le Ekalesia, ma o tofiga faataitai ua umia e tagatanuu o le ekalesia. Ua faatumulua le atumotu i falelotu, ma o le faateleina o faifeatalai ua faanatinati ai le galuega. Ua mauaa le faatulagaga o aoga a le Ekalesia ma faaauau ai pea ona saunia ni faifeatalai totoa, taitai o le lumana, ma tina ma tama agavaa.

Ua le o toe manaomia le Au Paia ina ia faia lena malaga umi i se vaa i le motu autu mo konafesi aoao. Nai lo o lena, ua mafai

1960: Ua faaliliuina le Mataupu Faavae ma Feagaiga ma le Penina Tau Tele i le gagana Toga.

1968: Ua fatuina le uluui siteki i Toga, le siteki a Nuku'alofo.



Ua fesoasoani faifeatalai e lau sapalai o fesoasoaniga na auina atu mai Togatapu i Ha'apai ina ua uma ona taia e se afa ia motu i matu o Toga ia lanuari.

O LE TUPUTUPU AE O LE EKALESIA I TOGA *

1897	15	1917	517	1930	1,185	1950	2,975	1970	15,842	1990	35,227	2000	46,623	2013	61,470	Malumalu: 1
																Siteki: 19 Itu: 2 Misiona: 1



*Ia Ianuari 2014

nei e tagata ona nonofo i o latou siteki e matamata i konafesi aoao ma konafesi o le eria o lo o faasalalau mai i Niu Sila ona o tekinolosi.

I le lotolotoi o faigata o suiga ua taunu i le gatafale o Toga, o loo faaauau pea e le Au Paia lo latou talatuu o le faatuatua. O i latou o ni tagata na tuuto atu i le Atua i le 175 tausaga ua mavae. O i latou o ni tagata o loo faaauau pea i le taimi nei ona faapaiaina o latou olaga ma mea uma ua latou maua i le Alii. ■

FAAMATALAGA

1. R. Lanier Britsch, *I Motu o le Sami: O Se Talafaasolopito o le Au Paia o Aso e Gata Ai i le Pasefika* (1986), 472.



► 1976: Ua asiasi atu Peresitene Spencer W. Kimball i Toga ma saunoa atu i tagata e 10,600 o le ekalesia i se konafesi faaeria i Nuku'alofa.

► 1983: Ua faapaiaina le Malumalu o Nuku'alofa.



1991: E 3,000 le autalavou a le AAG na faafifia mo Tupu Taufa'ahau Topou IV i se faafifiafiaga o le selau tau-saga o le Ekalesia.

1997: Na asiasi atu Peresitene Gordon B. Hinckley i Nuku'alofa, ma saunoa atu i ni tagata e 11,400, ma feiloai ma le tupu.

2007: Ua toe faapaiaina le Malumalu o Nuku'alofa.

O LE FAATUATUA O ONA TAMA

Talu mai le taunu mai o uluui faifeautalai Mamona, ua oo mai le tele o vavega maoae i le galuega a le Alii i Toga. O se tasi o na vavega na tupu i le aso 13 o luni, 2010, ina ua papatiso le Afioga ia Fulivai ma lona aiga. O le Afioga ia Fulivai o le tagata Taualoa muamua lea o le Aiga Tupu ua auai i le Ekalesia. O ia o se atalii o le atalii o le atalii o 'Iki Fulivai, o se tamalii mai Vava'u, lea na valaaulaina faifeautalai o le Au Paia o Aso e Gata Ai e toe foi atu i Toga i le 1907.

Sa papatisoina le Afioga a Fulivai faatasi ma lona faletua, o Tamaitai Elena, ma le la fanau matutua e toalua; o le uii e lei atoa le valu tausaga. Na auai i lenei faatasiga iloga le peresitene o le malumalu, misiona,


ma siteki, faatasi ai ma taitai aloaia o le malo, isi tagata taualoa, ma tagata o aiga.

E tasi le tausaga mulimuli ane, i le aso 16 o luni, 2011, na faamauina ai le aiga o Fulivai mo le olaga nei ma le faavavau atoa i le Malumalu o Nuku'alofa Toga.

Sa ou maua le avanoa e talanoa ai ma le aiga o Fulivai talu ai nei. Ina ua fesiliglia e faailoa mai le faamanuiaga silisili o le auai i le Ekalesia, na tali mai Tamaitai Fulivai e aunoa ma se faatuai o faamanuiaga e faavavau mo aiga. Sa faaleo mai e le Afioga a Fulivai ua tuuina mai e le talalelei ia te ia tali i fesili o le olaga atoa. E talitonu o ia o le talalelei o le faitotoa mo ana fanau e maua ai faamanuiaga silisili a le Atua.



Saunia e Elder
D. Todd Christofferson
O Le Korama a Apostolo
e Toasefululua



Aisea Tatou Te Faasoa Atu ai le Talalelei

*I le avea ai ma Au Paia o Aso e Gata Ai, ua
tofu i tatou ma se faamoemoega faafafeautalai—
e valaaulia isi e o mai ia Keriso.*


Ole mataupu muamua o le *Talai La'u Talalelei* o loo fai ai se fesili e faatatau i tagata uma o Le Ekalesia a Iesu Keriso o le Au Paia o Aso e Gata Ai: “O le a lo'u faamoemoega i le avea ai ma se faifeautalai?”

O le tali, o loo aoteleina i se fuaiupu se tasi, ua tuuina mai iina e faapea: “Ia valaaulia isi e o mai ia Keriso e ala i le fesoasoani atu ia i latou ia maua le talalelei toefuataiina e ala i le faatuatua ia Iesu Keriso ma Lana Togiola, salamo, papatisoga, mauaina o le meaalofa o le Agaga Paia, ma tumau e oo i le iuga.”¹

Tagata o Avea Ma Faifeautalai

Ua talosagaina i tatou uma ia avea ma faifeautalai. Ma ia faamanuaina i le faasoaina atu o le talalelei a Iesu Keriso, e tatau ona i ai lenei faamoemoega i o tatou mafaufau, lagonaina i o tatou loto, talaina i o tatou agaga, ma galueaiina. Pe a tatou faia, e musuia ai ma toe taialaina i tatou i le faasoaina atu o le talalelei. E tatau ona tatou tausia manino le eseesega i le va o le faamoemoega o le faasoa atu o le talalelei, i le tasi itu, ma le auala e ausia ai lena faamoemoega, i le isi itu.

E le o lo tatou faamoemoega o le tau lava ina ia auai i talanoaga e uiga i le talalelei po o le talanoa atu i soo se tasi ma tagata uma tatou te mafaia e uiga i le Ekalesia pe o le na ona faatutu lava o ni sini ma faia ni fuafuaga. O nei mea e taua, ae o le auala e tau atu i le faaiuga, ma o lena faaiuga o le aumaia o tagata ia Keriso.



IA SAUNIA E FAASOA ATU

"O o outou soifaga amiotonu o le a faatosina maia le naunau o a outou uo ma tuaoi. Ia saunia e tuu atu se tali ia i latou e fesili mai pe aisea tou te ola ai e pei ona i ai. Ia saunia e tuuina atu se mafuaaga mo le faamoemoe ma le olioli ua latou vaaia ia te outou [tagai 1 Peteru 3:15]. A oo mai ituaiga fesili faapena, e mafai ona outou tali atu faapea, 'Tatou fesili i faifeautalai! E mafai ona latou fesoasoani mai ia i tatou!'"

Elder Russell M. Nelson o le Korama a Apostolo e Toasefululua, "Pu'e le Galu," *Liahona*, Me 2013, 45, 46.

Faatotonugalemuina i le Faamoemoega Faafaifeautalai

Mafaufau i nisi o faataitaiga o le mea e tupu pe a faatotonugalemuina a tatou taumafaiga e faasoa atu le talalelei i le faamoemoega faafaifeautalai:

1. O le a tatou aoao atu tagata i se auala e fesoasoani ai ia i latou ia malamalama moni i le talalelei ma pe aisea ma pe faapefea ona latou salamo. O le a tatou faalogo ma tali atu ai i mea o loo i le mafaufau ma le loto o le tagata sailiili.
2. O le a tatou saili atu ma faalogo i le Agaga Paia e iloa ai po o ai o loo lagonaina le Agaga a o tatou talanoa.
3. Fuafuaina—i aiga, i aufono a uarota, ma faatasi ai ma faifeautalai faamisiona—o le a avea ma se meafaigaluega e faamau-tinoia ai mea e manaomia ona tutupu e aumai ai le liua ma le papatisoga, o le mea moni, iloaina, manatuaina, ma tulitataoina mo tagata sailiili taitoatasi.
4. O le a tatou olioli i lo tatou avanoa e taumamafa ai i le afioga a le Atua ona o a tatou suesuega o le a i ai le faamoemoega. O le a tatou suesueina tali i fesili o le agaga a a tatou tagata sailiili ae faapea foi mo i tatou lava.
5. O le a tatou valaaulia tagata ia auai i sauniga a le Ekalesia, e le faapea ona tatou te talitonu o se mea lea e tatau ona tatou faia ae ona tatou te malamalama o le auai i le ekalesia e taua mo le tagata sailiili e atiina ae ai se manao e malosi atu mo le papatisoga, ma faatulaga ai se faavae mo le tumau ai e oo i le iuga i le feagaiga o le talalelei. Faatasi ai ma lena faamoemoega tupito i le mafaufau, o le valaaulia ia auai i le lotu o le a i ai se faanatinati e sili atu, o le faamalamalama-ga o le taua o tapuaiga i le Sapati ma mea e faamoemoeina i se sauniga a le Au Paia o Aso e Gata Ai o le a ese mai,

ma o le agaga lea e faatasi mai i a tatou upu o le a i ai se mana faatauanau lea semanu e le faatasi mai.

Talitonu Faaletagata ma Malamalama

Faamolemole aua nei faagaloina mata-upu 1 o *Talai La'u Talalelei* ma lana fesili "O le a lo'u faamoemoega i le avea ai ma se faifeautalai?" Ia talitonu oe lava ia i le faamoemoega o le aumaia o tagata ia Keriso e ala i aoaoga faavae ma sauniga o le talalelei toefuataiina, ma o le a e malamalama ai o le faasoaina atu o le talalelei e le o se polokalama; o se galuega—le galuega a le Tama, le Alo, ma le Agaga Paia. Ia talitonu oe lava ia i le faamoemoega o le valaauliaina o tagata e o mai ia Keriso, ma o le a e malamalama ai e leai se avanoa o le lalolagi i le alofa tunoa togiola ma le faaolataga sei vagana ai e ala atu i Le Ekalesia a Iesu Keriso o le Au Paia o Aso e Gata Ai. O le a e malamalama ai i le uiga atoa o le faasoaina atu o le talalelei, ma o le a e pisi i le faiga o le galuega a lou Tama. O le a e iloa o faifeautalai faamisiona, e pei ona faia e atalii o Mosaea, e aoao atu "ma le mana ma le pule mai le Atua" (Alema 17:3), ma o le a e valaaulia i latou e aoao atu le talalelei ia i latou ua uma ona e tuuina atu i ai le valaaulia e "o mai ma matamata" (Ioane 1:39).

O La Tatou Valaaulia—O Mai ia Keriso

Ia te au, o le faamoemoega faafaifeautalai e faaatoatoaina le paia o le galuega ma le mamalu o le Atua (tagai Mose 1:39). O a ni taumafaiga e sili atu ona matagofie nai lo le aumaia o fanau a le Atua i le faaolataga faaiu e ala i le alofa tunoa o lo latou Togiola, o le Alii o Iesu Keriso? Manatua o lo tatou faamoemoega faafaifeautalai e le gata e lapatai atu i isi ae faapea foi ia laveai i latou, e le gata ina aoao atu ae ia papatiso foi, e le gata ina aumaia isi ia Keriso ae faapea foi ina ia latou mausali ia Keriso seia oo i le iuga.

O la tatou valaaulia i le lalolagi o le o mai ia Keriso. O le o mai ia Keriso o se faapupuuga, o se auala e faamatalaina ai i upu e tolu le ata o le faaolataga. O lona uiga ina ia maua ai fua o Lana Togiola ma le Toetu—ma oo ai i le ola e faavavau. O le ola e faavavau e faalagolago i le faaaaogaina o la tatou filifiliga saoloto, ae faatoa mafai lava i le alofa tunoa o Iesu Keriso. O le o mai ia te Ia o lona uiga o le faia o mea e manaomia e faaaaoga ai lena alofa tunoa—le faamagaloga, faapaiaga, liua, le mana togiola o Lana taulaga lē i'u, le taulaga togiola.

O lenei tala fou lelei, le talalelei, ua sili atu le faaleoina e Iesu lava Ia i le Tusi a Mamona:

“Faauta, ua ou tuu atu ia te outou la'u tala lelei, o le talalelei lenei ua ou tuu atu ia te outou—na ou sau i le lalolagi e fai le finagalo o lo'u Tama, aua na auina mai a'u e lou Tama.


“Na auina mai au e le Tama, ina ia siitia ae au i luga o le satauro; ma a mavae ona sii ae o au i luga o le satauro, ina ia mafai ona ou aumai o tagata uma ia te au, ina ia pei ona sii ae o au i luga e tagata ia faapea foi ona sii ae i luga tagata e le Tamā, e tutu i ou luma, e faamasinoina i a latou galuega, pe ua lelei pe ua leaga—

“Ma le pogai lenei na sii ai au i luga; o lea, e tusa ai ma le mana o le Tamā, o le a ou aumai ai tagata uma ia te au, ina ia faamasinoina i latou e tusa ma a latou galuega.” (3 Nifae 27:13–15).

Tala Fiafia ma Tala Fou Lelei

O lea la, i lona faavae, le talalelei, po o le tala fou lelei, e faapea o loo i ai so tatou Tama oi le Lagi, ona o Lona alofa mo i tatou, na auina mai Lona Alo Pele e Toatasī e togiola i tatou mai le agasala ma le oti. O le Alo, i le usiusitai atoatoa i le Tama, lea Na te tuuina atu i ai le mamalu, na ofoina atu Lona soifua i lena taunuuga. Sa ia faatauina i tatou i Lona toto, ma tatou te tali atu ia te Ia mo o tatou olaga (tagai 1 Korinito 6:19–20). O Ia o lo tatou Faamasino nei. O Ia o le faamasinoga tonu ua liutino tagata.

Ua toe tautino atili mai e le savali faatalalelei o le tala fiafia faapea ona o Lana taulaga togiola, o Iesu foi o le alofa mutimutivale ua liutino tagata. O Lona alofa mutimutivale, galuega, ma le alofa tunoa ua lava lea e magalo ma faamamaina ai i tatou ina ia oo i le Aso Faamasino ua mafai ona tatou tutu ma le paia ma le le pona i Ona luma. (Tagai 2 Nifae 2:8; Moronae 10:32–33.)



O le faamoemoega faafafeautalai i le *Talai La'u Talalelei* ua faamalamalama mai ai le mea e tatau ona fai e faataunuu ai lenei mea. E pei ona taua, o le faamagaloina ma le faamamaina e manaomia ai le “faatuatua ia Iesu Keriso ma Lana Togiola, salamo, papatisoga, mauaina o le meaalofa o le Agaga Paia, ma tumau e oo i le iuga.”²

Ma le isi foi i le 3 Nifae 27, ua faamaea e le Faaola Lana faamatatalaga i mea faavae o Lana talalelei:

Ma o le a oo mai foi, o le a faatumuina [i le Agaga Paia] soo se tasi e salamo ma papatiso i lo'u igoa; ma afai e tumau o ia seia oo i le iuga, faauta, o ia lea o le a ou le tausalaina i luma o lou Tamā i lena aso pe a ou tu e faamasino i le lalolagi. . . .

“Ma e leai se mea le mama e mafai ona ulu atu i lona malo; o lea e leai se mea e ulu atu i lona malologa vagana ai i latou o e ua faamamaina o latou ofu i lou toto, ona o lo latou faatuatua, ma le salamo i a latou agasala uma, ma lo latou faamaoni e oo i le iuga.

“O le poloaiga lenei: Ina salamo ia outou tuluiga uma o le lalolagi, ma o mai ia te au, ma ia papatisoina i lo'u igoa, ina ia faapaiaina outou i le Agaga Paia tou te talia, ina ia outou tutu ma le le pona i ou luma i le aso gataaga.

“E moni, e moni, ou te fai atu ia te outou, o la'u talalelei lea” (3 Nifae 27:16, 19–21).

Faatuatua ma le Tautinoga

Ao tatou faasoa atu le molimau i le talalelei e ala i le Agaga, o i latou o e naunau e faalogo o le a lava se molimau e maua e amata ai ona maua le faatuatua ia Iesu Keriso ma Lana Togiola. O lena faatuatua o le a tuuina atu ia te i latou le naunau ina ia salamo. O tagata o le eklesia ma faifeautalai faamisiona e mafai ona, e ala atu foi i le Agaga, aoao i latou i suiga e tatau ona latou faia ma valaaulia ma latou tautino mai o le a latou faia. O le tautinoga mulimuli tatou te valaaulia le tagata sailili e talia ma faatino o le papatisoga lea i le vai. O lenei papatisoga e mulimuli mai ai, pe sili ona faapea, e faatoatoaina i le, taliaina o le Agaga Paia, lea e aumaia ai se faamagaloga o agasala faapea foi le faamamaina (tagai 2 Nifae 31:17).

O lenei tulaga o le tu ua tauamionuina ma le le pona i luma o le Alii e mafai ona faasoaino i le olaga atoa pe afai e faaauau e se tasi ona ola i le faatuatua, salamo pe a manaomia ai ma toe faafouina folafolaga o le papatisoga. Tatou te ta'ua lena mea o le tumau e oo i le iuga. O i latou e tumau e oo i le iuga o le a le fefefe i le faamasinoina e tusa ai ma a latou galuega, aua o le

AUAI I LE GALUEGA O LE FAAOLATAGA

Aoao pe faapefea ona mafai ona e fesoasoani i le liua, faatumauina, ma le faatoaagaina mai i hasteningthework.lds.org.

E mafai ona e maua ni faamatalaga faaopoopo e uiga i le olioli o le faasoaina atu o le talalelei i lds.org/topics/missionary-work/change, ma e mafai ona e aoao pe faapefea ona faasoa atu le talalelei i le initonet i lds.org/church/share.

a avea i latou ma galuega o le faatuatua ma le salamo ma le papatisoga i le vai ma le Agaga.

Uluai Mataupu Faavae Muamua

O le faamatalaga a Ailama Samita o loo maua i le *Talai La'u Talalelei* e loloto: "Ia talai atu ia uluai mataupu faavae o le Talalelei—ia talai atu pea lava pea: o le a outou iloaina ai lea aso ma lea aso le faaalia mai ia te outou o manatu fou ma le malamalamama faaopoopo e faatatau i ai. E mafai ona outou faalauteleina ina ia matuai malamalamama lelei i ai. Ona mafai lea ona outou matuai faafaigofieina ina ia malamalamai i latou [tou] te aoaoina."³

I lenei faamatalaga, o loo faamalamalamaina mai e Ailama Samita, le Peteriaka, o nei uluai mataupu faavae, le vaega e sili ona taua o le talalelei, e le o mafai ona malamalamama atoatoa i ai i se iloiloga se tasi. O le malamalamama faaopoopo ma le malamalamama loloto o le a oo mai i le aluga o taimi i le tele o aafiaga faafaaaliga.

A o tuuina atu e tagata o le eklesia a latou molimau ma fesili atu i faifeautalai faamisiona e fesoasoani ia i latou e ala i le aoaoina atu o le talalelei, ia manatua o se malamalamama faateleina o le talalelei e oo mai e le gata mai suesuega ae faapea foi a o tatou auai i le faasoaina atu o le talalelei. Afai tatou te suesue, saunia, ma faaso atu mataupu faavae o le talalelei e ala i le Agaga, o le a tatou "mafai lea ona matuai faafaigofieina ona malamalamai i ai," ma o le Agaga o le a aoao ma molimau atu ia i latou uma o e auai—tagata o le eklesia, o faifeautalai ma tagata sailili.

O Le Aisea, O Le A, ma le E Faapefea

O le aisea, o le a, ma le faapefea o le galuega faafaifeau-talai ua sili atu ona matagofie le folafolaina mai i le Tusi a Mamona nai lo se isi lava mea. Ua faatumulua i faataitaiga a i latou o e na malamalamama ma galulue e faataunu le faamoemoega faafaifeautalai. O loo i ai faamatalaga e sili ona manino i soo se tusitusiga paia o aoaoga faavae autu e tatau ona tatou aoao atu. O loo ia tauaveina se agaga o le faaliliuina ma se molimau i le moni o nei lava aoaoga faavae. O le a ia faaliliuina i latou uma e faitau i ai ma tatalo i ai ma se loto faamaoni ma le manatu tonu (tagai Moronae 10:3–5).

Ua faatulagaina e le Tusi a Mamona Iesu Keriso i Lona uiga moni o le Alo o le Atua ma le Mesia Paia. E uunaia



le faatuatua ia te Ia. E aumaia tagata ia Keriso. Ua tatou nofo aitalafu e faavavau i ona tusitala ma le Perofeta o Iosefa Samita mo le faaliliuina o le Tusi a Mamona e ala i le meaalofa ma le mana o le Atua.

Ou te tuuina atu lau molimau, a o soifua le Alii, e moni le Tusi a Mamona. O lana molimau ia Iesu Keriso e moni. O le na faaliliuina, o Iosefa Samita, o le Perofeta maoae o le Toefuataiga. Aoao mai le Tusi a Mamona, suesue i ai, aoao atu mai ai, fiafia i ai, ma usitai i ai, ma o le a e aoao pe aisea tatou te faasoa atu le talalelei ma o lo tatou faamaniuga ma le tiute le valaaulia ma fesoasoani i isi e o mai ia Keriso. ■

Mai se saunoaga na tuuina atu i le semina mo peresitene fou o misiona i le nofoaga Autu o Aoaoga Mo Faifeatalai i Provo i le aso 22 o Iuni, 2008.

FAAMATALAGA

1. *Tala'i La'u Talalelei: O Se Taiala mo le Galuega Faafaifeatalai* (2004), 1.
2. *Tala'i La'u Talalelei 1.*
3. *Tala'i La'u Talalelei 6.*

GALULUE IA TASI

E mafai e tagata o le ekalesia ma faifeatalai ona vaiaia i latou lava i le galuega o le faaolataga a o latou ola fiafia i le talalelei, ma a o latou valaaulia isi e auai i gaoioiga, sauniga a le Ekalesia, ma isi mea e fai.

Na saunoa mai Elder Neil L. Andersen o le Korama a Aposetolo e Toasefululu: "Ua tatou au faatasi i lenei galuega. Faatasi ai ma uso a tagata o le uarota ma faifeatalai, ia tatou fuafua ma tatalo ma fesoasoania'i le tasi i le isi. Faamolemole ia mafaufau pea ma tatalo pea mo faifeatalai faamisiona. Ia faatuatuaina i latou i o outou aiga ma uo. E faatuatuaina i latou e le Alii ma valaaolina i latou e aoao atu ma faamanuia i e e saili atu ia te la" ("O Se Vavega Lava," *Liahona*, Me 2013, 79).

O SE TEPA ATU I LE TAIMI

Vaega 2 o le 2: Mai ia lesu
Keriso e oo atu i le Meleniuma

(O le vaega 1 sa lolomiina ia Fepuari 2014)

FEAGAIGA E TUMAU FAAVAVAU ALE

ATUA

O le mea o tatou faatatau i ai o le feagaiga faa-Aperaamo o le mea moni o le feagaiga fou ma le tumau faavavau e pei ona tuuina atu ia Aperaamo ma ana fanau. Sa fou ia Aperaamo aua na ia mauaina o se vaega o se tisipenisione fou o le talalelei, ae e tumau-faavavau i lena lava feagaiga ua faalautele mai i fanau uma a le Atua i tisipenisione uma o le talalelei, e amata mai ia Atamu.

Na faamalamalama mai e Elder D. Todd Christofferson o le Korama a Apostolo e Toasefululua le mea e aofia ai lenei feagaiga: "O le feagaiga fou ma le faavavau o le talalelei lea a lesu Keriso. I se isi faaupuga, o aaooga faavae ma poloaiga o le talalelei o faavae ia o le natura o le feagaiga faavavau i le va o le Atua ma le tagata lea e fou lona toefuataiina mai i tisipenisione taitasi" ("O Le Mana o Feagaiga, Liahona, Me 2009, 20).

O lenei siata e maua ai se vaaiga aoao o le feagaiga tumau-faavavau a le Atua e pei ona faafouina i aso o lesu, faapea foi i o tatou lava aso. Ua faaaliai ai le auala na faataunuina ai e le Alii ma faaaauai ai pea ona ia faataunuina Ana folafolaga o le feagaiga ia i tatou, e aofia ai na folafolaga na la faia ia Aperaamo.

51 Na soifua mai lesu Keriso i Peteleema i le lauelele o Kanana. E ala i Lana Togiola ma lana galuega, na la faataunuina le tele o folafolaga na faia ia Aperaamo ma perofeta anamua.
Luka 1:68-75; 2:4-7

52 VALOAGA
I aso e gata ai ma i le taimi o le Meleniuma, o le a faataunuina e le Alii folafolaga uma na la faia i le aiga o Israaelu.
Faatiiluga a Iosefa Samita, Luka 3:4-11
(i le Bible appendix)

53 VALOAGA
O le a teenaina e taitai o tagata lataua le Mesia. O le a faasatauroina ma toetu mai o la mai le oti i le aso tolu. O le a le toe afio mai i le lalolagi i se taimi mulimili ane i le mana ma le mamalu.
Luka 9:22, 26-27



TISIPENISIONE:

O LE VAEVUAGA O TAIMI

Itulagi i Sasae

Itulagi i Sisifo

*t.a.1

30


51



ITUAIGA O IUTA

52

53



ITUAIGA O IOSEFA

(O tupuaga a Iosefa e aofia ai tagata sa Nifaē ma sa Lamana)



LEILOOA ITUAIGA E SEFULU O ISRAELU

61 VALOAGA

O le oo mai o le Tusi a Mamona o le a avea ma faafolaga ua amata e le Atua ona faataunuina Lana feagaiga ma lona nuu.

3 Nifae 21:1-7; 29:1-4

62 VALOAGA

O le a faatuina e lesu Keriso Lana feagaiga i totonu o i latou uma o e e mauaina le talalelei.

3 Nifae 21:20-25

63 Sa ta'u atu i le Apostolo o Peteru i se faaliga e mafai e tagata o Nuu Ese ona maua sauniga ma faamanuiga o le talalelei. Tagai i valoaga 62.
Galuega 10;
Kalidit 3:26-29

* O aso anamua e taumatemate, ma e le o tutusa ia va.

54 O Mose ma Elia na tuuina i ai ki o le perisitua e Peteru, lakopo ma loane.

Mataio 17:1-8; Taiala i Tositusiga Paia, "Liua"; scriptures.lds.org

55 VALOAGA
O le a faauamia le oai o Ierusalem ma fasiotia ona tagata ma faasolalauina.

Iosefa Samita – Mataio 1:4-20

56 VALOAGA
O le a fasiotia le au Apostetolo e le lalolagi ma pau atu i le liliuese. O le a toefuatai mai e le Atua mea uma i aso e gata ai.

Mataio 17:11; Ioane 15:18-16:3

57 Na puapuagatia ma maliu le Alo o le Atua mo agasala a le lalolagi ma ua toetu mai le oti. Tagai i valoaga 41 ma le 53.

Mareko 14:32-65; 15:1-38; 16:6-14

58 Sa poloaiina le au Apostetolo e talai atu le talalelei a lesu Keriso i atunuuma.

Mataio 28:16-20

59 Ina ua mavae Lona Toetu, na faaali mai lesu Keriso i "isi ituaiga o le aiga o Israaelu, o e ua taitai ese atu e le Tama mai le lauelele."

3 Nifae 15:15; 16:1-3

60 VALOAGA
O le a faapotopotoina e le Atua Lona nuu i le lalolagi atoa ma faataunuuina Ana folafolaga uma.

3 Nifae 16:5; 20:10-13; 21:26-29

Jesus Keriso—Apostetolo e Toasefululu

Jesus Keriso—o Soo e Toasefululu

35

100

500

O LE LILIUESE TELE

54 55 56

57 58 59 60 62
61

63 64 65 67 69
66 68

70



VALOAGA: TALA FAAFAATUSA IA SENOSA

(PE TUSA MA LE 400 T.L.M.-T.A. 100)

Ina ua mavae sina taimi, na toe foi mai le matai o le togaolive ma ana auauna ma maua ai ni fua lelei i luga o laau uma. O aa o le laau olive na faiseea lala na mafua ai le fua mai i fua lelei. O lala mai le laau olive na faiseea lala—salalau i le tovina—na manuia, e tusa lava pe sa totoina i nofoga le lelei. O se tasi o lala na totoina i se nofoga le lelei sa i ai ni fua lelei ma fua leaga. (Tagai i le lakopo 5:15-28.)

TALA FAAFAATUSA A SENOSA (PE TUSA O LE 100-1400 T.A.)

Ina ua uma ona tausia e le matai ma lana auauna laau o le togaolive, sa la maua fua e tele i luga o laau, ae ua leaga uma atoa. Na tele ni fua leaga sa i ai i le laau olive na faiseea lala auua ua tutupu tetele lala olive vao ma ua malolosi tele atiu nai lo aa. Na leaga uma ia fua o lala mai le laau olive na faiseea lala. Na oo lava i le lala e tasi na i ai fua lelei ma fua leaga na pe. Sa tutulu le Alii o le togaolive ma fesili mai, "O ai na faaleagaina lo'u togaolive?" Na fai mai le auauna, "Pe le o le maulaluga ea o lou togaolive?" Na filifili le Alii o le togaolive e toe taumafai tasi lava ina ia laveai lona togaolive. (Tagai i le lakopo 5:29-51.)

64 Na fasiotia, o tagata lutia i Ierusalem ma faataapeapeina e ala i le Roma. Tagai i le valoaga e 55.

Taiala i Tositusiga Paia, "Ierusalem"
scriptures.lds.org

65 VALOAGA
O le a toefuatai le talalelei a lesu Keriso i aso e gata ai e ala i galuega a agelu.

Faaaliga 14:6-7

66 VALOAGA
O le a toe faapotopotoina e le Alii Lona Au Paia i se galuega tele faafaafeatalai o aso e gata ai.

Faaaliga 14:14-16

67 VALOAGA
O le a scisaitia Satani mo le afe tausaga, ma o le a oo mai i lalo mai le lagai le aai o Ierusalem Fou.

Faaaliga 20:1-6

68 VALOAGA
O le a i ai se lagai fou ma se lalolagi Fou, ma o le a oo mai i lalo mai le lagai le aai o Ierusalem Fou.

Faaaliga 21:1-10, 22-27

69 Sa teena ma fasiotia ia uluai Apostetolo. Na lei lolo sauniga o le talalelei. Tagai i le valoaga e 56.

2 Tesalonai 2:3;
Faaaliga 12:1-6

70 Na amata ona amioleaga fanau a Liae ma teena le talalelei.

Mamona 8:1-10;
Morone 1

71 Na faaali mai le Tama Faalelagi ma lesu Keriso ia Iosefa Samita, saunaina le ala e toefuatia mai le feagaiga fou ma le faavavau. Tagai i le valoaga e 33.

Iosefa Samita—
Talafasolopito 1:14–20;
Mataupu Faavae ma Feagaiga 1:17–23

72 Na faaali mai le agelu o Moronae ia Iosefa Samita. Sa faaliliuina ma lolomiina mulimuli ane le Tusi a Mamona. Tagai i valoaga 33 ma le 61.

Iosefa Samita—
Talafasolopito 1:27–54

73 Na faaali mai loane le Papatiso ma Peteru, lakopo ma loane ia Iosefa Samita ma Oliva Kaotui, i le toefuatina o le perisitua a le Atua i le lalolagi. Tagai i le valoaga e 65.

Iosefa Samita—
Talafasolopito 1:68–73

74 Na faatulagaina Le Ekalesia a lesu Keriso o le Au Paia o Aso e Gata Ai i Feiite, Niu loka, ISA. Tagai i valoaga 42 ma le 62.

Mataupu Faavae ma Feagaiga 20–21

75 VALOAGA
O le a aai ma feinu faatasii ia auauna a le Alii mai tisipenisione uma i le faamanatuga.

Mataupu Faavae ma Feagaiga 27:5–14

76 VALOAGA
O le a nofo le Alii o lesu Keriso i le lalolagi mo le afe o tausaga i le taimi o le Meleniuma. Tagai foi i le valoaga e 44.

Mataupu Faavae ma Feagaiga 29:10–11

77 VALOAGA
O le a toe tatalaina Satani ma o le a nofotupu mo se taimi puupuu, ma o le a oo mai le iuga o le lalolagi.

Mataupu Faavae ma Feagaiga 43:29–33

TISIPENISIONE: O LE ATOAGA O TAIMI

Perofeta o Iosefa Samita

1830

71 72 73
74 75 77 79 81 82 83
76 78 80



1900

84

85



TALA FAAFAATUSA A SENOSA (PE TUSA O LE 1800–MELENIUMA)

Na fetalai atu le Alii o le togaolive i ana auauna ina ia toe sulu lala o le lala moni i totolu o le laau olive fanua ma suluina i totolu ia lala olive vao i totolu o a latou laau muamua. Sa la fetalai atu ia i latou ina ia suluina ia lala "e tusa ma le tutupu ae o lala lelei." Na aumai isi auauna e fesoasoani, ae sa tootititi i latou. Sa ia folafola mai i auauna faamaoni le olioli i fua o lona togaolive. (Tagai i le lakopo 5:52–73.)

79 VALOAGA

O le a aveina ae i luga le Au Paia faamoni uma e feiloai ma Keriso pe a toe atoai mai.

Mataupu Faavae ma Feagaiga 88:95–98

80 VALOAGA

O le a faatoilaloia le tiapolo ma ana autau e le agelu o Mekaeli ma ana au o le lag i se taua maae, mulimuli pe a mavae le Meleniuma.

Mataupu Faavae ma Feagaiga 88:110–116

81 Ua faeee atu e Mose, Elaia, ma Elia ia ki o le perisitua e manaoamia e toefuatia mai ai le feagaiga tumau-faavavau. Tagai i le valoaga e 65.

Mataupu Faavae ma Feagaiga 110:11–16

82 Na fausia e le Au Paia i Navu se malumalu, ma na toefuatia mai sauniga mo e ua maliliu.

Mataupu Faavae ma Feagaiga 124:29–34

98 Sa faatuina le laumua o Le Ekalesia a lesu Keriso i le lalolagi atoa. O le a maua e tagata uma le avanca e talia ai le talalelei. Tagai i valoaga e 42, 60, ma le 62.

Isaia 2:2–3

84 Ua talaitina atu le talalelei a lesu Keriso i le lalolagi atoa. O le a maua e tagata uma le avanca e talia ai le talalelei. Tagai i valoaga e 60, 62 ma le 66.

Tautinoga Aloia 2

78 VALOAGA

O le a tu lesu Keriso i luga o le Mauga o Siona ma le Mauga o Olive, o konetineta o le a avea ma laueele e tasi, ma o le a maua e ituaiga e sefululu lo latou tofi.

Mataupu Faavae ma Feagaiga 133:17–35;
Mataupu Faavae o le Faatuatua 1:10

1 Ua faaali atu lesu Keriso i Ierusalem (i le Nuu Paea) ma Ierusalem Fou (i Amerika i Matu). Tagai i le valoaga e 78.

2 O le a toe afio mai lesu Keriso i le lalolagi i le mana ma mamalu i Lona Afio Mai Faafiu. Ua toefuatai mai ituaiga o Israaelu na leiloloa faatasai ai ma le nuu o Enoka. Tagai i valoaga e 52, 53, ma le 78.

3 Ua toetu mai soo o Keriso. Tagai i le valoaga e 79.

4 Na tuuina atu e atalii o Levi se tauлага i le Alii i le amiotonu.

5 O se sauniga faamanatuga maoae ua faia ma soo uma o Keriso mai tisipensione uma. Tagai i le valoaga e 75.

O LE NOFOAIGA FAAMELENIUMA A IESU KERISO

**2**

TALA FAAFAATUSA A SENOSA

Sa amata ona toe fua mai e laau uma o le togaolive ia fua lelei. Sa oo ina latou "peiseai o se tino e tasi; ma sa tutusa ia fua." Sa faamanuaina e le Alii o le togaolive ana auauna mo a latou taumafaiga ma le filiga ma mitamita fua o lona togaolive. (Tagai i le lakopo 5:74–76.)

**6**

TALA FAAFAATUSA A SENOSA

Na toe i ai foi fua leaga i le togaolive. Na tuueseeseina e le Alii ia fua lelei mai fua leaga. Sa lafo ese ia fua leaga, ma sa susunuina le togaolive. (Tagai i le lakopo 5:77.)

86 O loo fausiaina malumalu i le salafa o le lalolagi, ma avanoa ai sauniga o le talalelei i tagata uma—o e o soifua ma e ua maliliu.

Mataupu Faavae ma Feagaiga 124:37–42

6 Ua aumia e le Meleniuma le filemu mo le afé tausaga. E faafouina le lalolagi. Tagai i le valoaga 44, 52, 53, ma le 76.

7 Ua tatalaina Satani. Tagai i le valoaga e 77.

8 Ua faia le taua tele ma le mulimuli. Ua faatoilaloina Satani ma ana autau. Tagai i le valoaga e 80.

9 A uma ona toetutu tagata uma, o le a latou o mai i le Faamasinoga Mulimuli ma, a le o le maua o se malo o le mamalu po o le tuli i fafo. Ua tulieseaa Satani e faavavau.

10 O le a faamamaina ma faamamaluina le lalolagi. Tagai i le valoaga e 68.

"Amuia oe i le talia o lau feagaiga tumau faavavau, le atoatoa lea o lau talalelei, ua auina atu i le fanauga a tagata, ina ia mafai ona latou maua o le ola ma avea ma e e mauaina mamalu o le a faaalia i aso e gata ai, e pei ona sa tusia e perofeta ma aposetolo i aso anamua" (MFF 66:2).

O SE LOLOGA O MANATUAGA FIAFIA

Ona o ni paipa tuai ma se faavae e lē lelei, o lou fale a o ou laitiit i lolovaia i soo se taimi lava e tele ai le timu mai se afa. Ona o afa i Virginia, ISA, e mafai ona uumi mo ni itula, e masani lava ona osofai mai le vai.

Sa matou nonofo i lena fale i le tele o tausaga o lo'u tuputupu ae, o lea sa ou mafaufau ai o lologa o se mea masani.

Ina ua mavae ni nai afa, sa faaleleia atili a matou togafiti e tau ai ma lologa ma aoao e galulue faatasi. E masani

ona oso mai afa i le tuneva o le po, ma e fafagu i luga i matou e o'u matua e galulue i o matou tulaga a o sosolo malie mai le vai mai le potu i lalo e pei o le sosolo malie mai o le mauga mu. E asu e lo'u tuagane ma lo'u tama le vai i pakete i fafo i le ala savali a o ma faaaogaina solo taele ma lo'u uso e mimiti ai le vai ina ia faasao ai le kapeta.

Ma te talie a o ma feosofi ma sisiva i luga o na solo taele, a o lagonaina le susu maseesee i le va o o ma tamatamaivae, ma vae o o

ma ofuvae moe. E faatopetope ona tatau i fafo e Tina ia solo taele ua susu pala, lia'i atu i totonu o le masini faamago, ma aumaia ni solo mago mo le ma osoosoga. Afai loa ua faamalieina i matou ua saogalemu le fale, ona matou o lea i le umukuka e faamago ai ma fiafia i le koko vevela ma keke mo a matou galuega. Afai e lei oo i le taimi mo le aoga, ona matou toe taumafai lea e momoe.


O nei lologa atonu na tuuina atu ai i ou matua le popole tele, ae ou te manatua na taimi o nisi o taimi aupito sili ona fiafia o lou laitiit, e ui lava i le papa mai o faititili ma le feemo mai o le uila. O le mea moni, o le manogi o le kapeta susu o loo aumaia ai pea ia te au se lagona o le misia o lou aiga.

E mafai lava e o'u matua ona tauivi na o laua ma le lologa, ae ou te matuai fiafia lava na la fafaigaluega i matou uma i le puipuiga o lo matou fale. O le tauivi ma le vai sa avea o se mea fiafia aua sa matou faatasitasi ma sa tofu i matou ma se vaega e faatino.

O lenei ua ou matua, ou te mafaufau i na aso ma manatunatu pe faapefea ona ou fatuina lena lava fiafia o le galulue faatasi i la'u lava fanau. E ui lava ou te faafetai e le lolovaia lo'u fale, ou te iloa e i ai lava se mea e le manaomia o le a osofaia ma le maalofia lo matou aiga.

E tusa lava po o a ni faafitauli o le aafia ai lo'u aiga i le lumana, ou te faamoemoe o le a matou faatasitasi ma galulue faatasi i le puipuiga o o matou tulaga faatauaina, lo matou faatuatua, ma le tasi ma le isi. Ona atonu, e oo lava i taimi faigata, e mafai ona matou talie, ataata, ma lagona le fiafia a o matou galulue soosootauau. ■

Gina Sconiers, Iuta, ISA



O FAAMANUIAGA FAALEPERISITUA E TUUINA MAI MA TOE FAAFOI

Ni nai tausaga ua mavae a o faia se taumafataga a lo matou aiga ma se isi ulugali mai le matou uarota, na matou maua se valaau mai le matagaluega o faalavelave faafuasei o le matou falemai i le lotoifale. Sa fesili mai le tagata faigaluega o le falemai i lo'u toalua, o lē sa avea ma peresitene o le siteki i le taimi lea, pe mafai ona alu atu se tasi mai la tatou Ekalesia e vaai se talavou e 17 tausaga ua mafatia i se manuaga ogaga o le ulu.

Ina ua taunuutu atu, na iloa ai e lo'u toalua o le alii talavou na pau ifo mai se poletito agai i luga o se auala savalsima e 30 futu (9 m) i lalo ifo. Sa lei malamalamo o ia ma e leai se faamoe-moe e ola.

Sa tuu atu e lo'u toalua ma le uso na matou fai taumafataga i le afiafi se faamanuiaga i le alii talavou. Sa faafe-sootai lona aiga, e nonofo i le afe maila (1,610 km) le mamao, ma logoina ma faamatalaina atu lona tulaga o i ai.

O se vavega lava, ina ua mavae ni nai aso o tigaina tele, na toe malamalamo le alii talavou ma amata ona manuia. Mo le fa vайaso, na asiiasi atu ona matua ia te ia i aso uma i le falemai. Ona latou auina atu lea o ia i le vaalele i lona aiga i Arisona, ISA, ina ia mafai ona faaatoatoa ai lona malosi.

E ese le ofoo fogia o le molimaina o le mana faamalolo o le galuega faaperisitua i se auala e tuuina atu ai i lenei alii talavou se avanoa lona lua i se lumanai manuia. Ma sa ou matuai faafetai lava mo se toalua ma isi tagata o le uarota ua saunia e faatino le auaunaga faaleperisitua ma galue i le pule paia.

Sa ou lagonaina le agaalofa mo matua o le alii talavou, o e na mamao mai lo la atalii i le taimi o

lona faalavelave. Sa ou fafia, e ui i lea, e iloa sa la lagonaina le mafanafana ina ua la iloa ua uma ona maua e lo la atalii se faamanuiaga faaleperisitua, ma sa fafia tagata o le Ekalesia e fesoasoani.

O lo'u alofa mo na matua na matuai faateleina i ni nai tausaga mulimuli ane ina ua ou maua se valaau e ta'u mai ai ia te au o lau lava tama tama, e nofo i le 2,000 maila (3,220 km) le mamao, sa taia i se taavale a o tietie i lana uila vilivae i le iunivesite lea sa ia faigaluega ma aoga ai. E ui ina sa ou lagonaina le leai o se malosi e fesoasoani ai ia te ia, sa ou faafetai ma faamafanafanaina e iloa na valaauina faifeautalai e tuuina atu ia te ia se faamanuiaga faaleperisitua ma sa tali mai se uarota i St. Paul, Minesota, ISA, i manaoga o lona aiga. Na aumaia e tagata o le uarota meaai i lona fale ma fesoasoani i lona toalua, faatoa uma ona fanau i le aso ae lei tupu le faalavelave, ma tausia le isi toatolu o le la fanau.

Vaai faalemafaufau i le faateleina o lo'u agaga faafetai ina ua ou iloaina o le faifeautalai na faamanuiaina la'u

Sa ou faafetai ma faamafanafanaina e iloa na valaaulia faifeautalai e tuuina atu i lo'u atalii se faamanuiaga faaleperisitua

tama tama o le alii talavou lava lea e tasi na mauaina se faamanuiaga mai lo'u toalua i le lima tausaga talu ai. Sa ou maofa ai le auaunaga na tuuina atu na toe foi ane i le fuataga atoa!

O lou faatuatua ma le tatalo o le loto faafetai i lo'u Tama Faalelagi alofa o loo faaaauau pea ona faateleina a o ou mafaufau loloto e Na te silafia tatou uma ma mea uma o le a tatou manao-mia. Ou te talitonu o lenei faifeautalai talavou na i ai iina ina ia mafai ona matou vaai i le muai silafia o le Atua i se auala e sili ona patino. ■

Julie Keyes, British Columbia, Kanata



SA OU ILOA O LE A SAUNIA E LE ATUA

Ae ou te lei auai i le Ekalesia, sa Amā'i tigaina lo'u toalua. Sa ou tatalo malosi atu i le Atua, ma fai atu i le Atua ina ia tuu mai lo'u toalua e ola mo le lelei o le ma fanau e toalima ma le pepe sa ou maitaga ai. Ae o a'u tatalo sa le aoga.

Ina ua maliu lo'u toalua, o lo'u alofa mo le Atua ma lo'u faatuatua ma le faalagolago ia te Ia sa oti foi. Sa lofituina au i tiutetauave ua i luga nei o o'u tauau. O le mea e lelei ai, na i ai iina ou matua e fesoasoani mai.

I se tasi aso i ni nai tausaga mulimuli ane, sa ou faalogoina se tuitui i lo'u faitotoa. Sa tutu ai iina ni tagata ese se toalua ma ni ataata faauo ma se tusi i o la lima. Sa la faailoa mai i laua lava o ni faifeautalai mai Le Ekalesia a

Iesu Keriso o le Au Paia o Aso e Gata Ai. Ou te lei faalogo muamua i le la ekalesia. Sa la tuumuli ese ina ua ou fai atu sa ou pisi, ae sa faaaauau pea ona ou mafaufau ia i laua.

O le aso na sosoo ai sa ou vaai ia i laua o faaali atu le la tusi i se tuaoi. I le fialoa, na ou faalatalata atili atu. Na iloa mai au e faifeautalai ma toe fesili mai pe mafai ona la asiasi mai ia te au. Sa ou te'i lava i la'u tali: "Ioe, soo se taimi!"

A o ou faalogologo i lesona a faifeautalai ma suesue i le Tusi a Mamona, sa ou iloaina mea sese na ou faia i le olaga, salamo i au agasala, ma faalatalata atili atu i le Atua. Ina ua faalogo ou matua na aoaoina au e faifeautalai, e ui i lea, sa le fiafia i

laua. Na la faamata'u mai o le a faato au ma la'u fanau. Na valaaulia au e faifeautalai ina ia papatiso, ae sa ou musu aua o le a le mafai ona matou ola e aunoa ma le fesoasoani a o'u matua.

A o lei tuumuli ese faifeautalai, sa la fai mai ia te au e faitau le 3 Nifae 13:31–34. Ina ua ou fai "ia outou muai saili le malo o le Atua ma lana amiotonu, ma o le a faaopoopo atu ia te outou nei mea uma" (fuaiupu 33), sa ou iloaina o le a saunia e le Tama Faalelagi pe afai ou te faamuamua o Ia ma usiusitai i Ana poloaiga. Ina ua toe foi mai faifeautalai, sa matou faatulagaina loa le aso o lo'u papatisoga.

I le aso o lo'u papatisoga, na toe oo mai ai le leo ita o lo'u tina i lo'u mafaufau. Sa ou popole, ae sa ou ulu atu i le vai ma papatiso ai. Mulimuli ane sa ou matua fiafia lava, ma ina ua faamauina au o se tagata o le Ekalesia ma tuuina mai le meaalofa o le Agaga Paia, sa ou lagonaina ua aveesea la'u avega.

Ina ua faalogo ou matua ua ou auai i le Ekalesia, sa la faatoina au. Ae na matou toe faalelei i se tausaga mulimuli ane, ma na papatisoina ou uso e toalua mulimuli ane faatasi ai ma le maliega a o matou matua.

O le toatolu o la'u fanau na iu ina auauna atu faamisiona, ma e le o toe umi ae ou faamanatuina le 40 tausaga o se tagata o le Ekalesia. Oka se maoae o faamanuiaga ua ou maua—o mea uma e faafetai ai i ni faifeautalai se toalua na tuitui mai i lo'u faitotoa, faailoa mai ia te au le Tusi a Mamona, ma fesoasoani e toefuatai mai lo'u alofa mo le Atua ma lo'u faatuatua ma le faalagolago ia te Ia. ■

Abethemia Trujillo, Albay, Filipaina



O LE A LE PESE O LE A OU USUINA?

Le taimi o la'u auaunaga o se faifeautalai faamisiona ua toeitiiti atoa le 40 tausaga talu ai i le taulaga o Levin, Niu Sila, sa ou taina le piano i Aso Lua taitasi mo tamaiti o le Peraimeri. Ou te manatua lelei le lagona matagofie na ou maua mo nei fanau a o matou usuina faatasi pese a le Peraimeri e oa i le talalelei.

Ia Fepuari 2013, sa ou toe foi i Niu Sila mo se malologa. I le avea ai ma se tagata e fiafia e sopo, sa ou faatauina ni pepa malaga i se malaga savali i le fa aso i le alasopo lauiloa o Milford Track i Fiordland National Park i le Motu i Sautē.

Sa faatasi mai ia te au ni tagata Amerika se toatolu ma le 37 isi tagata sopo mai i le salafa o le lalolagi, e aofia ai Ausetalia, Pasila, Egelani, Finelani, Siamani, Isaraelu, ma Iurukuei. I le taimi o la matou sailiga, na matou fefaaasoai ai ni manatu, aafiaga, ma manatu i le mea sili matou te mafaia ona o la matou faafitauli i le eseese o gagana. E lei umi se taimi mo o matou eseesega i aganuu ma manatu faaletagata e mou ese atu ona o lo matou sootaga ua faatupulaia.

I le faaiuga o le aso lona tolu o le savaliga, o se tasi o tagata sopo

na manao e fausia i luga o la matou faauoga ua faatupulaia ma oso i luga, na faasilasila mai e ao ona matou faia se faaaliga taleni. Sa ia fai mai o le a ia amataina le faaaliga. Sa ia filifili e faaso mai lana taleni o le faamatalaina o tala, lea na ia faataitaia i lona ofisa o le pisinisi i Kaisareia, Isaraelu. Sa sologa lelei lana tala, lea na ia faailoa mai ai o le a ia toe faamatalaina se isi tala. Ae peitai a o ia faaso mai ni faamatalaga le talafeagai, sa ou iloaina o le afiafi o le a faigofie ona iu i se mea e itiiti ifo mai le faagaeetia.

I le taimi o lana tala, sa ou lagonaina se uunaiga malosi e pese mo le vaega. Ae o le a se pese o le a ou usuina i a'u uo fou mai i le lalolagi atoa? Sa malosi le oo mai o le tali ia te au: "O Le Atua Lou Tama" (*Viiga*, nu. 184).

Sa ou le mautonu ae sa ou toe tepa i lo'u manatuaga o le alofa mo tamaiti Peraimeri o Niu Sila. Sa ou tulai i luga ma faamalamalama atu o le a ou usuina se pese faapitoa sa ou usuina i le toeitiiti 40 tausaga talu ai faatasi ma tamaiti i Niu Sila. Sa ou faamalamalama atu faapea sa avea au ma se faifeautalai, na aoaoina nei fanau, ma na faatupulaia le alofa ia i latou. Ona ou faia lea o se tatalo le leoa, ma ole atu mo se fesoasoani e

usuina le pese i se auala o le a faamaniuina ai le vaega.


Na sologa lelei le pese, ma mulimuli ane sa ou lagonaina le Agaga. Sa ataata a'u uo fou, ma na foliga mai o le pese na tatalaina o latou loto. E lei umi ae tutulai foi isi ma amata ona faaso mai a latou taleni faamusika. O se vaega o tamaitai e toafa, sa le fia auai i le taimi muamua, na usuina ni pese na filifilia mai le aufaipese a le latou ekalesia. O le isi tagata sopo na aoaoina i matou i se pese faaleaganuu a tagata Iutaia.

I le faaiuga o le faaaliga taleni, sa usuina e se tamaitai talavou lalelei mai Ausetalia ni pese se tolu i le Faamaori, lana lava gagana. E moni lava o le Agaga o lo tatou Tama Faalelagi na oo malie mai ia i matou ma fesoasoani ia i matou e iloa ai o i matou o fanau uma a le Atua, ae le ni "tagata ese po o e ua aumau" (Efeso 2:19) mai atunuuseseese.

Ou te faafetai mo na tamaiti Peraimeri i le taulaga laitiiti o Levin lea na fesoasoani e toto i totonu ia te au le moni o i tatou o fanau uma a lo tatou Tama Faalelagi. Ou te faafetai foi i na manatuaga na ou maua ai le lototele e faasoia atu ai lena molimau e ala i le pese. ■

David M. Flitton, Iuta, ISA

Sa ou lagonaina se uunaiga malosi e pese mo le vaega. Ae o le a se pese o le a ou usuina i a'u uo fou mai i le lalolagi atoa?



E pei o peau o le sami, o le faatosi-naga faalelagi a le Atua e mafai ona taialaina i tatou agai atu i Lana fuafuaga mo lo tatou olaga.

FAATINOI LUGA O LENEI LAUELEELE

mo ni Tausaga

Saunia e Dennis C. Gaunt

E pei o le toatele o tamaiti, sa ou miti po o le a le mea o le a avea ai au pe a ou matua. I lo'u tulaga, sa ou *talitonu* o le a avea au ma se fuimu i le masina. I lo'u mafaufau o le lima tausaga le matua, e leai lava se isi lava auala e mafai ona suia ai lo'u olaga. Ou te masalo o le toatele o i tatou na i ai ni miti faatamaititi pe faapei lo tatou olaga pe a tatou matutua. Ou te masalo foi o le toatele o i tatou na faia, i se tasi taimi, na toe tepa i tua i o tatou olaga ma alaga atu, “E le o le mea lenei sa ou manatu o le a tupu!”

E lua mau e fesoasoani ia i tatou e faatumau ai o tatou olaga i le vaaiga manino. Muamua:

“Aua o o’u manatu e le o outou manatu, o o’u ala e le o outou ala, ua fetalai mai ai Ieova.

“Aua e pei ona sili ona maualuga o le lagi i le lalolagi, ua faapea ona sili ona maualuga o o’u ala i o outou ala, ma o’u manatu e sili i o outou manatu” (Isaia 55:8–9).



Lona lua: “E lē faia e le [Atua] se mea vagana ai ua mo le manuia o le lalolagi; ona ua alofa o ia i le lalolagi” (2 Nifae 26:24).

Ua aoao mai e nei mau ia i tatou o mea uma e faia e le Tama Faalelagi e faaii lava mo lo tatou manuia, e tusa lava pe tatou te le malamalamala pe aisea. Ma talu ai o manatu o le Atua e maualuga atu nai lo tatou, e tatau ona tatou siitia o tatou olaga ia avea atili ai e tusa ai ma Lana fuafuaga mo i tatou.

Mafaufau a o Se

O nisi taimi tatou te talanoa e uiga i le fanauga a Isarelu a o fesetai i le vao mo le 40 tausaga ae lei faatagaina e ulu atu i le laueleele na folafolaina. O se ao po o le afifaaniutu e tumau i luga o le tapeneko pe a tatau ona latou malolo, ma pe a siitia, e mulimuli i ai le tolauapiga (tagai Numera 9:15–18, 21–23). Ou te masalo na latou “mafaufau” foi i le 40 tausaga i le vao—mafaufau pe o afea latou te siitia ai, po o afea ae po o fea o le a latou malolo ai, ma po o afea o le a iu ai ina latou taunu i le nuu folafolaina.

O lenei tala e matua oa lava i faatusa. A o tatou taitasi ma malaga i tatou lava i la le tino, tatou te mananao ia taunu i le “nuu na folafolaina” o le ola e faavavau faatasi ma le Atua. Ua Ia folafola mai e taitai atu i tatou iina. Ae a o manaomia e tagata taitoatas i ona fesetai solo i le ala lava lea e tasi—ia usiusitai, salamo, maua sau-niga o le perisitua, ma tumau ma



le faamaoni—e tulaga ese olaga o tagata taitoatasi.

Fai mai Elder Richard G. Scott o le Korama a Aposetolo e Toasefululu: “Ua saunaia e le Alii aafiaga faalelagi mo lou olaga, e taitaiina ai oe i le fuafuaga na faia faapitoa mo oe, ua finagalo o Ia e te faataunuina i lenei lalolagi. Ia saili e ala i le Agaga ia iloa ma mulimuli ai ma le faaeteete i lena taitaiga ua tuuina atu e le Alii i lou olaga. Fuafua i ai lou olaga. Filifili, ma le naunautai, ia faatinoina lou saolotoga e te mulimuli i ai.”¹

Mafaufau i mea sa sili atu ona faigata i le tolauapiga a Isarael e onosaia; o le faaaluina o se tausaga i se nofoaga lē lelei po o le tuua o se nofoaga manaia ina ua mavae aso e lua? Ou te manatu o tulaga uma e lua na tofotofoina ai lo latou faatuatua.

E faapena foi i tatou. E mafai ona le faamalieina i tatou i o tatou tulaga ma faapea ona faaalu ai se taimi e mafaufau ai pe o afea o le a sui ai. Pe atonu tatou te aafia i se suiga e lei mafaufauina i lo tatou tulaga masani matagofie. O le ala tatou te filifili e tali atu ai i nei aafiaga e fuafuaina, i se vaega tele, o lo tatou fiafia. Ma afai tatou te faaaluina o tatou olaga e mafaufau ai a o tatou fesetai, e mafai ona tatou misia avanoa matagofie mo le tuputupu ae faaleagaga.

Alu Loa ma Fai se Mea i le Asō

I le tautotogo o le 1831, na amata faapotopoto ai le Au Paia i Katelani, Ohaio. O se tagata lotu e igoa ia Leman Copley na malie e faataga se vaega mai Colesville, Niu Ioka, ina ia nonofo i lana faatoaga i Thompson, e le mamao

mai Katelani. Ia Me 1831 na faaali atu ai le Alii i le Perofeta o Iosefa Samita:

“Ma ua ou faapaiaina mo i latou lenei laueleele mo se vaitau itiiti, seja oo ina faia e A’u, o le Alii, se isi mea mo i latou, ma poloaiina i latou e o atu i ai;

“Ma o le itula ma le aso e lei tuuina atu ia te i latou, o le mea lea ia tuu atu ai ia te i latou ia *galulue i luga o lenei laueleele e peiseai ua mo ni tausaga e tele*, ma o le a liliu mai lenei mea ia te i latou mo lo latou lelei” (MF&F 51:16–17 ua faaopoopo le faamamafa).

lotoa palapala a o latou vaaia isi o loo ola i tulaga e sili atu ona lelei. Na tau suia e le fautuaga a le Alii la latou vaaiga mai le lotovaivai i le faamoemoe.

E faapena foi, pe a tatou vaaai atu i isi o i ai ni mea tatou te moemiti i ai—se aiga matagofie, fale, galuega, ma se faasinomaga manino i le olaga—e mafai ona tatou lotovaivai. Mo se faataitaiga, pe afai tatou te iloa o le a le umi ona tatou i ai i se uarota po o se paranesi, e mafai ona tatou mafaufau, “Aisea e faalavelave ai le taliaina o se valaauga? Aisea e fia masani ai i soo se tasi?” E mafai lava ona tatou auai i le lotu, ae tatou te le mauaina mea uma e mafai ona tatou maua mai le aafiaga. Afai tatou te faaaluina o tatou olaga e taulai atu i mea tatou te *le o mauaina*, e mafai ona tatou toilalo i le lagonaina o le loto faafetai moni mo mea *o loo* tatou maua.

A o tatou pepese i se tasi o a tatou viiga, e *i ai* “e tele o avanoa e galue ai, avanoa tau le sailia. Aua le faamelea, fai mai, ‘Sei taumafai,’ ae alu loa ma e fai.”²

Pe a tatou “galulue i lenei laueleele e pei mo ni tausaga,” o le a amata ona tatou iloa ai avanoa tatou te lei vaaai i ai muamua. Atonu tatou te vaaia foi o nisi o nei avanoa atonu e le toe oo mai ia i tatou. Ona tatou mafaufau lea, “Ona o loo ou i ai iinei, o le a ou galue, fai le mea sili ou te mafai, ma filifili ina ia fiafia. O le a faaauau pea ona ou faamoemoe mo le lumanai, ae i le taimi nei, ia tuu mai au e fai ni mea lelei iinei.” O le eseesega i le va o le savali i le vai, ma le aau moni lava.

O le taunuuga, e lei nonofo umi ai le Au Paia i Thompson. Sa le tausia e Leman Copley lana folafolaga e tuu atu i le Au Paia e nonofo i lona fanua.

E mafai ona le faamalieina i tatou i o tatou tulaga ma faapea ona faaalu ai se taimi e mafaufau ai pe o afea o le a i ai se suiga. Afai tatou te faia lenei mea, tatou te misia avanoa matagofie mo le tuputupu ae faaleagaga.

E pei lava o le fanauga a Isarael e mulimuli i le ao i le vao, na iloa e nei Au Paia o le a le nonofo tumau i latou i le faatoaga a Copley. E i ai se taimi o le a latou o ese ai. Ae tusa lava po o le a le umi latou te nonofo ai, e tatau ona latou galulue e pei o le a i ai iina mo ni tausaga se tele.

O lea la, aisea e tuuina atu ai e le Alii ia te i latou lenei fautuaga? O nisi atonu ua lotovaivai i le nonofo ai i se taavale solofanua po o se faleie i se

Na iu lava ina auina atu e le Alii nei Au Paia i Misuri, ae sa latou faia le mea sili a o latou nonofo ai i le laufanua o lena faifaatoaga, ma na faamanuiaina e le Alii i latou mo lena mea.

Na saunoa mai Peresitene Dieter F. Uchtdorf, Fesoasoani Lua i le Au Peresitene Sili: "E tele taimi na o le pau le ala tatou te malamalama lelei ai i vanu loloto o lo tatou olaga i le taimi nei, o le toe tepa lea i tua mai tulaga o o tatou aafiaga i le lumanai. E tele ina le mafai ona tatou iloa le aao o le Alii i o tatou olaga seiloga e umi se taimi talu



ona mavae atu ia tofotofoga. O le tele o taimi, o taimi e sili ona faigata o o tatou olaga o ni vaega taua e fauina ai le faavae o o tatou uiga ma faailogaina ai le ala mo avanoa, malamalama, ma le fiafia i le lumanai."³

Aua Le Tuua O Outou Mafaufau E Fuli I Tua

O nisi taimi tatou te afaina pe a tatou finau i le faia o mea e tusa ai ma lo tatou lava taimi atofaina, nai lo le faalagolago i le taimi a le Alii.

Mafaufau i le tala i le malaga ese a Liae mai Ierusalema mai le vaiga a Lamana ma Lemuelu. Na faafusei ona faalavelavea lo latou olaga manaia ina ua fai atu Liae ua tatau ona sosola ese le aiga ona o le a faaumati Ierusalema. Ua latou o atu i le vao—ae lei umi ae tatau ona toe foi vave mai e aumai papatusi apamemea mai ia Lapana. O lena taimi atoa o le malaga faifalemu i le toafa faigata ae na o le avanoa mo Lapana e gaoi ai a latou oloataua ma taumafai e fasioti i latou? O le a ou le fiafia foi!

Ma le isi foi, o le vaavaai atu ia Ierusalema o le vaiga lava lea e tasi na faaopoopo ai le feita o Lamana ma Lemuelu. Ou te le iloa pe na la faamoemoe e vaai i se nuu faatafunaina pe a toe foi atu, ae e mafai ona ou te mafaufau i o la manatu: "Pe lei tatau ea ona faaumati Ierusalema? Aisea ua maimau ai lo tatou taimi i le vao ae o lea e sololelei lava mea iinei?" I soos se tulaga lava, o nei mea uma sa vave ona taunu i lo la sasaina o Nifae ma Sama (tagai 1 Nifae 3:29).

Pe a le tutupu mai mea i le ala tatou te manatu e tatau ona i ai; pe a tatou mafaufau i lena afi faaniutu o le a le mafai lava ona vave lana alu; pe a tatou vaavaai solo ma vaai atu tau lava o le fanua a se faifaatoaga, atonu foi e mafai ona tatou lotovaivai i le tulaga, e pei o Lamana ma Lemuelu, tatou te faatoilaloina lo tatou faatuatua ma tuuaia lo tatou le fiafia i le Atua.

Na aoao mai Elder Neal A. Maxwell (1926–2004) o le Korama a Apostolo e Toasefululua: "pe afai ua tele naua lo tatou le onosai i taimi o le Atua, ua

tatou fai atu tatou te iloa le mea sili. E uiga ese—o i tatou o loo tuu uati i o tatou tapulima, ua tatou saili e faatonu le tagata e pulea uati ma kalena a le lalolagi atoa."⁴

O le mea moni e le faigofie i taimi uma le olaga, ma ou te le iloa pe i ai se tasi—e aofia ai au—o le a faapea mai o le olaga e tutusa lelei ma le mea na vaai faalemafaufau i ai. Ae ou te iloa foi le toatele o tagata o le a fai mai e ui lava i mea uma, o loo fiafia i latou i lo latou olaga i le taimi nei—e tusa lava pe latou te le'i tutupu a'e e avea o ni fuimu i le masina!

O le vaiga lelei lena e oo mai pe a tatou mulimuli ma le faamaoni i le Alii ma le fiafia i lo tatou lava vaomatua. A o tatou faia, o le a tatou iloa i se aso o la tatou aafiaga i le vao e lei matua leaga lava e pei ona tatou manatu ai. Atonu e oo lava ina tatou tautino atu faapea sa matuai aoga lava. Ia i tatou taitoatasina na fetalai mai ai le Alii:

"Faaauau pea i le onosai seia faatoatoaina outou.

"Aua le tuua o outou mafaufau e fuli i tua; ma a outou agavaa, o le a outou vaai ma iloa i lau lava taimi e tatau ai" (MF&F 67:13–14). ■

E alala le tusitala i Iuta, ISA.

Ina ia aoao i le auala e maua ai le lotofaafetai e tusa lava po o a ou tulaga, tagai i le lauga o le konafesi aoao a Peresitene Dieter F. Uchtdorf "Ia Lotofaafetai i Soo Se Tulaga" i le lomiga o Me po o le conference.lds.org.

FAAMATALAGA

- Richard G. Scott, "O Loo Soifua o Ia," *Liahona*, Ian. 2000, 105.
- "Ua ou Faia ea se Lelei?" *Viiga*, nu. 136.
- Dieter F. Uchtdorf, "Faaauau i le Onosai," *Liahona*, Me 2010, 56.
- Neal A. Maxwell, "O Le Faamoemoe e ala i le Togiola a Iesu Keriso," *Liahona*, Ian. 1999, 70.

Na Fetalai Mai le Tama Faalelagi Leai ma loe

**Sa ou mafaufau
ua fetalai mai le
Tama Faalelagi leai,
ae sa la fetalai moni
mai lava ioe i se
fuafuaga sili atu
mo lou olaga.**



Saunia e Angelica Hagman

ISUETENA, i le taimi o lo'u tausaga mulimuli o le aoga maualuga, sa ou filifili e talosaga mo le Iunive site o Polika Iaga i Iuta. Sa na o le tasi le faafitauli: tusa lava po o le a le tele o lau tatalo faatauanau i le Atua e faamautu mai la'u faaiuga, sa lei i ai lava se lagona e sao. Sa ou mafaufau, "E le tatau lava ona leai le tali, e tatau ea? I le tele o itu, o le BYU e foliga e tatau ona avea ma filifiliga sa'o, ae maise lava ona ou te manao i se faaipoipoga i le malumalu ma o ou faamoemoega i le BYU e sili atu ona lelei nai lo i Suetena." Vagana ai sa le sa'o. E le mo au. E le o le taimi lena.

I le le fiafia, sa ou lafoaia au fuafuaga e aoga i le BYU ma talosaga loa i se iunivesite i Suetena. I le taimi lava lea sa tatau ai ona ou alu mo la'u sailiga i le BYU, sa ou alofa ai ia Iona—se faifeautalai faatoa foi mai. E ui lava atonu na ma auai faatasi i ni gaoioiga a le autalavou a o lei alu Iona i lana misiona, ou te lei amanaaina lava o ia. O le ala na ou le matauina ai lana ata aulelei ma faafafia loto o loo tumau pea o se mealilo!

I le amataga o la ma sootaga, na tau mai ai e Iona ia te au ua talosaga atu o ia i le BYU ma na faamoemoe e auai i le kuata o sosoo ai. I le maea ai o lana kuata i Provo, na ma faaipoipo i le malumalu ma amata ona aooga faatasi i le BYU, ma faauu i le aso lava e tasi.

O lenei ua ou toe tepa i tua ma iloa ai pe aisea na fai mai ai le Tama Faalelagi i le amataga leai—po o le mea moni, "e le'o nei"—i la'u tatalo faatauanau e uiga i le auai i le BYU. E ui lava sa Ia fai mai leai i lo'u manao i lena taimi faapitoa, sa Ia fai mai ioe i se manao e sili atu ona taua. A o ou teineitiiti, sa masani ona ou tatalo faapea o lo'u toalua i le lumana'i ma au o le a mauaina e le tasi le isi pe a ua sao le taimi. Atonu e mafai ona ma feiloi i le BYU, ae ou te talitonu e faapea, o se vaega o se fuafuaga e sili atu, o Iona ma au sa manaomia le mauaina e le tasi le isi i Suetena. Atonu o le tele lava o tali "leai" a le Tama Faalelagi i a tatou tatalo o ni vaega taua o Ana tali "ioe" i fuafuaga e sili atu mo o tatou olaga.

Ia Faia Lou Finagalo

I Ketesemane, na tatalo ai Iesu Keriso ma le naunau tele, "Lo'u Tama e, afai e mafai, ia aveese lenei ipu ia au." Ona Ia faaopoopo atu lea, "Ae aua le faia lo'u loto, a o lou finagalo" (Mataio 26:39). Na filifili Iesu Keriso e inu i le ipu oona ona sa Ia iloa o se vaega o le fuafuaga sili atu a le Atua e tuuina atu se Faaola, o le a togiola mo agasala a tagata (tagai 3 Nifae 11:11).

E faapena foi, ua tatou iloa e i ai se fuafuaga a lo tatou Tama Faalelagi mo lo tatou olaga. Ae atonu tatou te le iloa le atoatoaga o le fuafuaga a le Atua mo i tatou, e mafai ona tatou faalagolago i tali a le Tama Faalelagi ia tatou tatalo ma faapea atu, "Ia faia Lou finagalo."

Sa faaogatasi le finagalo o Keriso ma le finagalo o le Atua, ma o le

fuafuaga sili lea na aofia ai le Togiola a le Faaola mo tagata uma na tatalaina. E faapena foi, a o tatou faaogatasi o tatou loto ma le Atua, e mafai e le Tama Faalelagi ona faaalia mai se fuafuaga sili atu mo i tatou. A o tatalaina lo tatou olaga, e mafai ona tatou maua faamanuiaga na aioi atu ai Iesu Keriso i Lana Tatalo Faatoga: "Ina ia

tasi i latou uma; faapei o oe le Tama o i totolu ia te au, o au foi i totolu ia te oe, ina ia tasi i latou i totolu ia te i taua" (Ioane 17:21).

Ou te matuai faafetai lava ona o lo tatou Tama Faalelagi e musumusu mai leai ma le alofa i nisi tatalo ina ia mafai ona Ia tuu atu se ioe manino i isi. ■

E alala le tusitala i Kalefonia, ISA.



E SILAFIA E LE ATUA LE ATA LAUTELE

"Oka se ofoofo-gia o le puna o le mana, o le malosi, ma le mafanafana o loo avanoa mo i tatou taitoatas. O la o lē e silafia i tatou e sili atu nai lo le mea ua tatou iloa ia i tatou lava, o la o le silafia le ata lautele ma e silafia le iuga mai le amataga, ua faamautinoa mai ia i tatou o le a la i ai iina mo i tatou e tuuina mai le fesoasoani tau lava o lo tatou fesili atu. Ua tatou maua le folafolaga: 'Tatalo e le aunoa, ma ia talitonu, ma o le a galulue faatasi mea uma mo lo outou lelei' [MF&F 90:24]."

Peresitene Thomas S. Monson, "Ou Te Le Tuua Lava Oe, Ou Te Le Tuulafoai Lava la Te Oe," *Liahona*, Nov. 2013, 123, 124.

O UPUMONI E SILI ATU ONA AOGA LE ILOAINA

Afai na e tautevateva pe na e leiloa foi mo se taimi, e mafai ona e agai i luma ma le faatuatua e aunoa ma le toe fesesea'i solo i le lalolagi.



Saunia e Peresitene
Boyd K. Packer

Peresitene o le
Korama a Apostolo
e Toasfululua

Onisi talavou o loo i ai ni fesili ma o loo saili mo se taitaiga. O isi o loo tau mafaufau pe na faapefea ona o ese mai le ala o le talalelei ma pe faapefea ona mafai ona latou toe foi atu. A o ou tau-tala atu ia i latou uma, ou te tautala atu ma le naunautai sili i le tagata o loo sailili.

Lau Aitalafu Faaleagaga

Ua tatou ola uma i se aitalafu faaleagaga. Pe o le a lava le auala, e faatupulaia pea lava pea le aitalafu. Afai e te totogia uma lava a o e faimalaga, o le a itiiti se mea e te popole i ai. E le pine ona amata lea ona e aoao e faautauta ma iloa o loo i ai se aso o le faamasinoga o i luma atu. Aoao e totogi pea lau aitalafu faaleagaga i malologa faisoo nai lo le faatagaina e faoopoopo le tului ma faasalaga.

Ona o loo tofotofoina oe, e faamoemoe o le a e faia ni mea sese. Ou te manatu ua e faia ni mea i lou olaga ua e faanoanoa ai, mea e le mafai ona e faatoese ai, pe faasao; o le mea lea, e te tauaveina ai se avega mamafa. Atonu, e te lagonaina le faatauvaa i le mafaufau ma le tino ma o loo popole ma mafatia i le mamafa o se aitalafu faaleagaga ua faailogaina “ua te'a le taimi e tatau ona totogi ai.” Pe a e iloaina se mea moni e uiga

ia te oe lava ia i na taimi o mafaufauga toafilemu (lea e toatele i tatou e taumafai e aloese mai ai), pe o i ai ni mea e le i foiaina o loo e atugalu ai? O i ai se mea i lou lotofuatiaifo? Pe o e lagonaina pea, i se tikeri se tasi po o se isi, le tausalaina i soo se mea itiiti pe tele?

O le tele o taimi, matou te mauaina ai lava ni tusi mai ia i latou o loo faia ni mea sese matuia ma ua mafatia ai. Latou te aioi mai, “Pe mafai ea ona faamagaloina au? Pe mafai ea ona ou sui?” O le tali o le ioe! (Tagai 1 Korinito 10:13.)

O Le Salamo E Maua Ai Le Toomaga

Ua aoaoina i tatou e le talalelei, o le toomaga mai tiga ma le tausalaina, e mafai ona maua mai i le salamo. Sei vagana ai lena vaega—lena vaega toaitiiti—o i latou ua filifili e mulimuli i le malaia ina ua mavae ona iloa se atoatoaga, e le o i ai se mausa, leai se vaisu, leai se fouvale, leai se solitulafono, leai se faatiga, tele pe itiiti, e le mafai ona faatagaina i le folafolaga o le faamagaloga atoa. E tusa lava pe o le a le mea sa tupu i lou olaga, ua saunia e le Alii se ala e te toe foi atu ai pe afai o le a e faalogo i uunaiga a le Agaga Paia.

O nisi ua faatumuina i se naunautaiga faamalosi, se faaososoga e oo soo atu i le mafaufau, atonu e avea ma se mausa, ona

avea ai lea ma se vaisu. Ua tatou faafesagai ma nisi soligatulafono ma le agasala ma se mafaufau foi e faapea e le o tausalaina i tatou ona sa tatou fananau mai lava i lea ala. E oo ina saisaitia i tatou, ma o lea e oo mai ai tiga ma mafatiga lea e na o le Faaola lava e mafai ona faamaloloina. Ua ia te oe le mana e taofi ai ma ia togiolaina oe.

O Se Gata Feai E Igoa la Ponokalafi

Na tau mai ia te au i se tasi taimi e Peresitene Marion G. Romney (1897–1988), Fesoasoani Muamua i le Au peresitene Sili, “Aua le na ona tau atu ia te i latou ina ia mafai ona latou malamalama, ta’u atu ia te i latou ina ia latou le malamalama sese.”


O le aoina mai po o le maimoaina o ponokalafi e tutusa lava ma le tuuina o se gata feai i lau ato faafafa.

O lea ia faalogo mai ai! O le a ou talanoa manino atu e pei ona valaauina ai ma e tusa ai ma le matafaioi e fai ai.

Ua outou ola i se vaitaimi o le matautia o ponokalafi lea ua salalau i le salafa o le lalolagi. Ua faigata ona sosola ese mai ai. Ua taulai atu ponokalafi i lena vaega o lou natura lea o loo i ai le mana e foafoa ai le ola.

O le tuinanau i ponokalafi e taitai atu ai i faigata, tatalaga o faaipoipoga, faama’i, ma le tele o faafitauli eseese. E leai ma sona vaega o i ai se ta’umamaina. O le aoina, matamata i ai, pe feaveaia foi i soo se faiga e tutusa lava ma le tuuina o se gata uogo i totonu o lau atofaafafa. E te oo ai i se mea talitutusa faaleagaga masani o le ū a le gata o loo i ai se au oona matautia. E mafai ona faigofie ona malamalama i se tasi, faatasi ai ma le lalolagi i le tulaga ua i ai, e mafai ona toetoe lava a e mauaina e au-noa ma le mafaufau i ai, e faitauina, po o le matamata ai





e aunoa ma le iloaina o taunuuga matautia. Afaia ua e aofia ai i lena faamatalaga, ou te lapataia nei oe e tuu. Tuu nei loa!

Ua aoao mai le Tusi a Mamona o tagata uma “ua lava le aoaoina o tagata ua latou iloa ai le lelei mai le leaga” (2 Nifae 2:5). E aofia ai oe. Ua e iloa le mea sao ma le mea sese. Ia e matuai faaeteete ia aua nei e kolosia lena laina.

E ui lava o le tele o mea sese e mafai ona ta’uta’u patino atu i le Alii, ae e i ai nisi soligatulafono e manaomia ai le sili atu nai lo le mauaina o le faamagaloga. Afaia e matuia tele ni au mea sese, vaa lou epikopo. A o isi, o le a lelei lava le ta’uta’u atu e pei ona masani ai, lemu ma patino. Ae manatua, o lena taeao maoae o le faamagaloga e lē sau uma i le taimi e tasi. Afaia e te muamua ona pa’ū, aua le fiu. O le faatoilaloina o le lotovaivai o se vaega o le tofotofoga. Aua le fiu. Ma e pei ona ou fautua atu muamua, o le taimi lava e te ta’uta’u atu ai ma lafoaia au agasala, aua nei toe tepea i tua.

O loo i ai pea le Alii iina. Ua finagalo o Ia e puapuagatia ma totogi le sala pe afai ua e loto e talia o Ia e avea ma ou Togiola.

O Le Puapuagatia o le Faaola Mo a Tatou Agasala

I le avea ai ma tagata soifua, e mafai ona tatou le—e moni lava e le mafai—malamalama atoatoa pe faapefea

ona faataunuina e Iesu Keriso Lana taulaga togiola. Ae mo le taimi nei o le *faapefea* e le taua tele e pei o le *aisea* o Lona puapuaga. Aisea na Ia faia ai mo oe, mo au, mo tagata ola uma? Sa ia faia mo le alofa o le Atua le Tama ma tagata uma. “E le sili lava le alofa o se tasi i lenei alofa, ia tuuina atu e se tasi lona ola e sui ai ana uo” (Ioane 15:13).

I Ketesemane, sa tuumuli ese Keriso mai Ona Aposetolo e tatalo. Soo se mea na tupu e le mafai ona oo i ai lo tatou malosi e iloa ai! Ae ua tatou iloa sa Ia faataunuina atoa le Togiola. Sa naunau o Ia e tauave i Ona luga mea sese, agasala ma le tausalaina, faaletonu ma atuatuvalo o le lalolagi atoa. Na Ia puapuagatia mo i tatou ina ia tatou le puapuagatia.

E Mafai Ona Maua Le Faamagaloga Atoatoa

Afaia na e tautevateva pe na e leiloa i se taimi, afaia e te lagona o le fili ua umia nei oe faatagataotauaina, e mafai ona e agai i luma ma le faatuatua ae le toe fesesea’i ai solo i le lalolagi. O loo i ai i latou ua saunia mai e taialaina oe e toe foi atu i le filemu ma le saogalemu. O le alofa tunoa o le Atua, e pei ona folafolaina mai i tusitusiga paia, e oo mai “pe a uma mea uma e mafai ona tatou faia” (2 Nifae 25:23). O le mafaia o lenei mea, ia te au, o le upu moni e sili ona aoga le iloaina.

Ou te folafola atu e mafai ona oo mai le taeao pupula o le faamagaloga. Ona “o le filemu foi mai le Atua, o loo silisili lava i mea uma e manatu i ai” (Filipi 4:7) e toe oo tasi mai i lou olaga, o se mea e pei o se la oso, ma oe ma Ia “e le toe manatua a [outou] agasala” (Ieremia 31:34). O le a faapefea ona e iloa ua faamagaloina oe? O le a e iloa! (Tagai Mosaea 4:1–3.)

O le mea lena ua ou sau e aoao atu ia te outou o loo feagai ma faafitauli. O le a Ia laa mai ma foia le faafitauli e te le o mafai ona foia, ae e ao ona e totogia le tau. E le oo mai e aunoa ma lou faia o lena mea. O Ia o se faitulafono agalelei i le lagona o le a Ia totogia pea le tau talafeagai, ae e finagalo o Ia e te faia mea e tatau ai, e tusa lava pe tiga.

Ou te alofa i le Alii, ma ou te alofa i le Tama na auina mai o Ia. O a tatou avega o le le fiafia, agasala, ma le tausalaina e mafai ona faataatia i Ona luma, ma i Ana tuuuga agalelei, e mafai ona faailogaina ia mea taitasi i lau aitalafu ua “totogi atoa.” (Tagai Isaia 1:18–19–19.)

Ola Faamaoni ma Tumau le Agavaa

O le mau “aoao le poto i lou taulealea; ioe, aoao i lou talavou e tausi i poloaiga a le Atua” (Alema 37:35) o se vala-aulia faatasi ma le folafolaga o le filemu ma le puipuiga mai le fili. (Tagai foi 1 Timoteo 4:12.)

Aua nei e faamoemoe o le a sologa lelei mea uma i le gasologa o lou olaga. E oo lava ia i latou o loo ola e pei ona tatau ai, o nisi taimi o le a matuai faafeagai lava. Ia faafetaia’ia luitau taitasi o le olaga i se manatu lelei ma le mautinoa, ona e maua lea o le filemu ma le faatuatua e lagolago ai oe i le taimi nei ma le lumanai.

Mo i latou e le i mauaina lava faamanuiga tou te manatu tou te manaomia, ou te talitonu ma le mausali e leai se aafiaga po o se avanoa e taua i le togiola ma le faaolataga o le a le tuuina mai ia te oe o loo ola ma le faamaoni. Ia tumau i le agavaa; ia i ai se faamoemoe, onosai, ma

ia agaga tatalo. Ua i ai i ia mea se ala e faasa’oina ai. O le a taiala ma taitai e le meaalofa o le Agaga Paia au mea e fai.

Ou te iloa outou i le avea ai ma talavou a le Ekalesia, ma ua ou malamalama tou te le atoatoa, ae o loo outou agai atu i lena ala. Ia Maua le Lototele Ia iloa soo se tagata o loo i ai se tino e i ai le mana i luga o se tasi e leo i ai se tino.¹ Ua le maua e Satani se tino; o lea soo se taimi lava e te fetaiai ai ma faaosoosoga, ia iloa e te malosi atu i na faaosoosoga uma pe afai e te faaaogaina le faitalia na tuuina atu ia Atamu ma Eva i le faatoaga ma tuufasolo atu i lenei lava tupulaga. ■

Mai se lauga sa faia i se faigalotu i le Iunivesite o Polika Iaga i le aso 6 o Novema, 2011. Mo le tusiga atoa i le gagana Perelania, asiasi i speeches.byu.edu.

FAAMATALAGA

1. Tagai Aoaoga a Peresitene o le Ekalesia: Iosefa Samita 2007, 480).

Ou te folafola atu e mafai ona oo mai le taeao pupula o le faamagaloga.



O LA TATOU AVANOA

TULAGA FAATONUINA MA UO

Talu ona ou i ai i le aoga, sa i ai ni au uo e le malamalama i tulaga faatonuina o la tatou tapuaiga. I le taimi muamua sa faigata, ae i le aluga o taimi ua amata ona latou masani i le manatu o lo'u ola mama. Sa ou faia se sini i lo'u olaga ina ia mama ma le pona, ma ua sologa lelei, ia te au faapea foi ia i latou o e na masani ona faitioina au. Mulimuli ane, o le faaaloalo, filemu, ma le olioli ua avea ma se vaega o lo matou li'o o uo agalelei.

Vitória M., Pasila

FAAMAGALOINA O AU UO

Ona na o au le tagata o le Eklesia i lau tupulaga, ua ou tofo i ni taimi na faatiga mai ai au uo ia te au. O nisi taimi latou te faamasino ai ma faitio i la'u lotu. Ou te lagonaina le matuai tuua toatasi, ae ou te faafe-tai ou te iloa tulaga faatonuina o le Eklesia.




Afai e faatiga mai au uo ia te au, ou te taumafai e faalotomaulaloina au lava ia ma aloese mai finauga, aua ua ou iloa o finauga e leaga. Pe a latou amata ona talanoaina ni mataupu e uiga i le Eklesia, e na ona ou molimau atu lava i lo'u talitonuga i le talalelei.

Ou te faamagalo atu pea i a'u uo pe latou te faatoese mai pe leai. O le faamagalo atu e le na o le faapea atu, "Taliaina le faatoesega" po o le "E le afaina," aua o le faamagalo atu i ai se uiga loloto: o Iesu Keriso na togiola mo a tatou agasala ina ia mafai

ona faamagaloina i tatou e le Tama Faalelagi.

E ui lava e leo malamalama nei au uo i lo'u talitonuga, ou te iloa e mafai ona avea au ma tufugaaao a le Atua e aoao atu ia te i latou le talalelei. O loo ou fesoasoani ia i latou, ma o le taimi foi lea o loo ou fesoasoani ia te au lava ia e tuputupu ae faaleagaga ma saunia e auauna atu i se misiona. Losua V., Filipaina



O SE TASI O MAU OU TE FIAFIA I AI

Efaaaoga e lo tatou Tama Faalelagi "mea laiti ma faatauvaa" (Alema 37:6) e faalautele ai Lana galuega.

O Iosefa Samita sa le o se tagata maoae i le silafaga a le lalolagi, ae na faaaaoga e le Atua o ia e toefuatai mai ai le Eklesia. Ma o

se mea faigofie lava na taitai atu ai i le Toefuataiga: o se tatalo. Aua e te manatu e te laitiiti tele e galue i le tovine a le Alii. O le avea ma se faataitaiga lelei e mafai ona fesoasoani i lou tuaoi ia avea ma se tagata o le Eklesia. E le manaomia e le Atua ni uiga faaletagata maoae, na o tagata e faamaoni ma usiusitai.

Ronick R., Haiti

SOA FAIFEAUTALAI

E mafai e lou aiga ona fesoasoani e faatasia le aiga o le Atua.
E mafai e outou uma ona faasoa atu le talalelei i auala masani ma lelei.

(Tagai M. Russell Ballard, "la Outou Faalagolago i le Alii," *Liahona*, Nov. 2013, 43.)





FAIFEAUTALAI FALAOA FA'I

Mo nei alii talavou, o le faasoaina atu o se tipiga falaoa ua faamanuiaina le tele o olaga, e aofia ai o latou lava olaga.

Saunia e Mindy Raye Friedman

Mekasini A Le Ekalesia

Afai e ofoina atu e se tasi ia te oe se fasi falaoa fai suamalie, o le a lau mea e fai? Mo alii talavou i se uarota i Ekuatoa, o se tasi lena o auala latou te amata ai talanoga e uiga i le talalelei.

I masina tai lua uma latou te faia ai se aso faafaifeautalai o fale tatala i eria eseese o le latou uarota. Latou te vaevae i ni nai vaega, o vaega taitasi o loo i ai se alii talavou, se faifeautalai faamisiona po o se faifeautalai faatoa foi mai, ma se toeaina po o se faitaulaga sili. O nisi o vaega e galulue i se faleie, o nisi e o e faafesootai tagata i le paka, ma o nisi e o mai lea fale i lea fale.

Afai latou te feiloai i se tasi, e ofoina atu i le tagata se fasi falaoa fa'i. Afai e talia e le tagata, e tau atu ia te ia faapea e ui lava o le falaoa e suamalie ma lelei mo le tino, o faifeautalai o loo i ai se savali o le a fafagaina le agaga o le tagata. Ona valaaulia lea e alii talavou ma a latou soa le tagata e feiloai ma faifeautalai. I lenei ala, latou te mafai ona maua le 40 i le 50 tagata mo faifeautalai i le lua itula.

E faaaumea foi e alii talavou tagata o a latou lava korama. I aso Toonai latou te feiloai mo se gaoioiga a Alii Talavou ma galulue i le Tiute i le Atua. Ona latou asiiasi atu

lea i tagata ua le toaaga mai o le latou korama. Latou te fautuaina i latou e o mai i le lotu ona valaaulia lea o i latou e toe foi mai e taaalo i ni taalogia po o le auai i se isi gaoioiga.

I lenei auala e toatele isi, ua mafai e nei alii talavou ona saunia e avea ma ni faifeautalai mo le olaga atoa. O le toalua o i latou (i le taumatau) ua faasoa mai le ala la te lagona ua faamalosia ma musuia ai i laua e o la aafiaga.



NA SUIA E LE TALALELEI

Ua lima tausaga talu ona avea au ma se tagata o le Eklesia. O o'u matua e le oni tagata o le eklesia, ae o le uso o lo'u tama o Jorge o le peresitene o Alii Talavou, ma sa avea ma se fesoasoani tele. Ou te faafetai foi i lo'u epikopo mo lana lagolago fafafai pea ma le faamalosiauga.

Sa ou filifili e faalatalata atili i le Eklesia ina ua mavae se tasi o aso faafaifeautalai sa latou faia i le uarota. O se tasi lea o o'u aafiaga muamua na musuia ai au e auai i le Eklesia. I le avea ai ma se tiakono, aoao, ma le taimi nei o se ositaulaga, e lagolagoina ma faamalosiau mai lava i taimi uma o'u taitai ia te au e auai i gaoioiga uma lava o le galuega faafaifeautalai. Ou te fafia i fale tatala, lea ou te maua ai le avanoa e faasoa atu ai i isi le faamanuiauga o le avea ai ma tagata o le Eklesia a Keriso. O le mea e sili ona musuia

ai au o gaoioiga auauna atu, lea ou te maua ai le avanoa e auauna atu ai i lo'u tuaoi e pei ona aoao mai Iesu tatu te faia.

I le tausaga talu ai, na auai mai ai ou uso laiti, o Luis, 15 tausaga, ma Israel, e 12 tausaga, i le Eklesia. Sa matou galulue faatasi i galuega faatino i le Tiute i le Atua, ma talu mai lo la papatisoga ua matou fefaasoaaaina ni aafiaga matagofie o le galuega faatasi. O alii talavou uma lava i le uarota e matua vavalalata lava, ma matou te lagolagoina e le tasi le isi.

Ou te iloa o le papatisoga o le faitotoa e ulu atu ai i le malo o le lagi. Pe a tatou auauna atu i o tatou uso a tagata, ua tatou auauna atu i le Atua (tagai Mosaea 2:17). O le galuega faafaifeautalai e faamanuiaina ai aiga, ma ua ou iloa ua suia lou olaga ona o le talalelei.

Alvaro T., 17 tausaga

AOAOINA OU TIUTETAUAVE

I le avea ai ma se tiakono sa ou aoaoina o'u tiutetauave e faafetai ai i le lagolago a o'u matua ma taitai ma le galue ai i sini i le tamaitusi Tiute i le Atua. I le avea ai ma se aoao sa tele atu mea na ou aoaoina i le alu e fai asiasiga a faiaoga o aiga, auai i fale tatala i aso faafaifeautalai, faasoaina atu o le falaoafa'i, auai i le Mutual, ma le auai i gaoioiga a le uarota ma le siteki.

O lenei ua avea o se ositaulaga ua ou taulai atili atu i le galuega faafaifeautalai. O le galulue faatasi ma le peresitene o Alii Talavou ma se fesoasoani i le epikopo, ua ou aoaoina mea e sili atu e uiga i o'u tiutetauave o se tasi e umia le perisitua.

E masani ona valaaulia i matou e o matou taitai matou te o faatasi ma i latou ma faifeautalai faamisiona ina ia mafai ona matou faamasani i le galuega faafaifeautalai. Latou te apoapoi mai foi ia i matou e fai tau i tusitusiga paia, aemaise lava le Tusi a Mamona. O nei aafiaga uma e uunaia ma saunia ai au e maua le perisitua mauluga atu, ma auauna atu faamisiona.

Isaac G., 17 tausaga

O OU AAFIAGA FAAFAIFEAUTALAI

Na faapefea ona e faasoa atu le talalelei e ala i auala laiti ma faatauvaa? Faasoa atu au tala e ala i le asiasi liahona.lds.org ma kiliki "Auina Atu Lau Galuega" po o le imeli mai i le liahona@ldschurch.org.





O SE VAVEGA
I LE MALAE
VAALELE

E tasi se tamai uunaiga ae mafai ona suia ai olaga mo le lelei sili atu.

Saunia e Thomas E. Robinson III

I le avea ai ma se faifeatalai fou i Iapani, sa faigata ia te au ona malamalama i soo se tasi, ma e leai se auala e faamasani ai ia i latou. Sa faigata ona aoao e alofa ini tagata sa ou le iloa, ae maise lava pe a le mafai ona ou malamalama i mea sa latou fai mai ai. Ae sa ou faia se tau-mafaiga e faaali atu ai lo'u alofa mo i latou, ma sa ou talisapaia a latou taumafaiga e aapa mai ia te au.

O vaiaso taitasi, ma te maua ai ma la'u soa se papa falaoe e fai i le fale mai se tuafafine o le uarota e igoa ia Sister Senba. Sa ia faaalia lona alofa mo faifeatalai e ala i le taoina oni falaoa i le fale, ma tusia ni faamatalaga laiti lava, ae mai le loto.

Sa ootia lo'u loto ona sa alofa mai se tasi ia te au. Sa uunaia au e faaali atu lo'u agaga faafetai ia te ia i sina ala itiiti. Sa ou tusia se tamai tusi e faailoa atu ai lou matuai faafetai mo ia ma le osigataulaga na ia faia ma lona aiga e fesoasoani ai i faifeatalai. Na amata ona ma uo, ma sa amata ona ou mafaufau ia te ia o lo'u "tina e mamao mai lou aiga."

Na mavae atu masina. I se taeao po o se tasi aso Lulu na ou maua ai se valaaau mai lo'u peresitene o le misiona, na fai mai ia te au ia ou siitia atu i lalo i Okinawa. Ina ua ou tuu i lalo le telefoni, sa faatumulia a'u i le lagona sili ona oona toe suamalie. Sa ou faatu e fai atu au faatofa. O telefoni taitasi e ta'u atu ai i tagata o le uarota o le a ou malaga ese i le aso na sosoo ai na tiga ai lo'u loto. O le faatofa atu i tagata ua amata ona ou alofa tele i ai sa sili atu ona faigata nai lo le mea sa ou mafaufauina o le a i ai.

A o ou faaiuina nei valaauga uma, sa ou matauina pau le tagata e le'i taliina le telefoni o Sister Senba. Sa ou faanoanoa o le a le mafai ona ou faatofa atu i se tasi sa matuai latalata lava i lo'u loto.

O le taeao na sosoo ai na matou o ai ma isi faifeautalai e toalua i le malae vaalele. Ina ua matou taunuu atu i le laulau o pepa malaga ma taumafai e faatau ni pepa malaga, na fai mai tagata faigaluega ia i matou ua teena a matou kata. E le'i i ai ni a matou tipe e totogi ai pepa malaga, ma o le a malaga le vaalele i le 10 minute! O le toatolu o i matou sa le to'a. O le a matou misia le faigamalaga ma tuua ai i le malae vaalele mo le aso atoa.

Ae o lo'u popolevale atoa lava na liua i le mafanafana ina ua ou faliu i tua ma vaai i a Sister Senba o savalivali mai i le malae vaalele. Sa faateia au ona o loo i ai o ia iina aua na te le'i iloaina le taimi o la matou vaa. A o ia faanatinati mai ia i matou, sa ataata o ia ma tuuina mai ia i matou uma ni falaoa e ave i luga o le vaalele.

A o matou faamalamalama atu ia te ia o le a misia le matou faigamalaga, sa amata ona faanoanoa o ia. E leai

se tasi o i matou na iloa le mea e fai. Ona amata lea e Sister Senba ona laga lana ato, ma vaavaii mo se mea e mafai ona fesoasoani ai ia i matou. Sa ia oso fiafia i luga ina ua ia maua se tamai teutusi i lana ato lea na ia, tuuina ai, ini vaiaso ua tuanai le ¥50,000—le aofaiga tonu o le tipe sa matou manaomia. Na ia tuuina mai ia i matou le tipe, ma sa mafai ona matou maua ai a matou pepa malaga i le taimi o le vaa. Sa matou faafetai ia

I lena taimi sa ou lagonaina ai le Agaga ua sili atu le malosi nai lo se isi lava taimi muamua. Sa aoaoina au e le faataitaiga a sister Senba i le taua o le mulimuli i uunaiga a le Agaga—e tusa lava po o le a le laitiiti po o le tulagae atonu e foliga mai ai le uunaiga. E ala mai i nei uunaiga ua ia i tatou le mana e suia ai olaga mo le lelei sili atu. Ou te iloa e le o se laki lea na sau ai o ia i le malae vaalele. O se *vavega* lena mea.

E MONI LAVA E FAAAOGA E LE ALII MEA FAATAUVAA E FAATAUNUU AI LANA GALUEGA.

te ia ma aunese uma o le lotofaafetai na matou mafaia, faatofa atu, ma faanatinati atu i luga o le vaalele.

Ina ua lele ese le vaalele, na faliu mai lo'u uso a faifeautalai ia te au ma fai mai, “Pe le o ia o se tagata ofoofogia?! O se *vavega* lena mea!”

Ona ou iloaina ai lea o se *vavega* moni lava lena mea. Ona ia fai mai lea, “O le a se mea o fai mai ai lau tusi puupuu?” Sa ou iloa atu o ia faitauina se tusi puupuu sa i ai faatasi ma le falaoa na tuuina atu ia te ia e Sister Senba. Ina ua ou iloaina sa ou maua foi se tusi puupuu, sa ou aumaia i fafo le tusi puupuu ma faitau se tamai fasi pepa na tusia faapitoa lava ia te au, lea na vave lava ona faatumuina o'u mata i loimata. Na faapea mai, “ou te alofa ia te oe! Faamolemole aua nei galo mai au! O le a ou le faagaloina lava oe!”

E moni lava e faaaoga e le Alii mea faatauvaa e faataunu ai Lana galuega. O se faamanuiaga lava mo i tatou tagata o lenei Eklesia le i ai o Lana uunaiga i o tatou olaga. Sei o tatou tumau i le agavaa ina ia maua ai nei uunaiga ma faamanua ai olaga o fanau a le Atua. ■

E alala le tusitala i Juta, ISA.

Faamatalaga a le Faatonu: Sa vave lava ona toe faaola le tipe a Sister Senba e le misiona.



“E faigaluega lou tina i le aso atoa. E mafai faapefea ona ou faaleleia le ma sootaga?”

Talu ai ona e te le vaai soo i lou tina, ia mautinoa o le taimi e te lua faatasi ai ua faaaogaina lelei. E mafai ona e talanoa i lou tina e uiga i le auala e faia ai lenei mea. E manao foi o ia i se sootaga lelei ma oe ma o le a fesoasoani ia te oe e galue i ai. Taumafai e fesili atu ia te ia po o a mea o le a ia fiafia ai: sau i le aiga i se fale mama? faia se gaoioiga faatasi? pe na o le talanoa lava ma oe? A o e faia soo gaoioiga e talisapaia e lou tina, o le a faaleleia la oulu sootaga.

Ioe, e mafai ona e fuafuaina ni gaoioiga malie e fai faatasi, ae soo se taimi anoa e faatasi ai—e pei o le fufuluina o ipu po o le faitauina o tusitusiga paia—e mafai ona avea o se auala sili e faaleleia ai le lua sootaga.

Ia fuafua foi se taimi e talanoa ai. O le malamalama o se tasi i le isi o se vaega taua i fegalegaleaiga lelei. O le isi mea e talanoaina pe faapefea ona aafia la oulu sootaga ma ia i taimi faigaluega a lou tina. E mafai ona e aloese mai le le femalamalamaai pe afai e te talanoa e uiga i ou faamoemoega faapea foi ma faamoemoega a lou tina.

O le a fesoasoani le tatalo. E taua i le Tama Faalelagi aiga, o lea e mafai ai ona Ia musuia oe ia iloa le auala e faaleleia ai la oulu sootaga ma lou tina. Aua le le amanaaina se unaiga e fai se mea e foliga mai e laitiiti (tagai Alema 37:6). O se opo mai ma se ataata, mo se faataitaiga, e mafai ona faia se eseesegea tele.



Tusi se Tamai Tusi

E tusa lava pe matuai laitiiti lava se lua taimi faatasi, e mafai lava ona faailoa atu lou alofa i lou tina. Tusi mo ia ni tamai tusi, mai le loto ma faalilolilo. A o ia faitauina i le galuega, o le a ia mafaufau ia te oe. Fai le tele o mea e te mafaia mo ia. Mafaufau soo ia te ia ma tatalo mo ia. Talosaga i le Alii e musuia oe ma uunaia oe pe mafai faapefea ona e faaleleia la oulu sootaga.

Irinka E., 20 tausaga, Odessa, Iukureini

Saili ia Malamalama la Te la

Taumafai ia malamalama i lona tulaga, aua o loo ia galue mo lou manuia. E mafai ona e amata i le fesoasoani lea i mea i le fale, e pei o le faamamaina o le fale, fesoasoani i nai ou tei, ma le kuka. E mafai foi ona e faasoa atu tusitusiga paia i lou tina, tatalo faatasi, ma faia ni gaoioiga e te fiafia e fai faatasi.

Morony M., 18 tausaga, Chihuahua, Mekisiko



Fai se Aso Sa Faapitoa

I nisi Aso Sa ma te faia ai se meaai faapitoa i le aoauli po o se taumafataga o le afiafi faatasi ma se meaai suamalie fou, ma te talanoa, ma i le faaiuga ma te pepese i viiga. O lenei mea e tuufatasia ai i ma'ua ma fesoasoani e avea ai i ma'ua ma se uo e sili atu ona lelei!

Repeka N., 12 tausaga, São Paulo, Pasila

Taumafai se Faataitaiga

Ma te faatulaga se taimi e faatasi ai: faia o se afiafi faaleaiga, taaaalo



i taologa, o i le matafaga, aai faatasi i le aoauli. O nei mea uma e fesoasoani e faatumauina ai le faaolaolaina pea o se sootaga lelei. Pe a eseese o ma manatu, ma te aloese mai le faitio. Ou te iloa o nisi taimi ou te fai atu ai ou te le faia galuega o le fale, ae o lenei mea e tupu ai le vevesi i le aiga. Talu ona ou amataina lenei faataitaiga—faaitiitia le faitio, tuutuu i lalo lo'u leo, fesoasoani atili i galuega o le fale, ma talanoa soo ma lo'u tina—ua atiina ae ai se agaga matagofie i lo matou aiga ma ua sili atu lo ma galuue faatasi.

Glenda C., 18 tausaga, Bahia, Pasila



Fesoasoani i le Fale

Fai ni galuega faaopoopo i le fale. Sa faigaluega lou tina i le aso atoa. Afai e faaitiitia ana galuega e fai pe a sau i

le fale, atonu o le a sili atu lona fiafia ma lava ai le taimi e talanoa ma faia ai mea faatasi ma oe. Ao lua talanoa, e mafai ona e fesili atu e uiga i lona aso i le galuega. O le a ia iloa ai e te manatu alofa ia te ia, ma o le a tatala ai faitotoa mo isi autu o talanoaga, e faatagaina ai oulua e vavalalata atili.

Heather B., 18 tausaga, Oregon, ISA

Sue se Mea e Te Lua Fiafia Uma e Fai

O le ma sootaga ma lo'u tina na lele faaroketi ina ua ou fai atu, "Ou te manao ia sili atu se taimi e faaalu faatasi ma oe, ae ou te le iloa le mea e fai po o afea foi e fai ai." O le taatalo i taologa i le laupapa sa avea na o matou taimi e sili ona fiafia i ai i le taimi ua tuanai. O lea na ma faataatia ese ai se taimi e taatalo, talie, ma faia ni taimi e manatua. Pe a e talanoa sao ma ou matua, e iu lava ina avea

i laua ma au soa e sili ona lelei. O le a mafai ona e talanoa atu ia i laua e uiga i soo se mea, ma o le a e mautinoa o se tali faamaoni. O le faailoga lena o se mafutaga faatagata matua.

Ephraim S., 15 tausaga, Niu Saute Uelese, Ausetalia

Faitau Faatasi Tusitusiga Paia

E mafai e oulua uma ona faatuina se sini e faitau faatasi i aso uma, e tusa lava pe na o le lima minute, mai le Tusi a Mamona po o se isi lava tusi o le Ekalesia. O le a faamalosia ai le lua sootaga ma fafagaina ai oulua i le afioga a le Atua ina ia mafai ona oulua saunia e feagai ma aso taitasi. Ia manatua foi e tatalo i le Atua ma ole atu mo Lana fesoasoani. Ou te iloa Na te faafogofa mai ia te oe ma e alofa ia te oe.

Laura M., 19 tausaga, Córdoba, Atenitina



AOAO MAI LOU TINA

"Faamolemole vaai atu i o outou tina faamaoni mo se mamanu e mulimuli ai. Faataitai ia i latou, ae le o tagata laulioa, o o latou tulaga faatauaina e le o tulaga faatauaina ia o le Alii, ma o o latou tulaga faatauaina e le atagia ai se vaaiga e faavavau. Vaai atu i lou tina. Aoao mai i ona malosiaga, lona lototele, ma lona faamaoni. Faalogo ia te ia. Atonu e le o ia o se tagata e atamai i le faiga o feau tusitusi i telefoni feaveai; atonu foi e leai sana itulau patino i le initoneti [Facebook]. Ae a oo loa i mataupu o le loto ma mea a le Alii, e matuai tumu o ia i le atamai."

Elder M. Russell Ballard o le Korama a Apostolo e Toasefululua, "Tina ma Fanau Teine," Liahona, Me 2010, 18.

FESILI O LE A SOSOO MAI

"Faatoa tatala le faaipoipoga a o'u matua. Ua ou ita ua la talepeina lo matou aiga. E mafai faapefea ona ou faamagaloina i laua?"

Auina mai lau tali ma se atapue sili ona manino, pe a manaomia, a o lei oo i le aso 10 Setema, 2014, i le liahona.lds.org, e ala i le imeli i le liahona@ldschurch.org, po o le meli (tagai i le tuatusi i le itulau e 3).

E ono faapupuina tali mo le uumi po o le manino.

O le faamatalaga ma le faatagaga o loo i lalo e tatau ona aofia mai i lau i-meli po o le tusi: (1) igoa atoa, (2) aso fanau, (3) uarota po o le paranesi, (4) siteki po o le itu, (5) lau faatagaga tusitusia, ma, afai e ititi ifo i le 18 ou tausaga, o le faatagaga tusitusia a ou matua (e talia foi le i-meli) e lolomiina ai lau tali ma lou ata.



**Saunia e
Bonnie L.
Oscarson**

O Le Peresitene
Aoao O Tamaitai
Talavou

TETEE LE KALAVE AGAI I LUMA MA LE FAATUATUA

A o e agai pea i luma, e mafai ona e nofo sao e tusa lava
pe o taumafai le malosiaga mai fafo e toso ese oe i lalo.

Sa ou mauaina la'u uila muamua se lua-uili ina ua valu o'u tausaga. I le fesoasoani mai a lo'u tua-gane matua ma lo'u tama, sa ou amataina le faagasologa taufaafefe o le tau mafaufauina pe faapefea ona tietie. O isi tamaiti i le pitonuu na foliga mai e matua faigofie ma o se mea masani a o latou alamu i luga ma lalo o le auala i a latou uila. Sa ou nofo i luga o le nofoa o le uila—lea na pei e le itiiti ifo ma le 10 futu (3 m) i luga o le eleele—ma iloa ai sa matuai leai se mea e taofia ai au mai le pau ese ma faamaonia ai o le tulafono o le kalave o loo ola pea ma aoga.

A o ou taumafai e tietie, sa vave ona ou aoaoina afai ou te manao ia tumau ai le paleni, ou te manaomia le viliina pea. Ina ua ou faatoa nofo i luga o le nofoa, o le saoasaoa o le mea lea ou te le matuai manaomia lava e fai. Ae sa vave ona ou malamalama i le poto ma le faasaienisi e aofia ai i le agai i luma. Pau lava ia ou

viliina lava, o le a mafai ona ou tumau i luga ma aloese ai mai le sima maa-maai o loo faatalitali mai e fofoe ese le pa'u mai o'u lima ma vae. E lei umi ae ou alamu solo i le pitonuu ma a'u uo.

peresitene Sili o loo ototo atu i lena tamaitusi, o o tatou olaga o le a paleni ma tumau. O le a taitaiina i tatou i le mea tatou te fia o i ai.

E tatau ona tatou tumau i le agai i luma ina ia aloese mai le pau. I le faia o lena mea, e tatau ona tatou faia pea lava pea ma le faamaoni ni amioga patino:

- Tatalo i taeao ma po.
- Suesue i aso uma i tusitusiga paia.
- Auai i sauniga a le Ekalesia ma tagofia le faamanatuga ma le agavaa.
- Auauna atu ia i latou o siomia i tatou.
- Ia agavaa e auai i le malumalu.

E pei lava o i latou o e viliina se uila e mafai ona tumau i luga e ui lava i le malosi o le kalave, o i latou o e o loo taialaina e le Agaga Paia i mea uma latou te faia e mafai ona tetee atu i le unaiga a le fili.

E faapena foi le ola ai i le talalelei ma tulaga faatonuina i *Mo le Malosi o le Autalavou*. E manaomia le faatuatua e talitonu ai afai tatou te mulimuli pea lava pea i le fautuaga a le Au

O nei gaoioiga uma e faatumauina ai i tatou e agai i luma i le itu sa'o.

O le mafuaaga lena o le faitauina ma le faamasani i tulaga faatonuina o loo faamatala mai i *Mo le Malosi o le Autalavou* o le a fesoasoani ia



mautinoa ai o loo tatou faia filifiliga e talafeagai ma tulaga faatonuina a le Atua. O le ola ai i nei mataupu faavae ma le tausia o poloaiga e valaaulia ai le Agaga Paia e avea ma a tatou soa tumau. E pei lava o i latou o e viliina pea se uila e mafai ona tumau i luga e ui lava i le malosi o le kalave, o i latou o e o loo taialaina e le Agaga Paia i mea uma latou te faia e mafai ona tetee atu i le uunaiga a le fili.

O a ni taunuuga o loo i lou mafaufau a o e vili atu i luma? Mo alii talavou uma o le Perisitua Arona, o le saunia nei mo se misiona talai e ttau i le tuputupu faaleagaga. Mo le autalavou uma, o le saunia e alu i le malumalu ma maua le faaeeega paia e ala i le osia ma tausia o feagaiga paia e ttau foi ona avea o se sini autu.

E pei o le savali mai le Au Peresitene Sili i le amataga o *Mo le Malosi o le Autalavou* fai mai: "i mea uma tou

te faia, ia taulai atu i le malumalu. I totonu o le malumalu o le a outou maua ai faamanuiga silisili i faamanuiga uma lava a le Alii, e aofia ai le faaipoipoga mo le olaga nei ma le faavavau atoa."¹ O le mauaina o le feagaiga o le faaipoipoga e faavavau i le maota o le Alii ma avea ma ni tane, ava, tama, ma tina amiontonu atonu e foliga mamao ese mai le ala, ae o le taimi e amata saunia ai o le taimi nei. O nei mea uma e taitai atu ai i le taunuuga e sili ona mamalu ma maoa'e i mea uma—ola e faavavau ma lo tatou Tama Faalelagi.

O se tasi o mau ou te fiafia i ai o loo aofai uma ai mea e ttau ona tatou faia ina ia agai pea i a tatou sini: "O le mea lea, e ttau ona outou fetaomi atu i luma ma le tumau ia Keriso, ma se susulu atoatoa o le faamoemoe, ma le alofa o le Atua ma tagata uma. O le mea lea, aofai o le a outou fetaomi atu i luma, ma

taumamafa fiafia i le afioga a Keriso, ma tumau e oo i le iuga, faauta, ua faapea ona fetalai mai le Tama: o le a outou maua le ola e faavavau" (2 Nifae 31: 20).

E pei lava ona ou aoaoina o se teineitiiti valu-tausaga-le-matua e ttau ona ou viliina pea ma agai i luma ina ia mafai ona tetee atu i le kalave ma tausia lou paleni i luga o la'u uila, e taua mo i tatou uma ina ia agai i luma ma le faatuatua, ma faalagolago i le fautuaga a perofeta soifua ma se Tama Faalelagi e tausia i tatou mai le faatoilaloina. O nisi o o tatou taunuuga e latalata mai lava i le auala a o isi o le a manaomia ai le olaga atoa o le ola faamaoni ina ia ausia. O folafolaga i mea o loo faatalitali mai i le faaiguia o le auala, pe afai tatou te faamaoni, e mautinoa ma mamalu ma e matuai tauia ai le tietie atu i ai. ■

FAAMATALAGA

1. *Mo Le Malosi o le Autalavou* (2011), ii.



LESONA I ASO SA

O Le Autu O Le Masina Lenet:
Faaipoipoga
Ma Le Aiga



E MATUAI TAUIA LAVA LE FAAIPOIPOGA

"E matuai faamanuaina lava le faaipoipo. E matagofie le faaipoipoga. E oo mai le taimi e amata ai ona tutusa o oulua mafaufauga, ma tututusa manatu ma lagona. E i ai taimi lua te matua fiafia ai lava, taimi o tofotofoga, ma taimi o faigata, ae e taiala faatasi lava oulua e le Alii i na aafiaga e tuputupu a'e ai"

Elder Richard G. Scott o le Korama a Apostolo e Toasefululu, "O Faamunuia e Faavavau o le Faaipoipoga, Liahona, Me 2011, 96.



AISEA E MATAGOFIE AI LE FAAIPOIPOGA!

Ma te fiafia i le faaipoipoga, ma o le mafuaaga lenei.

Saunia e Ben ma Rachel Nielsen

Ina ua mavae la ma tafaoga faamasani muamua, sa ma iloa uma ma te toe fia o i se tafaoga faamasani lona lua. Sa toe fia alu Ben i se isi tafaoga faamasani ona o Rachel o se tagata faauo ma e maua le fiafia i le talanoa i ai. Na toe fia alu Rachel i se isi tafaoga faamasani aua sa amio tamalii Ben ma sa ataata pea lava e ui lava o ana fuafuaga faataatitia *uma* na le taunu. Ina ua mavae le tafaoga faamasani lona lua, ma isi tafaoga faamasani e tele ma tatalo ina ua mavae lena, na ma lagona le alofa ma filifili ai e faaipoipo i le Malumalu o Sacramento Kalefonia.

O le aso o le faaipoipoga sa matuai atoatoa, ma na ma fiafia i le faaipoipoga talu mai lena taimi. E mafai ona ese le vaai a le lalolagi i le faaipoipoga, ae ua tatou iloa "e leai se isi lava sootaga o soo se ituaiga e mafai ona aumaia le olioli, faaosofia le tele o le lelei, po o le fuaina mai ai o le tele o le faamamaina patino."¹ E matagofie le faaipoipoga, ma o le mafuaaga lenei.

MAI IA BEN: Se Soa Soka

I le taimi o la'u misiona i Pasila, sa ou amata ona fiafia i le soka. O le mea e tasi e sili ai lou fiafia i lenei taalogia o le i ai o soa taaalo ma le aoao pe faapefea ona galulue faatasi ma la'u au. O Rachel o se soa taalo maoae. E fesoasoani o ia ia te au e ausia a'u sini, e faatasi mai ia te au i le faia o faaiuga taua, ma e i ai o ia iina pe a iai sou faafitauli.

Ina ua faamauina i maua i le malumalu, sa ma folafola atu e "fesoasoani le tasi i le isi o se paaga tutusa."² Ma te taumafai ma Rachel e lagolago le tasi i mea uma ma te faia, ma e maoae le iloa o loo i ai pea sau soa taalo faatuatuaina.

MAI IA RACHEL: Faailoaga o le Alofa

Sei o tatou tilotilo la i ai, teine (ma tama), e manaia le iloa e alofa se tasi ia te oe. Ma afai e te faaipoipo, e te maua avanoa e faasoia atu ma maua mai ai le alofa i aso uma! Ina ua ou talanoa i ou matua e uiga i le avanoa e faaipoipo ai ia Ben, na fai mai lo'u tama, "Po o ai lava e te filifili e faaipoipo i ai, ou te manao ia te ia e faaleo soo atu ma le faamaoni lona alofa mo oe e pei ona faia e Elder Richard G. Scott mo lana ava."³ Na ou faalogo i a Tama.

Sa ou filifili e faaipoipo i a Ben, ma e taumafai pea lava o ia e faaleo mai lona alofa ia te au i ni auala laiti ma tetele. I le taimi o lo'u tausaga faaui i le kolisi, sa ou galue mo ni masina e saunia, talosaga, ma faatalanoa mo se galuega faamasani lelei. Ma ina ua ou faalogo mulimuli ane sa ou mauaina le galuega, sa ou sau i le fale ma vaaia se meatuuteu e tumu i fugalaau mai lo'u toalua. Sa ia iloa le faigata na ou galue ai ma le taua tele o le galuega faamasani ia te au. I nisi taimi, na te natia la'u meainu e fiafia i ai faatasi ma se tamai tusi o le alofa i le pusa aisa a o lei alu atu mo le tolauapiga a le Sikauti i se faaiuga o le vaisaso. Ma o aso uma, o le a ia fufuluina ipu ma faaata au. O Ben e maoae i le faaalia o lona alofa mo au, ma o le mea lena e aumai ai ia i maua uma le olioli tele.



MAI IA BEN: Fiafiaga Sili Atu

O le Tafao Faamasani ia Rachel o se matuai mea fiafia lava. O le mea moni, ia tatou mautinoa o loo tatou o pea i tafaoga faamasani e tusa lava po o se ulugalii faaipoipo. Ina ua uma ona ma feiloai muamua, na ma iloa ai ma te fiafia i le tele o gaoioiga e tutusa: savavali i le paka, auai i le tala faatino, matamata i taaloga, aai i meaai fou ma le eseese, faalogologo i musika, ma le tele lava o isi. Sa ou fiafia i le faia o nei mea ae ou te lei feiloai ia Rachel, ae ua sili atu nei le fiafia i ai ona ua ma faasoaina faatasi. Pe a e faaipoipo, ua e maua se tasi e ola fiafia faatasi ma—e matagofie ai le olaga.

MAI IA RACHEL: Se Soa Faifeatalai Faavavau

Ae ou te lei feiloai ia Ben, sa toeitiiti atoa ou tausaga o le galuega faafaifeatalai ma na mafaufau loloto e auauna atu i se misiona talai. Ae oo mai loa Ben i lo'u olaga, ma na ou iloaina sa ese se fuafuaga a le Tama Faalelagi mo a'u.

Ina ua ma faamau ma Ben, o tagata o le aiga na iloa ou mafaufauga i le auauna atu i se misiona na fesili mai ia te au e uiga i la'u filifiliga, ma o le a ou tau atu ia i latou, "Sa ou filifili ou te fia pikiina lau lava soa faifeatalai—ma tumau ia te ia mo le faavavau."

Pe a lua faaipoipo, o oe ma lou toalua e maua le avanoa e auai faatasi i le galuega o le faaolotaga. Ua ma maua ma Ben le olioli sili i le fausiaina o se aiga e faatutotonu ai Keriso, o le suesueina ma ola faatasi i le talalelei, auauna atu i le Ekalesia, ma valaaulia isi e o mai ia Keriso. A o ma galulue faatasi e fausia le malo o le Atua, ua sili atu lo ma

ola vavalalata, faalolotoina ai lo ma alofa, ma o le olaga ua sili atu ona faamanuiaina.

TALITONU MAI IA I MAUA

E ui lava i mea atonu o loo fai mai ai le lalolagi, o le faaipoipoga e matagofie ma e matuai aoga lava le faia, o se mea e faamuamua. Pe a e faaipoipo, ua ia te oe se soa taalo, e te tuuina atu ma maua mai le alofa, e sili atu lou olioli atoatoa i le olaga, ma ua e maua se tasi e fausia faatasi le malo o le Atua. O mea uma na e aumai ai ia i maua le olioli tele, ma talu ai sa faamauina i maua i le malumalu, e mafai ona ma mauaina lenei olioli e faavavau! Afai tatou te tausia a tatou feagaiga, o le a tatou faatasi mo le faavavau ma maua faamanuiaga silisili o le perisitua. Ua ma "maua ai i le faaipoipoga le faataunuina sili ona faaoaina o le olaga o le tagata."⁴ ■

E alala tusitala i Iuta, ISA.

FAAMATALAGA

1. L. Whitney Clayton, "Faaipoipoga: Matau ma Aoao," *Liahona*, 2013 Me, 83.
2. "O Le Aiga: O Se Folafolaga i le Lalolagi," *Liahona*, Nov. 2010, 129.
3. Tagai Richard G. Scott, "O Faamanuiaga e Faavavau o le Faaipoipoga," *Liahona*, Me 2011, 96.
4. James E. Faust, "Faaoaina o Lau Faaipoipoga," *Liahona*, Ape. 2007, 4.

AUAI I LE TALANOAGA

O Mea e Mafaufau Loloto i ai mo le Aso Sa

- O a ni uiga auau mama ma amioga e fai mo faaipoipoga ma aiga e sili ona malolosi ma sili ona fiafia?
- O a mea o loo e faia i le taimi nei o le a fesoasoani ai i lau faaipoipoga ma le aiga i le lumanaia tumau ai le malosi ma le fiafia?

O Mea E Te Ono Faia

- Faasoa atu i nisi o uo au sini o le faaipoipoina ma le mauaina o se aiga, ma ta'u atu ia te i latou pe aisea.
- I le ekalesia, faasoa atu pe aisea ua e tulimatai atu ai i le faaipoipoga ma le aiga ma le auala o loo e saunia ai mo na mea.



Saunia e Elder
Jeffrey R. Holland

O Le Korama
a Aposetolo e
Toasefululu

*O sui o le Korama a
Aposetolo e Toasefu-
lulu o ni molimau
faapitoa a Iesu Keriso.*

Pe ua lava mo le taimi nei pe afai na o lo‘u *talitonu* e moni le Ekalesia?



O Iesu Keriso lava
na fetalai mai, "Aua
e te matau, tau
lava ina faatuatua"
(tagai Mareko 5:36).

Pipiimau i mea ua
uma ona outou iloa
ma tutu malosi seia
oo ina oo mai le
malamalama sili atu.

O le talitonu
o le laasaga
muamua lava lea
i le talitonuga
maumaututu.

*Mai le "Le Alii e, Ua Ou
Faatuatua," Liahona,
Me 2013, 93–95.*

E sili atu lou
faatuatua nai lo le
mea e te manatu
o loo i ai.

“Faateleina lo outou faatuatua.
Folafola atu lo outou faatuatua!
Ia faaalia lo outou faatuatua!”

Elder Russell M. Nelson
O Le Korama a Aposetolo e Toasefululu



Sa ou Lagonaina le Agaga Paia



Saunia e Yichen, 6 tausaga, Taiuani

Sa masani ona ou fesili i ou matua i le uiga o le "lagonaina o le Agaga Paia." Sa ou faalogo ia i latou o talanoa i ai, ae sa ou le mautinoa pe faapei le lagona. Sa fai mai Tina ia te au o se lagona lelei tele, ae ou te le mautinoa po o le a lona uiga.

I se tasi taeao sa tamoe solo ai lo'u uso e tasi le tausaga le matua sa faafuasei ona pa lona ulu i le masini faamafanafana. Sa i ai se lavea tele i lona ulu. Sa tagi o ia, ma sa maligi lona toto. Sa ou fefe lava ma popole. Sa togafiti e lou tina le lavea ma tuu i ai se fusi. Ona ia aveina lea o a'u i le aoga.

I le aoga, sa ou fefe pea ma popole i lo'u uso. Ona ou manatua lea e mafai ona ou tatalo. Sa ou alu i totonu o le faletaele ma tatalo ma le faamaoni i le Tama Faalelagi ma fai atu ia te Ia e faamanuia lo'u uso. Ina ua uma le

tatalo sa ou le toe fefe. Sa ou faalo-goina se lagona filemu lava, ma sa ou toe alu atu i la'u vasega.

I le auala i le fale i lena aso, sa ou ta'u atu i lo'u tina le mea na tupu. Sa tau mai e ia ia te au ma le fiafia o le lagona mafanafana, ma le filemu sa ou maua o le Agaga Paia sa faamafanafanaina au. Sa ia fai mai e masani lava ona le talanoa mai le Agaga Paia ia i tatou e pei ona talanoa mai isi tagata ia i tatou. Nai lo o lena, Na te tuuina mai ia i tatou se lagona toofilemu.

Ina ua mavae lena, sa ou matauina isi taimi pe a ou lagonaina le Agaga Paia. Ina ua tuuina atu e lo'u tama se faamanuiaga i lo'u tina, sa moeiini ou mata ma taumafai e matua faaaloalo lava. Ona ou toe lagona foi lea o lena lagona mafanafana. Ou te iloa, ina ia mafai ona sili atu le faigofie ona lagona le Agaga Paia, e tatau ona tatou faaaloalo. ■

Faamanuiaga O Isa

Saunia e Mackenzie Van Engelenhoven

E faavae i se tala moni

"O lou aiga e manuia i le mana o le perisitua" (Tusipese a tamaiti, 102).

Pe o i ai se mea o e popole ai?" Sa fesili atu ai tina i a Isa a o la tietie atu i le fale mai le lotu.

Sa faataupupula i fafo Isa i alavai na fesopoa'i i auala o Amsterdam. "Fai mai lo'u faiaoga Peraimeri o le i ai o le perisitua i lou aiga o se faamanuiaga," o le tala lea a Isa. "Ae e le maua e Tama le perisitua, e le mafai la ona faamanuiaina i tatou."

"E mafai lava ona maua le perisitua i lo tatou aiga, e tusa lava pe o lou tama e le o se tagata o le Ekalesia," o le tala lea a Tina. "E toatele tagata agavaa e umia le perisitua i le uarota e mafai ona fesoasoani ia te oe. Ae faapefesa Uso Van Leeuwen, lo tatou faiaoga o aiga?"

Sa fiafia Isa ia Uso Van Leeuwen. Sa ia aumaia i taimi uma *keke manutinuti*, kuki e fiafia i ai Isa, ma talanoa ma ia e uiga i le faasaienisi, lana mataupu sili ona lelei. Ae i le lotu na faamatala e isi tamaiti o latou tamā o tuuina atu ia i latou faamanuiaga faaleperisitua pe a latou mama'i pe le fiafia. E le mafai e Isa ona fesili atu i lona tama mo se faamanuiaga.

"Ou te alofa ia Tama," le tala a Isa. "Ae maimau pe ana i ai sona perisitua."

Ina ua latou taunu i le fale, sa i le umukuka Tama o loo kuka le taumafataga o le afiafi. "Na faapefesa mai le lotu?" sa ia fono atu ia i laua.

E lei tali atu Isa. Nai lo o lena, sa ia alu atu i lona potu ma faapalasi ifo i luga o le moega. Sa ia moomoo maimau pe ana fai si eseese o mea.

O le vaiaso na sosoo ai sa fai ai se suega tele a Isa i le aoga. O tamaiti uma lava i Netherlands e tatau ona fai se suega ina ua 12 tausaga le matutua e iloa ai po o fea e alu e aoga i le tau-saga e sosoo ai. E ui lava sa suesueina malosi Isa ma sa saunia, sa matuai popole lava o ia. O le po a o loma le suega, o lona manava sa pei na saisaia ini taaiga. Sa le mafai ona moe o ia. A o ia feminoiai ma feliuliu i le moega, na ia manatua le lesona mai le Peraimeri e uiga i le fesili atu mo se faamanuiaga faaleperisitua pe afai e te fefe. E ui lava ina le mafai ona tuuina atu ia te ia e lona tama se faamanuiaga, sa ia iloaina o le a fesoasoani le Tama Faalelagi ia te ia pe a ia fesili atu.

Sa oso ese Isa mai le moega ma savali atu i totonu o le potu malolo. Sa faigaluega Tina, ae o Tama sa i le nofoa o loo matamata le TV.

"Pe o lelei mea uma?" o le fesili lea a Tama.

"Ua ou matuai fefe lava i le su-ega taeao," o le tala lea a Isa. "E te manatu e mafai ona ta valaau atu Uso Van Leeuwen ma fesili atu ia te ia e tuuina mai ia te au se faamanuiaga?"

"Ou te iloa o se manatu lelei lena," sa fai atu ai Tama. "Sei ou valaau atu ia te ia."

E lei umi ae o mai Uso Van Leeuwen ma lona atalii o Jaan ma tuu atu ia Isa se faamanuiaga. Na ole atu Uso Van Leeuwen i le Tama Faalelagi e fesoasoani ia Isa ina ia aua le popole mo le suega ma fesoasoani ia te ia manuia lana suega. A o tuuina atu e Uso Van Leeuwen le faamanuiaga o Isa, sa saofai Tama i le nofoa ma piilima ona lima ma moeiini ona mata.

Ina ua uma le faamanuiaga sa maua e Isa se lagona sili atu ona lelei. Sa lei toe fufusi tele lona manava, ma sa amata ona fiamoe. "Ia manuia taeao," na fai mai ai Uso Van Leeuwen a o la tuumuli ese. "Sa e galue malosi lava, ma ou te iloa o le a fesoasoani le Tama Faalelagi ia te oe ina ia manuia."

"Ou te mitamita ia te oe mo le mauaina o le faatuatua," na fai atu ai Tama ia Isa ma tu toe tuu o ia i



"E mafai ona tatou ola i taimi uma ma le 'manuia i le mana o le perisitua,' po o le a lava o tatou tulaga."

Elder Neil L. Andersen o le Korama a Apostetolo e Toasefululua, "Manuia o le Perisitua," *Liahona*, Nov. 2013, 92.

lona moega. "E tusa lava pe le o au o se tagata o le Ekalesia, ou te fiafia e te talitonu i le Atua, ma ou te faaemoe ia e iloa e faapena foi au."

"Faafetai lava, Tama," le tala a Isa, ma na ia [Tama] kisi atu i lona alafau.

A o ia faapupuu i lalo o ona ieafu, sa lagona e Isa le fiafia ma le toafilemu. Sa faafetai o ia i le i ai o se tama e alofa ia te ia. Sa fiafia o ia sa talitonu lona tama i le Tama Faalelagi ma Iesu. Ma sa ia iloaina e mafai ona faamanuiaina pea lava o ia ma lona aiga e le perisitua. ■

E alala le tusitala i Massachusetts, ISA.





Saunia e Elder
Kazuhiko Yamashita
O Le Fitugafulu

Se Leona Amio Mamoe

"O au se atalii o le Atua, ua ia auina mai au nei" (Tusipese a tamaiti, 2).

O se tasi o a'u tala e fiafia i ai o le tala ia Lambert le Leona Amio Mamoe. Sa oo ina lauiloa i se ata komi i ni nai tausaga ua mavae.

O Lambert o se tamai leona sa ola faatasi ma se lafu mamoe mai le taimi na fanau ai. Ona o lena mea, sa ia manatu ai o ia o se mamoe. I se tasi po o le tautotogo na momoe filemu ai Lambert ma le lafu. Na faafusei lava ona faalogoina e Lambert le uio taufaafefe o se luko i se mea mamao. Ona sa manatu Lambert o ia o se mamoe, sa amata ona gatete o ia.

Na faasolosolo leotele mai le uio, ma na lalata atili mai le luko ma amata ona toso ese atu se tasi o mamoe. Na faafusei lava ona lagona e Lambert se faalogona malosi i totonu te lei faalogoina muamua. Faapei o se uila, sa ia momoe atu agai i le luko e laveai le mamoe!

O le taimi lava lena na iloa ai e Lambert se mea. "E le o au o se mamoe. E le o au o se atalii o se mamoe. O au o se atalii o se leona!" Sa mafaufau ai Lambert. Ina ua ia tulieseia le luko ma puipua mamoe, sa ia iloa lona natura moni.

O oe o se atalii o le Atua, ma e alofa o Ia ia te oe. Ae tatou te le'i fananau mai i le lalolagi, o i tatou taitoatasi o se atalii po o se afafine agaga pele a lo tatou Tama Faalelagi. Ae o le toatele o i tatou e le iloaina lenei mea. Afai tatou te iloa po o ai i tatou, e mafai ona avea i tatou e pei o le leona ma tau e tetee ese mea leaga, ina ia mafai ona tatou puipua isi ma lē se ese.

Ou te faafetai mo mealofa mata-gofie o le talalelei ma le ata o le faa-olataga. Ou te faafetai ua tatou iloa po o ai i tatou ina ia mafai ona tatou malolosi—pei lava o Lambert. ■

ATA NA TUSA E JARED BECKSTRAND




O LA TATOU ITULAU

TAMAIKI



Ou te fiafia i mea uma na foafaina
e lesu Keriso.

You-en, 6 tausaga, Taiuani




2 Nifae 30:12–15 ua faamatalaina le Meleniuma. Ou te faamoemoe e mafai ona ou feiloai ma le Faaola ma taaalo ma manu pe a oo mai le Meleniuma.

You-rou, 10 tausaga, Taiuani



O lau ata tusi e uiga i faamanuiaiga o le tausia o le aso Sapati ia paia (tagai MF&F 59:16). Ou te fiafia i manu.

You-ren, 8 tausaga, Taiuani



O Le Tama ma le Sami, saunia e Helaman G., 11 tausaga, Mekisiko; na manumalo i se tauvaga o faatufugaga na lagolagoina e le failautusi a le neivi



Ina ua ma o ma lo'u tama i le Malumalu o Buenos Aires Atenitina, sa mafai ona ou vaai i le tele o potu paia ma mata-gofie i totonus. O se fale tatala, sa matuai toatele tagata na mafai ona vaai i le malumalu. E leo toe umi ae lava lou matua e ulu atu ai i le malumalu ma faia papatisoga mo e ua maliliu. Ou te alofa ia lesu Keriso ma lo'u aiga.

Guido R., 10 tausaga,
Atenitina



O au o se Mamona! Ua ou iloa. Ua ou ola ai. Ou te fiafia i ai, saunia e Laura N., 8 tausaga, Pasila



O UO MAI LE SALAFA O LE LALOLAGI

Mālō e
lelei!*

O au o **Kaloni** mai Toga

Ou te fiafia e alu i le
matafaga faatasi ma
lo'u aiga, ma taaalo i le
oneone, ma i le sami.



Ou te fiafia e siva, taalo i taologa
ma valivali. Sa ou fesoasoani i
le tusiina o se ata tele o le ata
o le faaolataga mo le fale o le
seminare.



I aso o le vaisaso, ou te
ofu lau toniga o le aoga.
Ona savavali faatasi lea
o lo'u aiga i le aoga. E
galue lo'u tama i le aoga
maualuga, ma o lo'u tina
o se faiaoga seminare. E
i ai sou uso matua e igoa
ia Dorothy ma se tuagane
matua e igoa ia Nelson.





Na filifili lo'u tina ma lona uso e amata se galuega faatino a le aiga ina ia maua ai tupe mo i matou uma o tausoga e o ai i a matou misiona i se aso. Matou te faia ni moa falai ma vaiinu meleni ma faatau atu i le maketi a faifaatoaga i Aso Toonai taitasi.

Mai se faatalanoaga
ma Amie Jane Leavitt

Feiloai ia Kaloni mai le Malo o Toga. Ua laulioa ona motu o Motu Faauo.

Pe sa fai ea se tou tafaoga faaleaiga i fafo i le Aso o le Kerisimasi? E fafia le aiga o Kaloni e tafafao i le matafaga i le taimi o le Kerisimasi. Talu ai ona o le taumafanafana lenei ia Tesema i le itulagi i saute, o tafaoga i le Kerisimasi e le o se faafitauli! O Kaloni e sefulu-tausagale-matua e fafia e faaalu le tele o aso malolo fafia faatasi ma uso o tina ma tama, ma tausoga. ■

* "Talofa, uo!" i le faa-Toga.



Ou te fia alu i le kolisi ma avea ma se faiaoga seminare e pei o lo'u tina. Ou te manao foi e alu i se misiona ma faaipoipo i le malumalu. Ae o le taimi nei, o le a ou olioli pea i le ola ai i se parataiso o se motu matagofie.



OU TE FIA VAAI I LE MALUMALU



I la matou savaliga i le aoga, e pasi atu lo'u aiga i le malumalu. Ou te lagonaina le filemu pe a ou vaai i le malumalu. E le mafai ona ou faatali seja oo ina mafai ona ou alu i totonusi i se aso.

Na faapaiaina le Malumalu o Nuku'alofa Toga i le 1983. Sa toe faafouina ma toe faapaiaina i le 2007.



SAUNI E O!

Ua faatumulia le atopau a Kaloni i nisi o ana mea a fafia i ai. O fea o nei mea o le a e teuina i lau atopau?



O Gaoioiga Anoa E Faamalosia Ai Lo'u Aiga



Saunia e Jennifer Maddy

Sa le fiafia Lucas. Ia fealualuai solo i le fale e saili se tasi la te taaalo. Sa taalo lona uso, o Ben, i le komepiuta. O lona tuafafine, o Sophie, o loo tesia lana uo. Sa iloiloina e tina le meli, ma sa faiata tusi Tama.

“E le manaia iinei, o le tala lea a Lucas.

Sa tilotilo atu tama mai lana tusi. “O le a le uiga o lau tala?”

“Tatou te le faia faatasi se mea,” o le tala lea a Lucas. “E fai a mea a le tagata ia.”

Na tapuni e tama lana tusi. “E sa'o oe,” o lana tala lea. “O le a ou faapotopoto faatasi le aiga, ma o le a tatou faia se mea malie.”

Sa ataata Lucas. “Lelei tele!”

I ni nai minute mulimuli ane, sa nonofa faatasi le aiga o Lucas, ma mafaufau i le mea e fai. Sa manao Sophie e tesia lana uo. Sa fia taalo pea Ben i lana taalogia i le komepiuta.

“O la'u uo o Paulo e fiafia e o e savavalima lona aiga,” o le tala lea a Lucas. “Ma e fiafia le aiga o Alexander e taalo i taalogia.”

Ae sa le manao Sophie e alu i fafo atu i le vevela o le tau, ma sa le mafai ona taalo Ben i ni taaloga ona sa afaina lona tapuvae.

“O mea fiafia na mo au uo e fai, Lucas,” na fai mai ai Tina, “ae o le a se mea e fiafia lo *tatou* aiga e fai?”

Na fai atu Ben e fiafia o ia e taalo i taaloga i luga o laupapa. Na fai atu Sophie e fiafia o ia e faiata. Na fai atu Lucas e fiafia o ia i taututuuga taavale.

“Sei o tatou pikiina se tasi o na mea e fai i le taimi nei,” o le tala lea a Tama. “Aisea tatou te le taaalo ai muamua i se taaloga i luga o le laupapa?”

E lei umi ae latou faataamilomilo uma i se taaloga ma amata ona taaalo. Ina ua mavae se taimi sa tuuese e Sophie lana telefoni. Na le toe tilotilo Ben i le komepiuta. E oo atu i le faaiuga o le taaloga, ua ataata uma tagata, ae sa tele ai lava le ataata a Lucas. ■

E alala le tusitala i Iuta, ISA.

PESE

- “O Le Aiga” (*Liahona*, Aperila 2004. 104)

MANATU MO TALANOAGA FAALEAIGA


Ua tau mai e perofeta ma aposetolo ia i tatou e taua le faaaluina o taimi faatasi o se aiga. O le faia o mea faatasi ma lou aiga, o le a fesoasoani e te aoao le tasi i le isi ma maua ai le fiafia faatasi. O le a le mea e manao lou aiga e fai? Talanoa pe faapefea ona fesoasoani na gaoioiga ia te outou e ola vavalalata faatasi ai. E mafai ona outou faia se sini e fai se gaoioiga fou se tasi o se aiga i lenei masina.

O SE MASINA O LE FIAFIA

Fuafua faatasi ma lou aiga po o a gaoioiga tou te mananao e fai i lenei masina. A o outou faia se gaoioiga o loo faaalia iinei, tipi le ata ma faapipi pe faakelu i luga o le aso tou te faia ai. Fai ni avanoa e faaopoopo i ai a outou lava gaoioiga!

Aokuso 2014

1	2
3	4
5	6
7	8
9	
10	11
12	13
14	15
16	
17	18
19	20
21	22
23	
24	25
26	27
28	29
30	

31				
				

O e aau Fai afiafi faaleaiga Fai se pesepesega Taaalo i se taaloga Faitau se tala

Fai se taaloga Fai se savaliga O i le Malumalu O i se tietiega uila

Uo mo Eli


Saunia e Jane Nickerson

E faavae i se tala moni



Sa taumafai Eli ia avea ma se uo lelei. Ae sa le manao Will e taalo faatasi ma ia.

“Afai lua te taaalo ma Eli, e le mafai ona lua taaalo ma au,” na ta’u atu e Will ia Jake ma Danny.



Sa fesili fiafia atu Eli ia Will, ae na fai mai Will, “leai. Alu ese.”



Na taumafai Eli e auai ina ua fai tuliga a isi tama. Ae na leai se tasi e tulia Eli.



I se tasi aso na aumaia ai e Eli ni meataalo i le aoga. Sa matamata atu Emma o se teine fou ia te ia o taalo.

“Pe e te fia taaalo faatasi ma au?” O le fesili lea a Eli.
“Ioe,” o le tala lea a Ema. “E foliga mai e malie.”



Na fesili atu Jake ma Danny, “E mafai ona ma taaalo foi?”
“Ioe,” o le tala lea a Eli.



Sa foliga mai Will ua tuua toatasí.
“Sau loa, Will,” fai mai ai Eli. “E mafai foi ona e taalo.” ■

Faasoa atu Meataalo

Sue meataalo i le malae taalo. Ona fiafau lea pe toafia tamaiti o loo faasoa atu meataalo taitasi.



SUIA LOU FEFÉ I LE FAATUATUA

Saunia e Katherine Nelson

na ua ia vaai mai ia te au, na vave ona iloa e la'u uo sili ua i ai se mea o sese. "Ua faauma le ma faigaou," sa ou tau atu filemu ia te ia. Sa ou sau i le fale ina ua maea se talanoaga umi ma le alii talavou sa ma tafafao faamasani. E ui lava sa ma faanoanoa e faamavae, na ma malilie uma o le mea sa'o lea mo i maua.

Ae i le aluga o le vaiaso, sa amata ona ou lagona le le mautonu i la'u filifiliga. Ae faapefea pe afai ou te le maua lava se isi tagata e tafafao faamasani ma o le a le faaipoipo lava? Ae faapefea pe afai na ou faateleina le vevesi mai lo ma eseesege?

Sa ou lagonaina le matuai tuua toatasi ma le le mautinoa na lava ina ou manatu ai e toe vaai pe na ia naunau e toe taumafai tasi le ma sootaga. Sa ou, e pei ona taua e Elder Jeffrey R. Holland o le Korama a Apostolo e Toasefululu, "ua le fiafia i mea o le taimi nei ma mauaina na o ni vaaiga maualalo e uiga i le lumanai."¹

I se tasi afiafi i ni nai vaiaso ina ua uma ona ma faamavae, sa ou faitau e uiga i le Toetu o le Faaola. Na toe faamatalaina e le Talalelei a Luka faapea i le aso tolu ina ua uma ona teuina le Faaola, na o atu soo faamaoni e faauuina Lona tino i mea manogi. Ae sa latou mauaina le maa na pupuni ai le tuugamau ua fulieseina ma ua leai se tino. Ona oo faaali mai ai lea o



*Ae faapefea
pe afai ou te le
maua lava se isi
tagata e tafafao
faamasani ma
e le faaipoipo
lava?*

agelu e toalua ia te i latou ma faapea atu, "Aisea tou te saili le ua soifua i e ua otí? "E le o iinei o ia, a ua tu" (Luka 24:5–6).

O le fesili a agelu na faafusei lava ona taia ai au i se malosiaga maoae. Ou te lei mafaufau muamua lava i lagona atonu na oo i le au asiasi i le tuugamau o Iesu, i le iloaina sa latou sailia le Faaola i le nofoaga sese. Ou te lei mafaufau muamua lava i le luitau tele mo i latou i le talitonu sa tuua e Iesu le pala o le tuugamau ma ua toetu i le mamalu.

Na tuuina mai e le mau se aoaiga malie. Sa ou iloaina, e pei o uo a le Faaola, sa ou saili le faamafanafanaga i le nofoaga sese. O le nofoai i le taimi ua tuanai ma "moomoo [ga] faivavale mo ananafi"² sa le faamafanafanaina au pe uunaia ai au e galue malosi. Sa ou iloaina e manaomia ona ou tuu le matamata i le tuugamau o aafiaga ua mavae. Sa ou manaomia ona suia lou fefe i le faatuatua ma faalagolago e mafai ona fatuina e le Faaola se olaga fou mai ou aafiaga ua tuanai.

Ou te mafaufau soo i lena mau i le tele o taimi pe a ou faanoanoa ini filifiliga po o le moomoo e toe foi atu i le taimi ua tuanai. Ona o le Faaola, e mafai ona tatou toe amata. Ona o le Faaola, e mafai ona tatou "toe tepa i tua ia maua mai aloiafi mai aafiaga susulu ae le o lefulefu," i le iloaina "o le taimi ua tuanai e tatau ona aoao mai ai ae le o le ola ai."³ Nai lo o le faamaumauina o le taimi i le faanoanoa maimau, e mafai ona tatou vaai atu i le lumanai ma le faatuatua. ■

E alala le tusitala i Iuta, ISA.

FAAMATALAGA

1. Jeffrey R. Holland, "Ia Manatua le Ava a Lota" (faigalotu a le Brigham Young University, 13 Ianuari, 2009), 3; speeches.byu.edu.
2. Jeffrey R. Holland, "Ia Manatua le Ava a Lota," 2.
3. Jeffrey R. Holland, "Ia Manatua le Ava a Lota," 2.



O a ni filifiliga e taitai atu ai i le fiafia i le aiga?

"Ua faia e le Tama Faalelagi i tatou taitoatasi ia tulaga ese. E leai ni tagata se toalua o i tatou e tutusa lelei aafiaga. E leai ni aiga se lua e tutusa lelei. E le o se mea la e faateia ai le faapea, o fautuaga i auala e filifili ai le fiafia i le olaga faaleaiga e faigata ona tuuina atu. Ae ua faatulagaina e se Tama Faalelagi alofa le alafua e tasi e tau atu i le fiafia mo Ana fanau uma. Po o a lava o tatou tulaga patino po o a foi o tatou aafiaga, ua na o le tasi lava le fuafuaga o le fiafia. O lena fuafuaga o le mulimuli lea i poloaiga uma a le Atua."

Peresitene Henry B. Eyring, Fesoasoani Muamua i le Au Peresitene Sili, "I Fanau a La'u Fanau," *Liahona*, Nov. 2013, 69.

E I Ai Foi i Lenei Lomiga

MO TALAVOU MATUTUA



FAATINO I LUGA O LENEI LAUELEELE mo ni Tausaga

i.42


O le taimi lenei o lou olaga e tumu i le televave o suiga,
ae e mafai lava ona e faia le mea sili o lou tulaga po o
le a lava le umi e faatali ai.

MO LE AUTALAVOU

i.62

AISEA E MATAGOFIE AI LE **FAAIPOIPOGA!**

Aoao mai ia i maua: o le a e fiafia i le faaipoipo
atu i lau soa e faavavau, ma o le mafuaaga lenei.



MO TAMAITI



Se Leona Amio Mamoe

i.70

Sa manatu Lambert le leona
o ia o se mamoe. Ona sau
lea o se luko taufaafefe.